

天一閣藏明代方志選刊


天一閣藏明代方志選刊

莘縣志



2153/01

一九六五年五月上海古籍書店據寧波天一閣藏明正德原刻嘉靖增刻本景印原書版框高二·二公分寬一四·七公分




上缺

察司僉憲蔡公

命東

守楊公

纂脩郡志謂



係非輕如原無志書及有志書

該載不全者用心編輯以垂後

而傳遠莘縣隸東昌在所當纂

脩者也莘尹王君琛告予予叨

莘教而秉筆有不容辭遂與門



人蔣梅王室尋訪舊志僅得一  
本而觀之事雖有闕略差訛然  
而尚幸是志之存得以相與因  
其舊而脩之遂酌諸時事證諸  
經史及鄉間故老之所見聞道  
左遺碑之所記載無不訪考於  
闕略者補之俾其全差訛者辯

之俾其正若夫條目之紊亂者  
則依我

國朝永樂十六年頒降纂脩凡例與  
夫一統志叅用而定之其間若  
學官入於宦蹟則以宦蹟叙遠  
方來仕者故縣官錄之而學官  
附焉若科貢入於人物則以人

物叙本縣之人故名臣錄之而  
科貢亦附焉皆以其類而志之  
又竊不自揣作補叙考證附於  
其內分更刻編不一月而是志  
成類分爲十卷裝演爲二帙既  
已進之於郡王君遂復命工版  
刻俾流布之廣垂示之遠蓋監

舊志之無傳也因屬予序諸首  
予惟莘小邑也而山川之奧形  
勝之美固不敢與雄州大郡相  
爲頡頏而人物之懿孝行之多  
足以感動人者實不多讓焉誠  
使職莘之事與莘之士因是志  
而觀之自將敬仰前脩而思所

以繼美之道則是志有補於風  
化有啓於將來大矣豈徒爲觀  
覽之資而已哉

正德十年歲次乙亥春三月中  
泮之吉東昌府莘縣儒學教  
諭莆田舉人吳宗器序

莘縣志叙表

莘縣歷代建廢

封域

叙郡

叙縣

唐虞三代

兗州之域

春秋

衛地

戰國

齊之西界

秦

東郡  
即今東昌府

陽平縣

漢

東郡

陽平縣

東漢

東郡

陽平縣

晉

陽平郡  
即今大名府

陽平縣

南朝宋

北朝魏

陽平郡

陽平縣

北齊

樂平縣  
改陽平縣為之

後周

武陽郡  
於此樂平置之

隋

唐

莘亭縣文析縣  
平置之

陽平縣開皇六年改莘  
亭縣復為之

清邑縣開皇八年改  
陽平縣為之

莘州開皇十六年又  
改清邑為之

莘縣大業初州廢  
改莘州為之

莘亭縣武德四年析  
莘縣置之

莘州五年改  
縣為之

武陽郡即今大  
名府

魏州即今大  
名府

南東西道

唐未置魏博節度使



宋

京東東路

大名府治改魏州為之

莘縣

貞觀四年州及莘縣俱廢復置縣

金

大名府路

莘縣

元

東東西道宣尉司

大名府路元初因之

莘縣

東東西道肅政廉訪司

博州路東昌路至元間改

國朝大明

東等處承宣布政司

東昌府

莘縣

東等處提刑按察使司

纂脩志書凡例

永樂十六年頒降

一建置沿革歷叙郡縣建置之由自禹貢周職方氏所屬某州并歷代分合廢置與夫僭偽所據逮

國朝平定屬某府所管

一分野屬某州天文某宿分野之次

一疆域在郡之上下左右四方所抵界分若干里廣若干袤若干四至叙隣縣界府地名若干里八到叙到隣近府州縣治若干里陸路水路皆叙其至本府若干布政司若干南京若干北京若干陸路言幾里水路言幾驛

一城池所建何時續後增築何人有碑文者收錄及城樓堞堞弔橋之類悉錄之

一山川叙境內山嶺江河溪澗之類所從來者舊有事蹟及名山大川有碑文者皆錄其餘雖小山小水有名者亦錄一坊郭鎮市其坊廂鄉都里分鎮市錄其見在者如古有其名而今廢者於古蹟下收之

一土產貢賦田地稅糧課程稅鈔自前代至本朝洪武二十四年并永樂十年之數並悉錄之

一風俗叙前代至今習俗異同形勢論其山川雄險如諸葛亮論鍾山龍蟠石城虎踞之類

一戶口自前代至 本朝洪武二十四年永樂十年版籍所載並詳其數目

一學校叙其建置之由續脩理者何人廨舍堂齋書籍碑記並收錄學官科貢人才並詳收錄有碑記者亦錄之

一軍衛叙建置何代衙門廨舍教場屯田去處田畝歲納子粒之數武臣功蹟並采錄之碑記之類亦收

一郡縣廨舍自前代建置以至 本朝見在者詳叙之古時所建不在此及廢者於古蹟下收之所屬衙門如館驛鎮所倉場庫務申明旌善亭壇場鋪舍並詳收錄有碑文者亦錄之

一寺觀叙其創建何時續脩若何及有碑文者並錄之如廢  
收古蹟下

一祠廟如文廟詳錄其創建祭器樂器碑記悉錄無遺其他  
祠廟亦叙創建因何而立封勅制誥碑記之類並收錄之  
一橋梁叙創建之由在於何處繼後何人脩建有碑記者亦  
收錄之

一古蹟凡前代城壘公廨驛鋪山寨倉場庫務古有而今無  
或改移他處者基址亦收錄之陵墓前代帝王名臣賢士  
者並收錄之亭館臺榭樓閣書院之類或存或廢有碑記  
者亦備錄於後津渡見在某處路通何方岩洞井泉之有

名者亦收錄龍湫亦載何處或有靈異可驗者前代園池  
何由而建 本朝棄棗備載各都某處陂堰圩塘之類見  
何代開渠如無考者止書見存其處廢者亦見因何而廢  
寺觀庵廟雖廢亦錄墟巷之類凡廢者俱收錄之

一宦蹟自前代開創政蹟相傳者有題名者備錄之至

本朝某人有政蹟悉錄之見任者止書事蹟不可諛頌

一人物俱自前代至今 本朝賢人烈士忠臣名將仕宦孝

子順孫義夫節婦隱逸儒士方技及有能保障鄉閭者並


錄

一仙釋自前代至今有名有靈跡者收錄之

一雜志記其本處古今事蹟難入前項條目如人事風俗可  
為勸戒草木虫獸之妖祥水火荒旱幽怪之類可收者錄  
之以備觀考

一詩文先以

聖朝制誥別彙一卷所以尊崇也其次古今名公詩篇記序之  
類其有關於政教風俗題詠山川者並收錄之浮文不醇  
正者勿錄





莘縣志目錄

卷之一

建置沿革 邑名

分野

形勝

風俗

山川

疆域附四至

城池

坊鄉附十四里十八里并集鎮街巷四廟

卷之二

戶口

貢賦

土產

徭役

卷之三

公署內布按二分司并府館縣治

廨舍附鐘鼓樓

陰陽學

醫學

申明亭

旌善亭

存留倉

預備倉

兌軍水次倉馬廠

南馬場

北馬場

養濟院

急遞鋪

巡警冷鋪

牌坊

學校

兵衛

卷之四

壇墀

書院

宮室

關津

橋梁

寺觀

祠廟

塚墓

古蹟

卷之五

官蹟類

歷代官員題名

歷代官員政蹟

附師儒

卷之六

人物類

名臣

科貢

流寓

薦舉

吏員

封贈

隱逸

義士

勇士

孝子

順孫

義夫

節婦

義民

義官

壽官

醫術

善畫

仙釋

雜志

卷之七

藝文  
製詞

卷之八

藝文

縣治碑刻  
祠廟碑刻

卷之九

藝文墓道碑刻

卷之十

藝文題詠雜詠

莘縣志目錄終

莘縣志卷之一

莘縣知縣王琛新刊

儒學教諭吳宗器纂脩

後學蔣梅王室編

知縣楊鵠重脩

建置沿革

莘縣按禹貢及周職方皆兗州之域春秋為衛地秦漢為東郡陽平縣地晉魏屬陽平郡北齊改樂平縣後周於此置武陽郡又析樂平置莘縣隋廢開皇六年復置陽平縣八年改為清邑縣十六年又改置莘州大業初州廢改為

莘縣屬武陽郡唐武德四年復析莘縣置莘亭縣五年改  
莘縣為莘州貞觀四年州及莘亭俱廢復置莘縣屬魏州  
宋屬大名府治金屬大名府路元初因之至元間割本縣  
隸東昌路

國朝洪武元年國公常遇春兵下東昌縣亦歸附仍屬東昌府

**考證**

按志載後周於此置武陽郡考之大明一統志

載莘縣東鄉古武陽城即其地舊志旁注今朝城縣  
非也蓋朝城東漢為武陽郡至後周改為縣矣又隋  
莘縣屬武陽郡唐屬魏州蓋武陽郡魏州皆今大名  
府後周置魏州隋改州為武陽郡唐復為魏州宋改

大名府治金改大名府路元改大名路今大名府時  
異制殊其地一也

邑名

莘縣北八里古有莘亭後周因名曰莘亭縣隋改莘州尋  
改莘縣皆以此也

分野

禹貢及周職方皆以東郡屬兗州之域天文危室分野  
形勝

南接濮陽之水北抵清源之河東近乎會通西聯乎渭川  
境內平坦而低窪相間其形勝如此

風俗

民紹莘郊之業士漸鄒魯之風孝踵王德新之芳廉憲振  
劉儒之餘韻人性確直習尚禮義窮達無形迹之拘貧富  
有相周之美風俗之厚有自來矣

山川附井泉

弁山在縣治北四十里馬橋鎮西後魏孝昌二年忽泉湧  
出下有碎石俗呼爲弁山後人因鑿泉爲井建亭其上今  
亭廢井在弁山考證見弁山廟下

馬頰河在縣治西五十里來自西南經流東北兩岸弘闊  
至本境井家庄其岸坦夷而分派其流



水井在縣治西五里武家廟西其泉極冷有類於冰故名  
但湮塞已久今復開鑿

甘泉井在縣治東二里其水甘美煮物易爛人多汲不竭  
普濟泉在縣治東北井堂寺前正德間邑人掘地得水且  
甘美不竭因甃爲井以泉在普濟巷又濟人者衆故名  
黑龍潭在縣治東南二十里其地低窪歲或大雨則氾濫  
洋溢淹沒田禾甚多

### 疆域

莘縣疆域在府西南七十里東西相距廣四十五里南北  
相距袤六十五里

東至陽穀縣界堤口一十里

西至朝城縣界大王寨三十五里

南至朝城縣界大興鋪二十五里

北至堂邑縣界馬橋鎮四十里

東到兗州府東阿縣治一百二十里

西到大名府元城縣治九十里

南到本府朝城縣治四十五里

北到本府堂邑縣治七十里

東南到兗州府陽穀縣治三十五里

西北到本府冠縣治七十里

東北至本府七十里至布政司三百里南至

南京一千五百里北至

北京九百四十里

### 城池

本縣城池前代興築無考至

國朝歲久傾圯淤塞不完成化十九年知縣賈堯中築城鑿池  
并南北二門亦皆增脩弘治元年知縣顧巖夾岸植柳樹  
千餘株十三年本府知府李舉命通判吉志學督同本縣

知縣侯良陰陽官毛鸞重築土城周圍一千六百三十三丈高二丈五尺上闊一丈下闊一丈五尺女牆三千二百餘堞弘治十四年知縣朱錦以磚砌東門建樓三間於其上正德六年知縣諸忠以磚砌西門亦建樓三間於其上皆如南北門之制復脩池闊二丈深一丈池外周圍植柳柵護其城命名於門東曰永清南曰閃里西曰太有北曰伊田正德八年知縣王琛城上脩瓦樓一十四座以便巡守至此城池完固門樓壯麗誠一邑之偉觀也

外城池正德七年知縣王琛委官毛鸞鑄於舊城之外復築其城外城之下復鑿其池城牆高一丈五尺築

牆高三尺上闊七尺下闊一丈池闊一丈五尺深一丈八  
年以磚砌外城四門上各創樓三間命名於門東曰定海  
南曰阜民財曰通津北曰迎恩至此新舊兩城內外八門  
是一邑之關防四方通衢之偉觀也

有碑記在迎恩樓見  
文章類

坊鄉

附集墮街巷

**補**

按四坊五鄉迺舊志所載惜無年代可稽仍舊

錄之至

國朝編戶十四里天順四年知縣苟珣增編十八里舊志無載

今補收于下

四坊

居仁坊在縣治東

歸厚坊在縣治南

安善坊在縣治西

民德坊在縣治北

五鄉

陽平鄉在縣治東

武陽鄉在縣治南

斗城鄉在縣治南

弇山鄉在縣治北

莘亭鄉在縣治北

國朝十四里

一鄉

二鄉

三鄉

四鄉

東五鄉

西五鄉

柳家屯

陳家屯

孫浩屯

丁里長屯

劉里長屯

臧家屯

西大屯

西小屯

十八里

各里下附村庄如曰廟曰菴曰堂之類皆今小鄉名故祠廟不載

舊一鄉在縣治北二十五里一圖內有二廟二村十二庄

高家廟

白馬廟

大里庄

蔣家庄

柳井村

新張村

東王家庄

八里庄

北王家庄

呂家庄

康家庄

霍家庄

宮家庄

甯家庄

謝家庄

孟家庄

舊二鄉在縣治西南二十五里一圖內有一塚一佛堂一

疇一店一務一廟二寨四村六庄

太子塚

黃樓店

安周疇

河家庄

袁家庄

索疃村

彭家庄

落家庄

裴家佛堂

關目村

十里務

白廟兒

路家庄

段家庄

滑家寨

小寨兒

中趙村

杜家庄

舊三鄉在縣治西三十里一圖內有一店一疃四村六庄

東程家庄

苑疃村

西程家庄

新庄兒

祖家店

小營村

孫堽村

孫都村

中牟疃

索家店

宮家庄

王家庄

南四鄉在縣治西北三十里一圖內有一寨一集一巷六

庄



董家庄

麻馬寨

魏家庄

孫兕庄

燕店集

栢家巷

盧家庄

劉家庄

小王庄

北四鄉在縣治西北四十五里三圖內有一堂一集二店  
二寨一村七庄

安兕庄

楊兕庄

干寨子

新王庄

祝家庄

東江店

葛兕庄

落家寨

尚兕庄

焦家庄

西江店

盧疇村

草佛堂

龍骨廟集

東五鄉在縣治北四十里二圖內有一村二寨八庄

馬橋鎮集 楊家庄 安頭村 趙家庄

田家庄 卽家庄 吳家庄 潘家庄

李家庄 朱家庄 何店集

西五鄉在縣治西北四十五里一圖內有一菴一廟一巷

一疇二村十四座

信家庄 西淨家庄 東淨家庄 孫家庄

鄒家巷 井家庄 三門村 柴家庄

牛王庄 劉莊庄 方園疇 八角廟

南楊村 王家庄 新王庄 郭家庄

趙家庄 潘家庄 徐姑菴 齊家庄

在城在縣治一圖內有五街八巷四廂

大成街

太平街

通津街

承恩街

四會街

拱化巷

新德巷

孝義巷

宏仁巷

左氏巷

普濟巷

儒林巷

尚德巷

永清廂

閃里廂

大有廂

迎恩廂

新一鄉在縣治西北四十里五圖內有三座

西趙家庄

楊家庄

康家庄

新二鄉在縣治南三十里四圖內有一店一潭一村

黃樓店

黑龍潭

張姑村

新三鄉在縣治西三十里二圖內有三村

馬顧村

南無村

馬村

東屯一鄉在縣治東北十五里四圖內有一屯一庄

孫浩屯

馬兒庄

中屯一鄉在縣治北十五里三圖內有一屯一頭

丁里長屯

務兒頭

西屯一鄉在縣治北二十里二圖內有二屯

劉里長屯

臧家屯

西屯二鄉在縣治西十五里二圖內有四屯

邵家屯

姜家屯

劉家屯

蕭家屯

南屯二鄉在縣治南三十里三圖內有一屯一窪

鞠家屯 窪兒張

屯四鄉在縣治西二十里二圖內有三屯

李家屯 薛家屯 張家屯

新屯二鄉在縣治南二十五里五圖內有三屯

陳家屯 曹家屯 馬家屯

### 九集

在城集在縣治南

馬橋鎮集在縣治北四十里

何店集在縣治北二十里

燕店集在縣治西北二十里

南觀鋪集在縣治南一十八里

龍骨廟集在縣治西北四十里

鄒家巷集在縣治西北三十五里

徐家集在縣治西南二十五里

咀家店集在縣治西南二十五里

九疇

中牟疇

臨河疇

關木王疇

陶疇

宋疇

孫判疇

孫疇

苑疇

索疇

街巷

按街巷廂雖附於在城下未記其詳故再錄之

大成街在永清門裏

太平街在閑里門裏

通津街在大有門裏

承恩街在伊田門裏

四會街在四隅市南

拱化巷在縣治前

新德巷在縣治西

孝義巷在縣治東南

宏仁巷在縣治東

左氏巷在古塔西

普濟巷在井堂寺前

儒林巷在學門前

尚德巷在馬廠前

永清廂在永清門外

閑里廂在閑里門外

大有廂在大有門外

迎恩廂在迎恩門外

三

五



莘縣志卷之二

莘縣知縣王琛新刊

儒學教諭吳宗器纂脩

後學蔣梅玉室編

知縣楊鵠重脩

戶口

**考證**按戶口前代舊志無載追我

國朝有版籍可稽今脩錄之內成化七年本縣版籍被火無考不錄

洪武二十四年

戶一千六百一十二戶

口一萬一千八百三十六口

永樂十年

戶一千九百五十九戶

口一萬五千四百一十六口

按永樂十年戶口較之洪武初戶增三百四十  
七口增三千五百八十

天順五年

戶二千一百六十六戶

口二萬二千一百二十六口

按天順五年較之永樂間戶增二百單七口增

六千七百一十

成化十七年

戶二千三百二十二戶

口二萬六千八百一十九口

按成化二十年較之天順間戶增一百五十六

口增四千六百九十三

弘治四年

戶二千三百六十一戶

口二萬六千五百二十二口

按弘治四年較之成化間戶增三十九口減二

百九十七

弘治十四年

戶二千四百一十戶

口二萬七千四百九十五口

按弘治十四年較之四年以後戶增四十九口

增九百七十三

正德七年

戶二千四百二十五戶

口二萬七千三百一十六口

按正德七年較之弘治間戶增一十五口減一

百七十九

貢賦

補叙按貢賦前代旧志無載迨我

國朝若田地稅糧課程稅鈔之類俱有板籍可稽今備錄之

成化七年本縣板籍被火無考不錄

洪武二十四年

官民地一千八百七十二頃五十畝七分

夏稅

小麥三千一石六斗五升二合八勺三抄五撮  
綿絲一百五斤一兩大錢二分九厘三毫

秋糧

粟米七千三百八斗五升六合六勺一抄五撮

綿花絨二百五十斤一十二兩

永樂十年

官民地二千六百八十六頃五畝七分

按永樂十年較之洪武初官民地共增八百一十三頃五十五畝蓋

國朝初人稀少多荆棘至永樂間漸次開闢故田地加多自此以後再無增減

夏稅

小麥四千二百七十三石七升九合一勺三抄七撮五圭

絲綿一百四十八斤一十四兩三錢五分五釐八毫  
秋糧

粟米九千九百七十石四斗四升七合九勺八抄七撮  
五圭

綿花絨九百七十八斤二兩

天順五年

官民地二千六百八十六頃五畝七分

夏稅

小麥四千二百六十五石五斗二升一合

絲綿一百四十八斤十四兩三錢五分五釐八毫

秋糧

粟米九千九百五十二石九斗

綿花絨九百七十八斤二兩

成化十七年

官民地二千六百八十六頃五畝七分

夏稅

小麥四千二百六十五石五斗二升一合九勺

絲綿一百四十八斤十四兩三錢五分五釐八毫



秋糧

粟米九千九百五十二石九斗八合

綿花絨九百七十八斤二兩

弘治四年

官民地二千六百八十六頃五畝七分

夏稅

小麥四千二百六十五石五斗三升一合九勺六抄一

撮

絲綿一百四十八斤一十四兩三錢五分五釐八毫

秋糧

粟米九千九百五十二石九斗七合九勺九撮

綿花絨九百七十八斤二兩

弘治十四年

官民地二千六百八十六頃五畝七分

夏稅

小麥四千二百六十五石五斗三升一合九勺六抄一

撮

絲綿一百四十八斤一十四兩三錢五分五釐八毫

秋糧

粟米九千九百五十二石九斗七合九勺九撮

綿花絨九百七十八斤二兩

正德七年

官民地二千六百八十六頃五畝七分

夏稅

小麥四千二百六十五石五斗三升一合九勺六抄一

撮

絲綿一百四十八斤一十四兩三錢五分五釐捌毫

秋糧

粟米九千九百五十二石九斗七合九勺九撮

綿花絨九百七十八斤二兩

課程

商稅課鈔每年額辦一萬二千三百七十貫三百三十三文俱解府每一貫折錢二文

戶口食鹽鈔每年徵鈔六萬八千四百三十二貫一半解京每一貫折銀三釐一半解府每一貫折錢二文

歲辦

獐羊皮一百五十八張俱解京每一張折銀三錢

土產

穀之品

黍

稷

粟穀

大麥

小麥

蕎麥

蜀秫

黃荳

黑豆

綠豆

豌豆

芝麻

草之品

蓼

蓬

蒿

莠

艾

蒲

茅

蒿

蘆

藎青

蒺藜

莎草

木之品

栢

槐

楊

柳

桑

柘

椿

楸

楮

榆

桐

棠

花之品

菊

葵

萱草

木槿

金雀花

滴滴金

雞冠花

扁竹花

石竹花

玉簪花

菓之品

梅

杏

柰

李

桃

棗

梨

柿

沙菓

軟菓

葡萄

石榴

蔬之品

芥菜

白菜

菠菜

蒿苣

蘿蔔

蔓菁

莞荑

蒼蓬

苦菜

香菜

胎蔥

韭蒜

芹莧

冬瓜

甜瓜

菜瓜

絲瓜

黃瓜

匏子

地瓜

胡蘿蔔

藥之品

牽牛

枸杞

葶麻子

天仙子

茵陳

榆皮

小茴香

車前子

蒼耳

地黃

益母草

兔絲子

酸棗

蛇床子

羽之品

鵝

雞

鴨

鶉鴒

啄木

鵲鴝

毛之品

馬

騾

驢

牛

羊

猪

猫

狗

兔

鼠

帛之品

絲

綿

絹

縠

綿布



徭役

**補叙**

按徭役前代舊志無載迨我

國朝以來沿革不一舊志亦無載今據正德八年所編徭役錄之以見大意云

京班直堂皂隸二名

京班柴薪皂隸五名

按察司柴薪皂隸一名

兗州府柴薪皂隸一名

易州山廠柴夫一百名

臨清倉斗級一名

崇武驛館夫一名

南館陶巡檢司弓兵二名

李海務閘夫七名

臨清接遞牌夫一十五名

本府通運所防夫一名

本府接遞牌夫二百二十名

本府看監禁子一名

本府大盈庫庫子一名

本府廣盈倉斗級一名

本府直堂皂隸三名

本縣布政司門子一名

本縣按察司門子一名

本縣府館門子一名

本縣直堂庫子二名

本縣跟官門子三名

本縣弓兵二十名

本縣快手二十名

本縣直堂皂隸十名

本縣知縣柴薪皂隸四名

本縣典史柴薪皂隸二名

本縣知縣馬夫十名

本縣典史馬夫十名

本縣看監禁子四名

本縣官倉斗級二名

本縣預備倉斗級四名

本縣三鋪司兵二十七名

本縣直堂門子一名

小灘鎮水倉門子一名

本縣四季巡欄六名

本縣儒學膳夫四名

本縣儒學齋夫四名

本縣儒學斗級二名

本縣儒學庫子一名

本縣儒學門子四名

本縣儒學文廟春秋二祭

本縣儒學每歲鄉飲酒禮次

本縣陰陽學門子一名

本縣醫學門子一名

本縣社稷壇春秋二祭

本縣山川壇春秋二祭

本縣厲壇每歲三祭



莘縣志卷之三

莘縣知縣王琛新刊

儒學教諭吳宗器纂脩

後學蔣梅玉室編

知縣楊鵠重脩

公署

布政分司舊在縣治東南景泰七年知縣劉永移置按察分司東天順三年主簿黃政重脩成化十九年知縣賈克中復重脩

儀門一間

正廳三間

後廳三間

東廂房三間

西廂房三間

廚房三間

浴室三間

按察分司在縣治東洪武二年知縣汪惟善創建天順元年

知縣劉永重脩成化十九年知縣賈克中復重脩

儀門一間

正廳三間

後廳三間

東耳房一間

西耳房一間

東廂房三間

西廂房三間

廚房三間

浴室三間

布按二司共大門三間

府館在縣治東景泰七年知縣劉永重脩創建無考

儀門一間

正廳三間

後廳三間

南廂房二間

後廂房三間

廚房三間

縣治在城西南洪武三年知縣汪惟善創建天順五年知縣苟珣重脩弘治五年知縣顧巖增脩戒石亭門房十三年知縣朱錦重脩土地祠正德元年典史張端增脩幕廳四年知縣諸忠重脩後廳西小廳內馬廐吏舍

儀門三間

正廳三間

東幕廳三間

西小廳三間

戒石亭一座

後廳三間

東庫樓一座

西庫房三間

門房五間

湏知房三間

東司房六間

西司房六間

獄房六間

土地祠三間

內馬廐九間

縣舍

附鐘鼓樓

本縣知縣住宅在廳後

主簿住宅在左

弘治間裁革已廢

典史住宅在右

吏舍二十間在右

鍾樓一座舊在縣治東損壞成化十九年知縣賈克中移

置鼓樓西築臺亦高二丈建樓一間鍾鼓相應更漏嚴

明

鼓樓一座在縣治東臺高二丈樓三間洪武二年知縣汪

惟善創建即今之譙樓也

有小石碑記在樓上文見藝文類

陰陽學舊在縣治東南成化十九年知縣賈克中移置縣

治東總鋪南闊六步長三十五步



醫學在縣治東陰陽學南成化十九年知縣賈克中重修  
閣六步長三十五步

申明亭在縣治東鍾鼓樓北成化十七年知縣淡素重修  
旌善亭舊無成化十七年知縣淡素創建在縣治東鍾鼓  
樓南

存留倉在縣治東鍾鼓樓西街北東西闊三十五步南北  
長三十八步廩房三所共一十五間弘治年間廢

預備倉四所在縣治一所在鄉三所縣治一所在縣治東  
洪武間知縣徐伯恭創建天順二年主簿黃政重修成  
化十九年知縣賈克中因舊脩廣弘治間知縣杜啓增

脩南北廩房二十餘間東西廩房四十餘間墻垣堅固  
世賴儲蓄西江店一所在縣治西北四十里白馬廟一  
所在縣治北十里十里務一所在縣治南十里三所俱  
正統年間廢

兌軍水次倉在縣治西北七十里小灘鎮成化年間創建  
弘治十六年知縣朱錦重脩廳堂廩房共三十餘間煥  
然完整

馬廠在縣治東南尚德巷北宣德六年知縣吳達創建成  
化六年主簿彭允重脩弘治十三年主簿桂玉增設馬  
房四十餘間地闊三十三步長二十四步

正廳三間

左耳房三間

右耳房三間

郵亭一座

門一間

南觀鋪在縣治南十八里洪武三年知縣汪惟善創建正

德四年知縣諸忠增脩圍築垣牆周遭地一畝

正廳三間

左耳房三間

右耳房三間

郵亭一座

門一間

新安鋪在縣治東北八里洪武三年知縣汪惟善創建正

德四年知縣諸忠增脩圍築垣牆周遭地一畝

正廳三間

左耳房三間

右耳房三間

郵亭一座

門一間

巡警冷鋪八所

永清門內邊街北一所

閃里門內邊街東一所

大有門內邊街北一所

伊田門內邊街東一所

四會街南頭馬神廟東一所

宏仁巷南頭街東一所

宏仁巷北頭街西一所

四隅市北街西一所

牌坊

攀蟾坊在承恩街爲永樂九年舉人朱興立今廢

鵬博坊在大成街爲永樂九年舉人李勉立今廢

折桂坊在四會街爲永樂十五年舉人燕斌立今廢

飛黃坊在承恩街爲永樂十八年舉人白本立

步雲坊在通津街爲永樂十八年舉人趙禮立今廢

奪標坊在四會街爲永樂十八年舉人王大順立今廢

凌雲坊在四會街爲永樂二十一年舉人楊好智立

梯雲坊在承恩街爲永樂二十一年舉人鄒迪立今廢

鯢化坊在太平街爲永樂二十一年舉人劉昇立今廢

登瀛坊在承恩街爲正統九年舉人章琬立今廢

冠英坊在承恩街爲景泰四年舉人李清立

觀光坊在通津街爲景泰四年舉人侯儼立今廢

擢英坊在承恩街爲景泰七年舉人楊欽立今廢

世科坊在四會街爲天順六年舉人楊潤立

內翰坊在四會街爲翰林編脩敖山立

應奎坊在四會街爲成化元年舉人王琮立

登庸坊在四會街爲成化四年舉人章溥立今廢

亞魁坊在四會街爲成化十六年舉人張睿立今廢

經亞坊在四會街爲成化十六年舉人左達立今廢

登科坊在承恩街爲弘治二年舉人丙右立

禹門鯤化坊在承恩街爲正德五年舉人蔣松立

**叙補嘉靖二十六年**

本縣知縣劉旦因見公署缺少不科搜里甲乃捐俸併設處工價木料等物創建

新司一所在於鼓樓南

門樓一座

正廳三間

後廳三間

前甬耳房三間

北廂房三間

南廚房三間

申明亭在縣治東鼓樓北經歷年久亭宇頽圯狼狽不堪嘉靖二十六年知縣劉旦重建廣大規模煥然其一新焉

總鋪原在縣治東鼓樓南創自洪武景泰多年以及成化十

五年重脩歷年已久房屋倒塌止存基址知縣劉旦改造新  
司乃另擇善地之高爽者創建一所在縣治之東

門樓一座

正廳三間

後廳三間

養濟院在縣治東宏仁巷東先年創建未備俱皆草舍况又  
經歷多年坍塌損壞邑之孤老無處棲身嘉靖二十六年知  
縣劉旦重脩新建東西瓦房十間正房五間門房五間孤老  
俱得其所孤老缺少月糧本官常指俸糧以補給之每遇節  
令給送飯食之類以養其老焉



學校

儒學舊在縣治東南隅元末兵燹洪武三年知縣汪惟善以廢應海寺改置在縣治東北東至城基西至城隍廟閣七十五步南至官街北至井堂寺長一百五十六步

出舊志

天順五年主簿黃政重修成化十一年知縣淡素

十七年知縣賈克中相繼爲令創建學舍廚房講饌二堂東西號房并脩明倫堂後堂兩齋弘治元年知縣顧巖脩置住宅一所在文廟西十三年知縣孟隆脩置住宅一所在文廟西北尋廢正德四年知縣諸忠改置宰牲房文昌祠建住宅一所在文廟東正德十年知縣王

琛以學大門在文廟之東門前狹隘門樓卑小移改在文廟之西高建門樓三間扁曰儒學外對儒林巷而通於街內闢大道而進於堂規模一新人咸稱雅

明倫堂三間

後堂三間

日進齋五間

時習齋五間

東號房十間

西號房十間

倉房五間

饌堂三間

講堂三間已廢

廚房三間

宰牲房三間

神庫三間已廢

文昌祠三間

舊大門一間

新大門三間

教諭住宅在東

訓導住宅在西

文廟在明倫堂前舊無聖像成化九年致仕知縣李清邑

民李瑄塑之成化十八年知縣賈克中重修大成殿東  
西兩廡戟門櫺星門弘治十二年知縣孟隆以舊毀狹  
隘撤去再建廣爲五間高壯華麗視昔加多十四年知  
縣朱錦脩龕塑像廟貌煥然

大成殿五間

戟門三間

櫺星門三座

東廡七間

西廡七間

國朝頒降官書

性理大全三十本

四書大全二十本

易經大全十二本

書經大全八本

詩經大全十二本

春秋大全十八本

禮記大全十八本

為善陰隲二本

孝順事實二本

五倫書六十二本

大誥一本

佛曲一本

勸善書十九本

抄謄五倫書十二本

文廟合用祭器

祝板一

登五

銅爵一百五十七

鉶二十

簠四十四

簋四十四

簠一百八十四

豆一百八十四

醢鐐五

篚九

酒罇卓三

牲匣八

大小木盤二百一十

香案十七

香爐四十五

燭臺四十五對

供卓四十三

毛血盆八

瘞毛血盤八

盥洗盆架各三

忱巾三

酌酒杓五

單巾五

滌牲桶八

鍋八

糲盆四

庭燎隨用

射圃在縣治東北大成街南闊十八步長一百步洪武三

年知縣汪惟善創建

社學在縣治東北大成街城隍廟西弘治十六年知縣朱錦創建周圍東至觀路西至民居南至官街北至道觀

正房三間

門一間

永樂間各鄉俱立社學今廢

兵衛古無

教場在縣治東一里許周圍地六畝洪武三年知縣汪惟

善創置弘治十三年知縣朱錦創建演武亭

演武亭三間

民壯九十名

快手二十名

御制敬一箴吾

皇上歆廣其學于天下也迺責有司設亭刻石於學爲教久計知  
縣陳棟承命遂建亭五間內刻石碑七塊外立坊碑  
一座其規模宏偉深邃且高其垣牆植以松栢極其壯  
麗諸邑莫及也

明倫堂

學舊明倫堂年久隘且頽師生日無所依知縣陳棟竭力  
零置物料遂創建明倫堂三間二齋六間號房二十間  
不數日而工即就也

學田

學諸生會課規也廢于饌供絺筆之難知縣陳棟視學患之迨嘉靖十一年秋捐俸銀三十兩于本縣定海門南買田一區計地六十畝於是會課有資無廢業矣

### 書院

書院舊無知縣陳棟本縣衙內宅西置書院一所創建堂房三間東房三間門樓一座號曰鯤化書院

先覺書院舊為社李在儒學西嘉靖二十二年二月

大巡撫石塘翁按臨于辛酉舊廟不治以稱祀典遂命移

祀于此而扁曰先覺書院所以重先哲啓後賢也舊廟則重加修飭改為三槐精舍以祀王文正公云鶴書云



**補敘嘉靖**二十七年知縣劉旦每於朔望日謂

文廟竹香詣明倫堂與諸生講論之暇諸生進而揖曰本學原  
有疏令今皆廢矣諸生肄業不便意欲復爲脩舉公即  
唯遂偕師生環視善地乃得於

啓聖祠之前空地一區地形高阜南向明快咸曰斯地可矣公可  
其行即擇日興工築基親躬董作凡百工價料物力役不  
需擾於里甲之資公自設法置備畧不以爲難建立講堂  
三間東西號房十間緣以周垣諸生朝夕肄業甚稱其便  
本學原無會饌堂劉公復於明倫堂後建立會饌堂三間  
東西廚房六間諸生每於會議會考之日皆於斯烹造

而就駕焉以上各工經營於本年三月十一日之始至本月三十日而厥功告成者焉教諭賈標識

本學脩建敬一箴亭嘉靖壬辰歲已完先任陳公欽立石以記歲月第四

詔下行取赴京之迫乃寢其事而竟未成自陳而後歷任知筆者若表公睢公朱公揚公趙公以及於楊公許公者相繼十餘年皆苦其難而不肯庸心自王田劉公在任未及月余詢訪故事倏然有感乃命工鐫石指日告成乃建立於大成殿之前噫官經七尹年計十餘皆失脩廢劉公俄成於旬日之頃切其敏矣哉訓導白璘

識併以碑文附之于後

莘縣新建敬一亭記

賜進士出身文林郎監察御史東郡麟石任淳撰文

欽授承德郎戶部河南司主事邑人王泉王室篆額

賜進士出身奉訓大夫兵部員外郎邑人魯菴曹一貫書丹

山東東昌府莘縣儒學教諭河間南圃賈標續增

玉田藍溪劉夫子以濰縣循良竣擢命綰莘符蒞政

以張怠更廢自勵而於化導尤屬意焉于學朔望進

生而郢斲于邑朝夕振鐸而承諭于家五世同居而表

獎于人善惡分扁而感懲由此起獎維風丹頌

召命固可指期以須矣一日政暇語余與同寅白石岩曰夫  
學所以籲俊昌國也其遊息之地未廣責任有司前  
嘗有志而未之逮也幸備位而得爲可綏吾責乎遂  
協余律胥其地見其敬一亭新堂帝廣建稽之曰爲  
是而可弗銘之於石余曰前任其勞者陞令陳南津  
也作記鄉望任麟石也迄今碑仆文塵吾不知其  
他劉公吁曰是宜人之怠厥政也美而弗彰何以照  
映方來遂索其文閱

皇上御極五年詔天下府州縣立敬一箴亭夫爲守令者  
有勤能罷怠勤能者脩廢罷怠者荒治心蓋不

俾矣若莘之令陳公者余與隣邑最相親而誼厚也按厥心孔公厥才孔敏茲衍湘江茂族其先仕直隸寶坻占籍遂家焉名棟字良材別號南津以易領京闈鄉試狀元揚方城一榜捧檄蒞茲土六載赤心以勤慎許國百廢俱舉時緣詔頒立敬一亭皇上以此諭天下其意盡善盡美今之奉此殆有甚焉遂虔銀若干兩貨殖木料磚瓦建敬一亭五間內刊

御製石文七道垣墻百堵樹敬一門一座敬稱

上意側觀無以爲配改明倫堂三間日時二齋六間名宦鄉賢二祠六間厥配壯觀歧翼矢棘鳥革羣飛黝堊丹雘燦

然鮮明爭光日月師生欣欣然舍庀廩相資百爾俱備  
沾手塗足晨昏竭力工究成而民無擾令之良哉令之良  
哉由是撫按薦其勤能

欽取擢用諸生恐後其善蘇子孟貞妻子秉彝奉出白金若干  
兩索其堅瓊者以勒惟昭厥功惟紀乃時屬門人張子  
文請余為記夫三代之學昭在經史闡道者以此移風  
易俗誠有徵驗今尹用此以風一邑重淑倫也援華誌古  
名邑者商之伊尹宋之王且聖賢之生由於斯焉其地可  
謂靈矣今令創之於前振之於後髦士森然家詩戶禮  
科第繩繩造物之心已良而厥功蓋孔題焉試書之令

莘劉公克敬者以學田二區而入祠孟公隆以愷悌布  
政而建祠二公德澤及人則有如此第夫陳公之功兼  
二公之功而有之寧不可建祠入祀乎故令記之以俟后  
之君子採焉閱竟即命工勒之石夫事之大有成也尚有  
賴於劉公之來乎所以煥銘前善因而廣增建堅不無  
待於後人之掇拾乎嗚呼陳公之勤能非劉公無以顯  
而劉公之賢能若非竟成陳公之美又何以知之哉若劉  
公下車未幾首興學校僉廢俱振其功又將出於三公之  
上矣余敢效顰爲陳南津劉藍溪道其實云

大明嘉靖歲次丁未仲春吉知莘縣事文林郎王田劉旦

訓導高陽白璘

典史泰興商佐 全立

率生本并書



莘縣志卷之四

莘縣知縣王琛新刊

儒學教諭吳宗器纂脩

後學蔣梅玉室編

知縣楊鵠重脩

壇壝

社稷壇舊在縣治北二里官路南屢有水患洪武二年知縣汪惟善移置官路北景泰七年知縣劉永重脩成化十九年知縣賈克中增脩以磚砌壇壇高三尺闊三丈五尺長三丈五尺周圍磚牆壇地闊四十步長四十步

舊有東西南北四門今止北門

神牌二面

庫房三間

如縣場

廚房三間

門一間

風雲雷雨山川壇舊在縣治西南三里屢有水患洪武二年知縣汪惟善改置官路東景泰七年知縣劉永重脩成化十九年知縣賈克中增脩以磚砌壇壇高三尺闊三丈五尺長三丈五尺周圍磚墻壇地闊五十步長四十五步成化二十二年邑民鞠祥栽柏樹九十餘株桑棗榆柳七十餘株俱已成材鬱然可觀舊有東西南北四門今止西門

神牌三面

庫房三間

知縣楊鵬重修廚房三間

門一間

邑厲壇在縣治東北二里洪武二年知縣汪惟善創建景

泰七年知縣劉永重修成化十九年知縣賈亮中增脩

以磚砌壇壇高三尺闊二丈五尺長三丈五尺周圍磚

牆壇地闊四十步長四十步祭文碑一通文見製詞類

庫房三間

知縣楊鵬鼎建廚房三間

門一座

鄉厲壇舊十四所在縣各里下洪武二年知縣汪惟善創

建天順四年知縣苟珣增置一十八所

書院古無

宮室

古無

關津

古無

橋梁

通津橋在縣治西北大有門外正德七年知縣王琛創置

寺觀

井堂寺在縣治東北宋天禧元年創建洪武十八年僧趙

元達增設東西兩廊伽藍殿弘治三年重脩大殿弘治

十三年重脩後殿正德二年重脩方丈山門

碑記三通見藝文類

大殿五間

後殿五間

方丈五間

伽藍殿三間

東廊房十間

西廊房十間

山門三間

左小門一間

右小門一間

馬陵寺在縣治西二十里中年曠北天順元年創建

裴家寺在縣治西十里大屯北成化元年創建

普恩寺在縣治西十五里何家庄南天順二年創建

鉄佛寺在縣治北十五里柳井庄南正統四年創建弘治

六年重脩

明心寺在縣治西南二十五里姐家店東創建無考成化二

年重脩

即三教寺有碑  
記見藝文類

石佛寺在縣治南二十里太子塚滑家寨南創建無考天

順四年重脩

靜祥寺在縣治北四十里馬橋鎮南創建無考正統五年

重修

海湖寺在縣治西北二十五里干寨子北創建無考成化

二年重修

脩真觀在縣治東附城隍廟西永樂年間創建成化十七

年重修

虎口菴在縣治南孝義巷口成化年間邑民傅山創建

清脩菴在縣治南尚德巷街南弘治十一年創建

祠廟

伊尹廟漢時創建在縣治北八里莘亭東洪武間移置縣

治北一里官路西廟貌巍峩碑記數通後野火延燒被  
毀永樂間脩會通河毀碑脩閘正統間知縣戴麟移置  
路東改接官亭基址爲廟天順間邑民趙興李瑄塑像  
成化十九年知縣賈克中重脩弘治十三年知縣孟隆  
移置邑厲壇西正德九年知縣王琛重脩廟宇增築牆  
垣闊十四步長二十步

有詩刻石  
見雜詠類

正堂三間

門一間

城隍廟在縣治東北洪武二年知縣汪惟善創建天順五  
年知縣苟珣重脩弘治元年知縣顧巖增脩大門二門  
弘治八年知縣杜啟增脩兩廊正德六年知縣諸忠增

脩後殿正德十年知縣王琛重脩兩廊東至儒學西至

民居闊三十五步南至官街北至民居長六十二步

祭文

一通見製詞類碑記一通見藝文類

前殿五間

後殿三間

東廊十八間

西廊十八間

大門三間

二門三間

土地祠一間

關王廟在縣治東定海門外元太定丁卯監縣明初公與

劉克敬知縣脩葺門牆完整年久傾頽天順五年知縣

苟珣重脩成化十九年知縣賈克中正德九年知縣王

琛相繼脩整廟貌煥然有碑一通

見藝嘉靖癸卯訓文類街黃志鼎建



閔王廟在縣治東南閔里門外古稱閔子屢經兵燹碑石不存成化十年知縣淡素重脩周圍地二畝

弇山廟在縣治北四十里馬橋鎮西後魏孝昌二年有泉湧出下有碎石俗呼弇山歲或旱暵禱之輒應時宋徽宗崇寧二年詔天下長吏其山川能興雲雨祈禱有應不載祀典者各以名聞縣令奉議郎趙喙請于朝賜號顯仁王致祭元莘縣尹劉克敬免本社雜役脩葺廟宇景泰四年知縣李瓘重脩有碑二通

記見藝文類

**考證**按弇音掩謂蓋覆也此名弇山者蓋以地有泉石而山形不露故名

真武廟在縣治東南四會街正南成化十七年知縣賈克  
中創建正德八年本縣耆老王佐張山盛廣以廟損壞  
狹隘乃增廣基址撤去舊廟爲大門重建正殿三間塑  
像圍牆視昔甚嘉

正殿三間

大門一間

水府三官廟在縣治西通津門外成化二十二年知縣賈  
克中重脩

三聖廟在縣治南門外成化十三年知縣淡素創建  
觀音堂在縣治南門外成化十三年知縣淡素重脩  
太尉廟在縣治南門外周圍築墻天順年間邑民鞠

祥創建弘治十三年知縣孟隆重脩闊十五步長二十步

堂房三間

東房三間

門樓一座

馬神廟在縣治東南馬廠東天順六年主簿黃政創建

清源真君廟在縣治東七里古陽平鄉旱禱有應天順間

重脩塑像

八蜡廟在縣治西北三十五里龍骨廟集東建置無考歲

端午致祭

真武廟在縣治北迎恩門外正德六年邑民呂山創建塑像圍牆東至馬文地南至牛浩地西至官街北至常禹

地闊四十二步三尺長十八步

正殿三間

二門三間

大門一間

觀音堂在縣治南南觀鋪集正南正德五年知縣諸忠同邑民王子壽創建

前殿三間

後房三間

門樓一座

塚墓

義塚在縣治南三里成化十六年知縣賈克中創置周圍地五畝碑石亭一座弘治間亭廢碑毀

**考證**按宋崇寧三年詔天下府州縣邑立漏澤園以濟死無葬者今之義塚即其遺意也

唐贈左散騎常侍汝南郡韓公國昌墓在縣治西南二十

五里舊依仁里今祖家店東周圍地五十畝

碑一通志見藝文類

唐魏博節度觀察處置等使韓君雄墓

墓與國昌同處碑一通志見藝文類

**考證**

按舊志載韓克中墓又人物類亦作韓克中今

考二通碑文其一通迺唐贈左散騎常侍韓國昌墓

內叙其子君雄爲魏博節度觀察處置等使一通迺

韓君雄墓並無克中之名又考通鑑綱目唐懿宗朝

載魏博逐其節度使何全皞推大將韓君雄爲留後

至僖宗朝載魏博節度使韓允中卒註云允中韓君

雄賜名乃知允中即君雄國昌之子正與碑文所叙

合允與充字相似而舊志誤書也今謹爲改正俾後人知充中爲允中而一墓爲國昌云

宋魏國文正公王旦墓在縣治東北二里許舊群賢保今三官廟前周圍地十畝舊有神道碑數通石人石獸望柱國初尚存永樂年間脩會通河取脩閘成化十七年知縣賈充中重脩弘治四年知縣顧巖脩補增後土堤甚高弘治十三年知縣孟隆立王文正公墓碣一通

**考證**按一統志舊志載王旦墓在莘縣東北二里及觀歐陽公文集載文正公神道碑銘序首序曰王公諱旦字子明大名莘人也末序曰天禧元年九月癸

西薨享年六十有一即以其年十一月庚申葬公于  
開封府開封縣新里鄉大邊村與此所載不同竊考  
王旦自父王祐累官兵部侍郎子孫居顯宦者甚衆  
雖至高宗時若王倫王柎猶綿綿不絕故所居之地  
號曰羣賢保而墓地亦在焉况此墓其地廣大封塋  
甚高又有石人石獸神道碑數通或爲王祐之墓與  
子孫顯宦者墓未可知也姑述以俟後之博古者

金顯武將軍張琪墓在縣治南二十里脩善鄉黃樓村之

原今黃樓店南有碑記一通

記見藝文類

元冠州知州韓鵬墓在縣治西三里舊西廡保今王家庄

東有碑記一通

記見藝文類

元冠州知州飛騎尉李希愈墓在縣治東北二里舊葬賢

保今三官廟西有碑記一通

記見藝文類

**補叙**

按張琪韓鵬李希愈三人墓舊志俱失載今據

墓碑所記錄其墓補於此

國朝

工部主事白本墓在縣治東一里左家庄東

新城縣知縣李忱墓在縣治西北三十里孫兒庄南

古蹟

斗城在縣治西南七里形勢如斗故名



弇山泉亭在縣治北四十里馬橋鎮西

武水城在縣治東北三十里東漢屬陽平縣隋屬清邑縣

周廣順中併入聊城縣

武陽城在縣治東鄉後周於此置武陽郡

頓城在縣治東南十里舊武陽城漢臧宮爲東郡守建置

冲虛宮在縣治東北三里

三槐堂在縣治東北二里舊群賢保

接官亭在縣治北一里許正統間改置伊尹祠

莘亭在縣治北八里官路東王家庄西亭廢址在

武陽臺永經武陽城外有臺曰武陽在縣治東鄉

稅課司在縣治北承恩街西舊基三間

因裁革改置於鋪

應海寺在縣治東北洪武初廢改置儒學

黑塔寺在縣治東北隅洪武初廢寺前磚塔一座尚在

或名

鐵塔寺

磚塔一座高十三級金熙宗天眷二年建周圍空地東西

闊十四步南北長十二步

出舊志

**補綴**

按塔高十三級可望七十里塔頂銅籠亦甚高

大籠內可容二十餘人雨過之後籠色愈鮮甚為可

愛正德六年巨賊屢寇山東專以攻城破縣為事知

縣諸忠令民晝夜登望賊來則隨方立幟鳴鑼以示

衆故賊未至城下而城中戰守之備已先定而城爲  
易守矣自後賊不敢犯望塔而遁則知斯塔之建有  
功於華民大矣豈獨爲一浮圖而已哉



莘縣志卷之五

莘縣知縣王琛新刊

儒學教諭吳宗器纂脩

後學蔣梅王室編

知縣楊鵠重脩

官蹟

歷代官員題名

**補叙**

按本縣建置沿革自春秋以來爲郡爲州爲縣

不一其官員亦隨時變更故官蹟之題名政蹟無從

悉考據舊志所載前代數人仍舊錄之追我

國朝官員增減不一舊志所載亦頗有遺今因舊志并考問一二悉錄之類分有題名者錄之於前有政蹟者錄之於後俾後人知仕於莘者如是夫

隋縣令張允濟北海人

宋縣令趙嶠舊志失載今錄之

元縣尹劉克敬楚丘人

萬叔舊志失載今錄之

何廣威舊志失載今錄之

主簿金剛奴舊志失載今錄之

國朝

知縣

汪惟善監生洪武二年任

徐伯恭監生洪武十二年任

石亨人才陝西鳳翔人洪武二十八年任

白

舊志失載莫知名氏聞父老言民目為白釘  
兒蓋言執法之甚凡所為如釘之釘不可移

厲戎監生山西人

舊志失載  
今錄之

吳達舉人江西人宣德六年任

戴麟監生山西翼城縣人

舊志失載  
今錄之

李權監生直隸真定府衡水縣人

舊志失載  
今錄之

劉永監生直隸樂州人景泰五年任

崔榮監生直隸順天府萊永縣人

舊志失載  
今錄之

苟 珣監生陝西漢中府沔縣人天順四年任

淡 素舉人陝西涇陽縣人

賈克中監生山西代州人成化十五年任

顧 巖舉人直隸蘇州府常熟縣人成化二十一年任

杜 塔監生山西安邑縣人弘治七年任

孟 隆舉人山西遼州人弘治九年任

侯 良舉人直隸

朱 錦舉人直隸順天府順義縣人弘治十五年任

王 璟監生直隸保定縣人正德元年任

諸 忠舉人浙江紹興府餘姚縣人正德三年任



王琛廣西宜山人由監生正德末年任爲政平易篤志好學  
徐繡河南舞陽縣人由舉人正德拾年任爲政執方分毫無  
所取嘉靖貳年禮部告致仕回籍

郭希濂陝西安定縣人由舉人嘉靖貳年任其性深沉溫厚  
爲令六年民無怨者尤有功于學偶嬰微疾卒于正寢

陳棟直隸寶坻縣人由舉人嘉靖捌年任才識明敏學冠群  
倫廉以持已謙以待人嚴中有寬和中有介嘉靖玖年境  
內飛蝗蔽目遺子太多棟命民尋掘蝗子每斗給穀壹斗  
伍升捐俸不足又將原帶盤纏糴穀陸拾石添換蒙

撫按查盤蝗子壹百貳拾捌石自是境內無蝗民遂生養

爲政四年之餘欽蒙

旌薦拾餘次

袁成能福建福州府候官縣人由舉人先任直隸太平縣教

諭嘉靖拾肆年拾壹月貳拾柒日到任丁憂回籍

睢澤直隸大名府滑縣人由監生先任山西潞州長治縣知

縣丁憂嘉靖十五年十一月二十一日到任丁憂回籍

宋通直隸隆慶州人由監生嘉靖十六年十二月二十一日

到任

楊得仁河南開封府鈞州人由舉人先任兗州府東平州陽

穀縣知縣丁憂起復除山西太原府靜樂縣知縣嘉靖二

主簿

黃政江西吉安府廬陵縣人由儒士景泰四年任

彭允福建福州府福清縣人由監生成化六年任

葛珣湖廣夷陵州人由監生成化九年任

朱孔湖廣永州府道州人由吏員成化十六年任

李世榮山西汾州介休縣人由監生成化二年任

史天祿四川直隸瀘州人由吏員弘治二年任

桂玉山西汾州人由監生弘治十一年任

曹通山西平陽府襄陵縣人由吏員弘治十四年任

郭賢河南懷慶府河內縣人由監生弘治十七年任至十八

年裁革

典史

李翔山西潞州長子縣人由吏員天順元年任

錢秩直隸蘇州府嘉定縣人由吏員天順八年任

李文江西饒州府浮梁縣人由吏員成化十年任

于案直隸淮安府山陽縣人由吏員成化十三年任

李英直隸壽州蒙城縣人由吏員成化二十年任

李望河南開封府鄭州人由吏員弘治四年任

楊寧直隸灤州人由吏員弘治七年任

崔真河南開封府襄城縣人由吏員弘治十三年任

張端順天府東安縣人由吏員正德元年任

李川江西吉安府吉水縣人由吏員正德二年任

蔡璠直隸松江府華亭縣人由吏員正德八年任

張球江西吉安府萬安縣人由吏員正德十五年四月初二

日到任

蘇鏞順天府良鄉縣人由吏員嘉靖六年三月二十八日到任

許佐直隸河間府交河縣人由吏員先任兗州府鄒縣典史

丁憂嘉靖十四年到任

白贊直隸河間府東光縣人由承差先任兗州府東平州安

山驛驛丞丁憂復除陝西鞏昌府會寧縣保寧驛驛丞

嘉靖十四年十二月到任

賈豹直隸順天府三河縣人由吏員嘉靖二十年六月十五日任本年十二月丁憂回籍

溫潤字如玉號荆山直隸河間府阜城縣人由吏員先任武城縣甲馬營遞運所大使嘉靖二十一年四月初二日陞任商佐字希尹號樂耕直隸揚州府泰興縣人由吏員嘉靖二十年八月二十九日到任

教諭

儀智山西高平縣人由舉人洪武初任學行俱優人才不乏

歷陞禮部侍郎

徐似直隸揚州府興化縣人由舉人正統十二年任持身謹  
厚教人有方陞國子監助教歷陞江西九江府同知

劉哲江西南昌府南昌縣人由舉人正統十二年任

常佑河南遂陽縣人由監生景泰二年任

王綱浙江杭州府仁和縣人由舉人天順五年任

戴魯字民望直隸太平府當塗縣人由舉人成化八年任持  
已端謹氣象從容化導生徒人人景仰後陞浙江紹興府

學教授

李璞浙江紹興府山陰縣人由監生成化十一年任

薛端字以莊南京留守左衛人由舉人成化十四年任精通  
性理博貫群書勤於施教陞湖廣武岡州

王府長史

曾基福建福州府侯官縣人由舉人弘治元年任

楊吳字士濂浙江嘉興府嘉興縣人由監生弘治十七年任  
廉靜有守教誨惟勤卒于官

吳宗器福建興化府莆田縣人由舉人正德三年任

馬慶直隸廣平府廣平縣人由監生正德十一年任



訓導

王端浙江寧波府鄞縣人由監生正統十年任

劉哲河南人由監生正統十三年任

陳顥直隸蘇州府崑山縣人由舉人天順元年任廉以律已  
勤以教人後陞吳橋縣教諭

王鉞河南汝寧府羅山縣人由監生成化九年任

陳濟字楚仁湖廣岳州巴陵縣人由監生成化十七年任宅  
心忠厚教施有方沉醉萬卷有古人風學者慕焉

魏琮直隸淮安府沐陽縣人由監生弘治五年任

史叢直隸薊州人由監生弘治十四年任

陸俊字士賢直隸和州人由監生弘治十八年任和而有節  
誨人不倦陞山西太谷縣學教諭

吳從周山西汾州孝義縣人由監生正德七年任

黃靖湖廣襄陽府棗陽縣人由監生正德十五年任

魏廷仁字以德號西溪直隸獨石衛人由監生嘉靖元年任

陞遼東蓋州衛學教授

翁賢福建連寧府崇安縣人由監生嘉靖三年任陞廣西梧

州府蒼梧縣學教諭


朱珊江西饒州府鄱陽縣人由監生嘉靖十年任

劉芳字德聲號栢泉河南開封府祥符縣人由監生嘉靖十

七年任

戴大有字謙道號臺山福建漳州府常泰縣人由監生嘉靖二十二年三月任

白璘字文玉號石巖直隸保定府安州高陽縣人由監生嘉靖二十五年六月任



陰陽官

張茂洪武十七年任

靳哲在城人成化十七年任

毛鸞旧二鄉人弘治十三年任

黃志北四鄉人嘉靖三年援例四年五月初六日任

李香東伍鄉人嘉靖五年十二月十八日援例

醫官

戚恒本縣人洪武十七年任

李宗儼西伍鄉人成化十七年任

王鏞東伍鄉人弘治十五年任

王邦基字尚質號懷菴新一鄉人正德十三年任醫學訓科  
天性純朴孝心篤志父有疾母目双蔽夜必焚香拜祝夔  
感有東阿井泉而愈嘉靖戊子父壽官佐卒基欲廬墓毋  
力止之不果丁酉母任氏亦卒晝夜悲哀食粥飲水衰經  
三年殆如一日建享堂立石表植樹千餘株人皆稱之嘉  
靖十九年有司以事

聞旌詔未下

王訪東伍鄉人正德八年七月十六日援例候缺

常天福在城人嘉靖五年十二月任在部願告致仕

朱治南四鄉人嘉靖六年三月援例候缺

孫文華一鄉人嘉靖五年十二月十七日援例候缺

歷代官員政蹟

隋張允濟青州北海人爲令以愛利爲行道不拾遺元城  
民有以牝牛依婦家孳十餘犢而不還者訴縣不能決  
乃詣允濟允濟留令左右縛民蒙其首過婦家云捕盜  
牛者令盡出牛質所從來婦家不知遽曰此婿家牛遂  
斷還婿後迁高陽郡丞吏民畏悅唐貞觀初

擢為幽州刺史

**考證**按大明一統志載隋張允濟為武陽令蓋武陽

縣即今朝城縣而此舊志亦載者隋開皇十六年於此置莘州武陽縣正屬莘州則舊志所載者有以也元劉克敬為莘縣尹為政以正風俗為急務取仙居令陳襄之條約以教民民感其德去後為之立去思碑於

縣庭東

碑記見藝文類

國朝

汪惟善有操守多政績洪武初本縣凡百廢墜惟善脩創之功最多民感其惠去後見思

石亨爲令清廉公直政務有方後陞山西朔州知州

劉永爲令律已公勤待物仁恕脩舉廢墜政績多著每  
歲春則巡行阡陌勸課農桑秋則省民之歛諭民蓄  
菜以禦冬月乏無之時雖民之糲飯亦嘗其旨否如  
家人父子之無間焉後陞泗州知州

顧巖字希遠立心坦平處事周密廣糧儲而生養遂重  
士夫而教化行弘治七年陞河間府通判臨行邑民  
遮道泣留者甚衆至有脫其靴而留之者

孟隆字世昌性敏才捷達於政事養民則鷄埘周貧粟  
穀賑山課士則激勵有方誨教不怠尤多異政時朝



城民有就食外郡以多貲遺兄爲置田產爲後日計  
及返已貧兄不與所置訴縣不能決詣隆隆遣還遂  
令獄囚誣其兄爲盜因詰得田產之由兄不得已而  
道其實因責其兄而還之以才能治繁轉充州府汶  
上縣知縣後陞四川成都府通判

朱錦字中美清約自守莊嚴臨下興利革弊勸善懲惡  
數年之間市無遊民野無惰農奸邪迸迹而良善安  
生後陞山西朔州同知

淡素爲令行所無事政尚寬簡民有罪至臺下款訴者  
悉出之故當時民多祝頌

此堂在劉臺下

諸忠字允中勇足有爲藝足泛應正德六年八月賊楊  
虎擁衆攻城忠倡義率民且守且戰自午至晡賊敗  
而退自後賊不敢犯民得以按堵如故而無離散者  
皆其力也

莘縣志卷之六

范氏

莘縣知縣王

儒學教諭

後學蔣梅王室編

知縣楊鵠重脩

人物

名臣

商伊尹伊姓尹字名摯耕於有莘之野樂堯舜之道湯三

聘而起相湯伐夏救民其事見商書伊訓

按孟子傳莘國名史記在汴州陳留縣趙氏曰

在同州郃陽縣未知孰是而此莘地載者世傳當隱  
耕於此縣即其所耕之處後人因立莘亭大明一統  
志莘亭在縣北八里世傳漢時人創建以表伊尹隱  
耕之迹且立祠祀之今亭廢遺址尚在亭見古蹟下  
祠見祠廟下  
漢劉儒舉孝廉遷侍中桓帝詔求直言儒上封事十條言  
甚忠切不見納出爲任城相尋徵爲議郎會黨武事  
下獄自殺郭泰嘗稱其口訥心辯有珪璋之質

南北朝王顯仕魏歷本州從事以醫術多效累遷御史中  
尉嚴明清介百僚肅然嘗著藥方三十卷

唐韓君雄懿宗咸通十一年繼何全皞爲留後賜名允中

爲人事磊落大度挺昂藏偉才仁德及衆勇力過人  
官至魏博節度觀察處置等使檢校尚書右僕射兼  
御史大夫父國昌贈左散騎常侍弟靖魏博節度押  
衙兼部從檢校太子賓客兼侍御史楚魏博節度押  
衙兼刀斧將檢校太子賓客兼監察御史至僖宗乾  
符元年十一月卒子簡爲留後

宋王溥字齊物仕周同平章事佐宋太祖爲丞相父祚累  
遷宿州防禦使既老退居洛陽溥爲相客候祚溥嘗  
朝服侍立客不安席求去祚曰學生勞賢者起避邪  
拜相時座主王仁裕賀以詩亦謂其富貴不驕藏書

萬卷長子貽孫遍覽之幼子貽永慶曆中拜相詩見雜記

類

王祐字景叔祖言唐黎陽令父徹後唐進士官至左拾遺祐性倜儻有俊氣在周時爲魏縣南樂縣令善治劇有聲至宋自潞州召還知大名府歷仕殿中侍御史嘗諭杜重威使無反漢拒盧多遜害趙普之謀知制誥時魏州鄭度使符彥卿有飛語上聞太祖以便宜事付之曰還與卿王溥官職至魏得彥卿家僮一人挾勢恣橫以便宜決之及還太祖問曰汝敢保符彥卿無異意乎祐曰臣願以家口保彥卿又曰五代

之君多因猜忌殺無辜以致享國不長願以爲戒太祖怒貶行軍司馬安置華州時人謂曰意君作王漕官職矣祐笑曰祐不做兒子二郎必做世多稱其陰德手植三槐于庭曰吾後世必有爲三公者及子旦爲相果如其言天下謂之三槐王氏累官兵部侍郎王懿祐長子也舉進士嘗知袁州有政績

王旦字子明祐次子也沉默好學舉進士爲平江令判濠州知通鄭州歷官右正言知制誥有遠大器真宗曰爲朕致太平者必斯人也累遷工部尚書同平章事當國最久帝益信之群臣議事或異同旦徐一言

以定事至不膠有諍不校薦賢不市恩救罪不費詞  
尤有德量寇準數短旦旦益重之張師德兩詰其門  
終不用以抑奔競薛奎使江淮旦曰東南民力竭矣  
張士遜使江西旦曰朝廷權利至矣至於契丹借幣  
西夏求糧處之有道夷人畏服偉哉宰相才也子三  
人長雍爲司封郎中次冲爲贊善大夫素終禮部侍  
郎卒贈魏國公諡文正

王旭祐季子也嚴於治內恕以接物以蔭知緱氏雍丘  
縣三遷至殿中丞自兄旦居相府以嫌不仕及旦卒  
颺歷中外卓有政績後以兵部郎中知應天府子質



舉進士歷官相府

王素字仲儀旦季子也以進士知魏州判開封成德皆有政績後仁宗御除四諫官素其一也數進讜言帝曰素真御史也時人目爲獨擊鵠時王德用進二女素論之仁宗爲出二女後知成都爲政務合人情蜀人紀其目號王公異斷終禮部侍郎以工部尚書致仕子鞏有俊才爲宗正丞從子靖力學好講切天下利害爲度支副使從孫敏仲寶文閣學士震龍圖閣學士卒謚懿敏

王質字子野旭之子也仕宋爲相弗驕弗華以貧爲樂

在仁宗朝歷蔡州廬州荆南數郡所至有冰蘖聲子  
八人長居厚大理評事早卒次承裕尚書屯田員外  
郎宣禮贊善大夫崇讓著作佐郎明遠祗德皆大理  
評事幾道傳正皆太常寺太祝

王倫旦族孫也家貧往來京洛問高宗時以選能專對  
者假刑部侍郎充大金通問使使金歷官僉書樞密  
院卒歸梓宮太后後爲金人所留不屈而死

王柵倫之孫初調海門尉孝宗時假右司郎使金柵歸  
白其母母曰而祖以忠死故恩及子孫汝其勉之母  
以吾老爲念柵至金金人知韓侂冑已誅和議遂決

後榘奏和約之成皆方信孺將命之功臣因人成事  
爾朝論多之累官知太平府

金孟鑄字成仲大定間進士官至衛州刺史得古人體有  
忠貞之操

元王德新爲淮東廉訪司僉事于父母憂廬墓七年不如  
葷酒諸道交章薦之其畧曰文足以黻黼皇猷孝足  
以羽翼治化又曰孝符曾閔學紹朱程後旌表其孝  
廉

胥穀官至朝散大夫

舊志所載原  
無事蹟可考

聶宗宜之嘗出遊拾遺金價值千百求其主與之歲饑

家有桑椹寧不飼蠶以所生椹并所種之粟具饘粥以濟飢民陰德所種子孫昌盛

韓權字公衡幼習儒奉親孝待諸弟盡友愛父鵬適遠方累歲不歸權晝夜哀思奮身涉險尋訪經年行次雲南得焉父子哀戚有足感動人者行省嘉其孝行乃以茂異聞於朝授本省臨安府教授祿養其父後侍歸於華得便養授登仕佐郎山東宣慰司照磨歷宜都縣尹所至有能聲積官奉訓大夫成都路知州致仕子克勤承蔭京兆路同官縣尉加贈父奉訓大夫冠州知州飛騎尉追封華縣男

舊志失載今錄之

李侃由御史臺掾歷襄陽淮安兩府經歷須城縣尹全  
知濟州事拜西臺監察御史以奉直大夫濟南府路  
總管府判官致仕所至清而有惠寬慈故法高祖自  
牧宋建炎初業進士曾伯祖端仁宣武將軍歷方城  
主簿曾祖端義承父蔭歷官冠氏賈鎮商酒都監曾  
叔祖端禮業進士祖興祖父希愈皆不仕累贈父奉  
直大夫冠州知州飛騎尉追封莘縣男

舊志失載  
今錄之

### 國朝

敖山字靜之號石稜舉進士遇人開口論道理根據經  
傳旁引曲證多人所不能到官翰林篇章流布人家

卷軸間峽駛川騰奔放恣橫不煩刻斲而自合準繩  
平生所著甚富有燦然集先天手策傳於世提學江  
西山西士風丕變科第得人以疾歸卒於家

碑志見藝文類

**補叙**

按教靜之先生於此獨註碑志見藝文類者以

墓在東昌府故志塚墓下不收而此註之碑志於藝  
文類錄之蓋以著其平生耳

李忱字信卿志之子也由監生任直隸新城縣知縣爲  
政務愛民敬士剛正自持人不敢干以私歷政六年  
致政歸屢爲鄉大賓處家以禮不信浮屠師巫之術  
自幼至孝父沒隨父柩廬于墓側因父在生嗜梨塚

前手植梨樹數株內一株結實並生連理成化五年  
有司以事

聞九年旌表其門及病遺命子孫曰我沒喪事汝當依禮制而  
行不可作佛事以害吾平生之志卒年七十三

科貢

**補叙**按科貢舊志止載

國朝以來姓名今因之如前代宋王溥王祐及子孫金孟鑄等  
舉進士者甚衆舊志雖不盡載但於人物類觀之亦  
畧可見矣

鄉舉

朱興在城人中永樂九年鄉試任直隸臨城縣教諭  
李勉中永樂九年鄉試任直隸臨城縣知縣

燕贊字存美南四鄉人住承恩街中永樂十五年鄉試  
任山西沁水縣主簿

白本字惟源在城人住承恩街中永樂十八年鄉試任  
江西布政司都事陞工部都水清吏司主事致仕  
趙禮字存敬舊一鄉人住通津街中永樂十八年鄉試  
隱居不仕講明性理之學學者從之

王大順原籍江西人中永樂十八年鄉試

楊好智字從仁東五鄉人住四會街中永樂二十一年



鄉試第七人任河南汝州訓導

鄒迪字履道中屯一鄉人任承恩街中永樂二十一年鄉試任直隸大名府元城縣知縣爲政以廉能稱任滿致仕加陞延平府通判卒于家

劉昇字景輝東五鄉人任承恩街中永樂二十一年鄉試

章琬北四鄉人中正統九年鄉試任順天府通判陞工部都水司郎中尋陞湖廣布政司參議

李清字本澄西五鄉人任承恩街中景泰四年鄉試任湖廣京山縣知縣

侯儼字士儀北四鄉人住通津街中景泰四年鄉試任河南鄭州學正陞山西夏縣縣丞

楊欽字允恭舊一鄉人住承恩街中景泰七年鄉試任直隸元氏縣教諭陞順德府教授

楊潤字以德好智之子也中天順六年鄉試任直隸盱眙縣知縣天性剛直接人謙易爲政嚴威吏民畏服卒于家

敖山字靜之舊一鄉人中成化元年鄉試第一人登成化十七年進士官翰林院編脩陞江西提學副使尋轉山西提學副使以疾歸卒於家

王琮字廷璋西五鄉人住四會街中成化元年鄉試任山西翼城縣知縣爲政剛直人不敢犯政績著聞累有旌異卒于家

章溥字弘道琬之子也中成化四年鄉試任山西平陽府萬泉縣知縣

張曆字希聖在城人住孝義巷中成化十六年鄉試第八人會試禮闈卒于京邸

左達字士亨新二鄉人住孝義巷中成化十六年鄉試第十八人任山西吉州學正卒于官有禮題一覽禮題捷徑講義藏于家學者宗之

丙右字輔之昭之子也中弘治二年鄉試任直隸真定府  
阜平縣知縣為人練達世事傳覽群書及致政于家不  
事生產詩酒陶情而已

蔣松字宗夏旧一鄉人住承恩街中正德五年鄉試任陝  
西岐山縣知縣致政家居懋膺壽考

王室字君寧旧一鄉人住孝義巷中正德十一年鄉試初  
任河南汝寧府光山縣知縣丁內艱起復任直隸完縣  
知縣行取赴部陞戶部主事

彭鎮字黃邦新二鄉人住太平街中嘉靖元年鄉試卒于  
京邸

王九疇字仲敘旧一鄉人室之弟住太平街中嘉靖七年  
春秋魁未仕卒

曹一貫字唯天號魯菴南四鄉人住通津街中嘉靖七年  
鄉試登乙未韓應龍榜進士初授南京兵部武選司事  
田甸字君需號雙梧在城人住太平街中嘉靖七年鄉試  
初任直隸河間府任立縣知縣

朱邦英字子奇號龍泉西伍鄉人住承恩街中嘉靖十三  
年甲午山東鄉試

李承緒字伯光號任亭北四鄉人住太平街中嘉靖二十二  
年癸卯山東鄉試

李東井字應兆號汲泉西五鄉人住四會街中嘉靖二十五

年丙午山東鄉試亞魁

歲貢

王鼎字自新舊一鄉人住孝義巷永樂三年貢任山西聞

喜縣知縣

張思壽東五鄉人永樂四年貢任監察御史

石珉舊三鄉人永樂五年貢任江西處州府龍泉縣知

縣

劉實字士忠在城人住太平街永樂六年貢任鴻臚寺

序班

李充永樂七年貢任監察御史

冉端北四鄉人永樂十年貢任直隸臨城縣教諭

王揖舊一鄉人永樂十一年貢任光祿寺監事

劉景頤南四鄉人永樂十二年貢歷官工部郎中

郭順永樂十三年貢任浙江按察司經歷

裴亨新一鄉人永樂十四年貢任監察御史

樊庸舊一鄉人永樂十五年貢任直隸無為州州判

古士敏北四鄉人永樂十六年貢任河南濟源縣知縣

楊好問東五鄉人永樂十七年貢任直隸景州吏目

李芳舊二鄉人永樂十八年貢任直隸宛平縣縣丞

劉淵永樂十九年貢

江秀在城人住儒林巷永樂二十年貢



王敏永樂二十一年貢任河南府知事

齊能永樂二十二年貢

趙冕洪熙元年貢

張欽宣德元年貢任山西苛嵐州州判

朱昇宣德二年貢任州同知

武威宣德三年貢任直隸寶坻縣主簿

車貸宣德四年貢任直隸徐州州判

李樂宣德五年貢任直隸永平府同知

李春西五鄉人宣德六年貢任山西汶水縣知縣

丙亮字守信東五鄉人任承恩街宣德七年貢任廣東

南雄府推官

范永字可父南四鄉人宣德八年貢任陝西平涼府知事

孫聰舊一鄉人宣德八年貢任河南新蔡縣典史

王驥宣德八年貢任貴州長官司吏目

楊春宣德九年貢

董顯字巨源舊一鄉人住承恩街宣德十年貢任陝西

肅府典寶

劉隆舊一鄉人正統二年貢

馮翊舊一鄉人正統四年貢任盤石衛經歷

常道在城人正統六年貢任河南彰德府檢校

靳能在城人正統七年貢任河南鞏縣知縣

楊粵正統八年貢任直隸昌黎縣縣丞

趙真東五鄉人正統十年貢任浙江金華府檢校

王璣字宗器三鄉人正統十一年貢任南江龍江提舉

馬驪字世隆新一鄉人正統十一年貢任直隸東光縣

### 縣丞

劉綱字文紀在城人正統十一年貢任山西太谷縣知

### 縣

邢端字表正東屯一鄉人正統十一年貢任河南固始

縣主簿

楊振字文鐸新三鄉人正統十一年貢任陝西金縣縣丞

曹興字伯起正統十二年貢任陝西西安府經歷

王宮字宗表揖之子也正統十四年貢任湖廣荊門州

吏目

劉清字源潔景泰三年貢任浙江嵊縣主簿

樊震字彥威庸之子也景泰四年貢任直隸順德府推

官

丁有年景泰五年貢散官

張輅字大器舊一鄉人景泰六年貢散官

劉振字文舉北四鄉人景泰七年貢任直隸東安縣主簿

王儉字用節燕之女戶贊之子也天順元年貢任直隸睢寧縣縣丞

丙昭字彥明東五鄉人住承恩街天順三年貢任山西

高平縣稅課局大使

王源字本清舊三鄉人住通津街天順五年貢任陝西

華州同知

劉璉字廷玉舊二鄉人天順六年貢任直隸慶都縣縣

丞

單進字文升中屯一鄉人住承恩街天順三年貢任浙

江溫州府永嘉縣丞

王瑾字良玉東五鄉人住四會街天順六年貢任直隸

吳江縣縣丞

楊溫字以和好智之子也天順六年貢

劉浩字德廣昇之孫也天順七年貢

趙完字志遠舊一鄉人成化元年貢

范傑字文憲永之子也住承恩街成化三年貢任山西

絳州吏目

王璿字文璣新三鄉人住通津街成化五年貢

郭衛字廷護南四鄉人成化七年貢任山西平陽府檢

校

李忱字信卿北四鄉人住通津街成化九年貢任直隸

新城縣知縣

高俊字世傑舊三鄉人住孝義巷成化十一年貢任直

隸隆慶州州判

杜璜字良器舊一鄉人成化十三年貢

趙綸字大經舊二鄉人住孝義巷成化十五年貢任廣

西左州吏目

董立字本道舊一鄉人住承恩街成化十七年貢任直隸肥鄉縣主簿

張孜字進德南四鄉人成化十九年貢

馬愉字志和新一鄉人住太平街成化二十一年貢任直隸蕪湖縣主簿

王昊字世瞻南四鄉人住四會街成化二十一年援例入監

王經字大常琮之子也成化二十一年援例入監

趙舉字時用舊二鄉人住通津街成化二十一年援例入監任河南宣武衛經歷



忱鳳字廷儀隹三鄉人住孝義巷成化二十一年援例  
入監任直隸句容縣主簿

高廷瑤字大美俊之姪也成化二十一年援例入監任  
陝西河州吏目轉任耀州吏目

葛嵩字惟中三鄉人住孝義巷成化二十一年援例入  
監任浙江青田縣縣丞

張貢字守臣南四鄉人住太平街成化二十一年援例  
入監任江西廣信府照磨

劉鑑字天重南四鄉人住通津街成化二十一年援例  
入監

張永字志遠舊一鄉人住承恩街成化二十三年貢任  
浙江布政司理問儉約自持廉能立政卒于官雖棺  
槨亦無所備方伯等官皆爲之涕泣遂與處置無子  
女其妻胡氏扶襯歸葬于莘城東之祖塋

高壽字伯齡俊之從弟也弘治二年貢任河南南陽府  
桐柏縣主簿轉任直隸豐潤縣主簿

王淳字厚之瓚之子也住新德巷弘治四年貢任直隸  
安慶府檢校

馬藹字冲霄驪之子也住孝義巷弘治六年貢

王端字壯夫號愚菴鼎之孫也出言有章根據道理且

精於地理星命弘治八年貢任雲南彌勒州吏目

李崇倫字天叙清之姪也住承恩街弘治九年貢

段禮字節之舊二鄉人住孝義巷弘治十年貢任山西

### 文水縣訓導

趙縉字大紳綸之弟也父喪三年不茹葷酒以父全廼

孝子故承繼父志而孝行亦多弘治十二年貢任河

南磁州訓導勤於師教科貢不乏尋陞山西大寧縣

### 教諭西河

王獨敬重之將欲舉擢大用而偶疾卒于官

李宗傑字尚義清之子也弘治十三年貢

左達字士騰達之弟也弘治十五年貢

楊濟字大恩振之孫也弘治十五年貢任山西忻州訓導問學淵源施教勤懇忻之子弟得所成就者甚多

尋陞太原府翼城縣教諭

王溫字景和西屯二鄉人住通津街弘治十七年貢

左遠字士毅達之弟也正德元年貢任山西絳州訓導

江正字伯莊秀之孫也住儒林巷正德三年貢任河南

開封府延津縣訓導

楊森字義林舊三鄉人正德三年援例入監

趙天爵字良貴舊三鄉人正德三年援例入監

學訓導陸

崇府教授

周賢字濟世新三鄉人正德十四年援例先任河南祥符縣主簿丁內艱起復授裕州舞陽縣主簿

左師顏字有仁住左氏巷新三鄉人應正德十五年貢初任潞州學訓導陸不什縣學教諭

黃恩字子推號龍潭住儒林巷北四鄉人正德十五年援例嘉靖十九年十二月任直隸永寧衛經歷

張引字進之號幽窓住太平街在城人應正德十六年貢先任平涼府平涼縣學訓導陸直隸曲周學教諭

楊汝桂字繼芳號云峯住太平街東伍鄉人應嘉靖元年貢  
初任直隸行唐縣學訓導陞山西孝義縣教諭九年陞  
山西忻州學正致仕

傅賓字宗敬住孝義巷南四鄉人應正德三年貢听選間卒  
於京邸

李大經字永正號東橋住迎恩街東伍鄉人嘉靖四年援例  
王三重字千周號春潭基之子住四會街新一鄉人嘉靖四  
年援例

楊灌字大禮住孝義巷新一鄉人應嘉靖七年貢任浙江奉  
化縣主簿致仕

徐舟字濟川住太平街旧二鄉人應嘉靖十年貢不願出仕

例授七品散官

李誥字承甫住左氏巷西伍鄉人應嘉靖十一年選貢

蔣梅字宗說松之弟住迎恩街舊一鄉人應嘉靖十七年恩

貢任直隸河間府青縣管河主簿

馬之乾字德健住迎恩街舊一鄉人應嘉靖十三年選貢任

南陽府學訓導陸陽武縣學教諭

王運字于光號西城住四會街舊二鄉人嘉靖十四年援例

翟敷字子學住迎恩街東伍鄉人應嘉靖十五年選貢初任

淮安府學訓導陸直隸廣平縣學教諭

馬負圖字文祥號義畫住新街西也二鄉人嘉靖十六年授例  
傳鈺字良之號南坡住孝義巷南四鄉人應嘉靖十六年貢  
任直隸安州學訓導

尹鄉字君相號南坡旧二鄉人應嘉靖十七年貢任直隸鳳  
陽府泗州學訓導

楊棟字依名住孝義巷新三鄉人嘉靖十七年授例

徐丹字濟元母之弟住太平街應嘉靖十九年貢任陝西淦  
州學訓導

王大倫字天叙號東橋住東昌府應嘉靖十九年貢

楊溢字大化淮之弟住孝義巷新三鄉人應嘉靖二十年貢



王敏受字經仁敏道之弟住通津街南四鄉人應嘉靖廿一年貢

楊施字子奇住孝義巷新三鄉人嘉靖十七年援例

蔣克勤字子敏號為山舊一鄉人住承恩街應嘉靖二十三年貢

蔣克儉字功約號前溪舊一鄉人住承恩街應嘉靖二十五年貢

蔣克仁字子居號壽菴舊一鄉人住承恩街應嘉靖二十七年貢

恩賜官

曹周南四鄉人以子一貫貴

勅封南京兵部武選司主事

王府官

馮謙東屯一鄉人

魯府典膳

蔣克家一鄉人

魯府典膳

吏選

田德用新二鄉人任直隸保定府博野縣典史

王奎南四鄉人任

衙府典監倉副使

李右二鄉人任江西廣信府司獄

蔣汝桂一鄉人任兩浙運司松下沙三場鹽課司副使

劉天錫南四鄉人任浙江紹興府司獄司司獄

王丕業三鄉人任順天府薊州倉副使起復任直隸望江

縣楊灣口巡檢

王發一鄉人任鉅鹿縣典史

田原南四鄉人任四川瀘州稅課司大使

馬隆一鄉人任江西奉新縣羅坊巡檢

王達三鄉人任湖廣長州府沅州懷化通運所大使

劉文在南四鄉人任順天府通州武清衛大運西倉副使

張彥高三鄉人任浙江寧波府象山縣三倉大使

邢廷臣東屯一鄉人任陝西臨兆府蘭州通運所大使

劉致中東伍鄉人任河南彰德府參政倉副使陞直隸鳳

陽府霍丘縣高唐鎮巡檢

于用高

新三鄉人任直隸華亭縣稅課司大使

王訓東伍鄉人任湖廣岳州府平江縣主簿

王忻西伍鄉人任順天府北新草場大使陞河南確山縣

明港巡檢

馬政一鄉人任懷陽府司獄

姜惠南四鄉人任順天府東安縣主簿

周文玉新三鄉人任典史

康瑾西伍鄉人任驛丞

馬達一鄉人任驛丞

陳秉西伍鄉人任驛丞

李文在城人任巡檢

王聰西伍鄉人任倉官

田蘭南四鄉人聽選間告致仕倉官

王淵三鄉人任巡檢

車文得西屯人任通運所大使

馬惠新三鄉人听選間授典史致仕

楊繼宗西伍鄉人任倉官

馬臻新三鄉人任河南稅課司大使

田英在城人任陝西通運所大使 念進在城人任倉官

楊佐東伍鄉人任典史

周福晉西伍鄉人任倉官

王致恭北四鄉人由承差任保定府察判關字禦千戶所署

李宗唐西伍鄉人由承差任四川叙州府文川驛驛丞致仕

劉乾南四鄉人由承差任驛丞

王許東伍鄉人由承差任驛丞

省祭

張梅

黃祿

郭陸

郭達

孫文秀

馬之坤

潘珣

馬汝璣俱一鄉人

尹耕莘二鄉人

王用

董新

董憲

油淮俱三鄉人

劉景

王致和俱北四鄉人

楊乾

楊夢相

楊墳

楊君聘

張希曾俱東五鄉人

李宗庸

康文晴

謝守傳

李學

王右

李勉

王達俱西伍鄉人

楊繼先新二鄉人

任仙

任述

王紹先

張文高

楊檀俱新三人

鄒迎東屯一鄉人

車在賢

王朝卿西屯二鄉人

壽官

曹愷南四鄉人

王佐新一鄉人

儒官

于思仁新三鄉人

鄒會東屯一人

周京旧二鄉人

張舉南四鄉人

仗義官

高廷許旧三鄉人

曹虎臣新三鄉人

段景王南四鄉人

義官

宋持南四鄉人

宋隆南四鄉人

劉煥宗一鄉人

劉思成

散官

張景陽

西伍鄉人

荆著

西伍鄉人

鞠堯相

南伍鄉人

祝思忠

北四鄉人

鄧婦

曹氏左師曾妻年方二十九歲師曾以疾卒母舅姑俱逝

內外宗黨無倚撫孤子霞方陸歲家業蕭然針指紡績

易以衣食相依為命撫養成人每遇歲荒幾乎餓死志

節愈堅絕無他意守節三十四年見年六十二歲嘉靖壬午

本縣

聞令有司旌表門閭

王氏正德十三年夫岳珮病故時年二十五歲止生一子



岳凌雲方三歲慇懃紡績撫養成人今克本縣儒學廩膳生員守節二十六年見年五十一歲

任氏西五鄉人生員王聘妻聘故氏年十八歲居孀乃孝養姑劉氏撫育子嘉祥年方三歲及長每夜伴子讀書累科候廩即今守節二十五年申蒙

上司優禮行獎


馬氏在城人致仕官馬惠大生員虞騰霄妻夫年重華三歲次重耀方七箇月夫故氏年二十六歲誓守清節嘉靖二十六年巳申

上司移文行獎

孝子

張弘在城人天性敦孝父早故事母朱氏極其誠敬母卒如禮  
具葬廬墓三年負土成丘嘉靖二十六年節葬

上司獎勵



自本頁起至卷終止由於增刻造成  
頁號混亂今已訂正並注明其次序

廿五

### 派寓

### 國朝

王大順江西南昌府南昌縣人永樂間因客遊於華幼  
聰敏過人篤志於學中永樂十八年鄉試

### 薦舉

劉欽西五鄉人正統間以文學才行應舉任阜城縣主  
簿後陞淮安衛經歷

### 吏員

**補叙**按吏員雖不由科貢正途而出然立心爲人務  
求稱職而無愧於祿食者蓋亦有之故舊志雖不載

今當錄之以爲幸之仕宦者勸耳

王衡字允平知縣鼎之子也持身謙和接人有禮終身樂善不倦由吏員先任順義縣驛丞有勤政聲後陞陝西寧夏倉大使以疾致政卒于家

李彬字文質舊一鄉人由吏員任陝西臨洮府狄道縣縣丞廉能有守以疾卒于官妻楊氏携幼子扶柩而歸

蔣浩字自然舊一鄉人由吏員先任陝西寧夏衛倉大使出納不謬簿錄有功考滿陞浙江嘉興府秀水縣衫青關巡檢司巡檢轉任山西解州長樂巡檢司巡

檢以疾卒于官妻劉氏携幼子扶櫬歸葬于祖塋之側

楊名字彥誠新二鄉人由吏員忠厚謙和至老不易任直隸常州府江陰縣蔡涇閘閘官致仕回家卒年八十四

尹昭字曦之舊二鄉人由吏員先任直隸天津衛倉大使以稱職陞浙江山陰縣白洋巡檢司巡檢以年老致仕卒于家

尹達字時亨昭之弟也由吏員任江西九江府湖口縣河泊所官民方賴其有爲偶有疾卒于官

王慶字至善西五鄉人任直隸西城兵馬指揮司吏目  
平生尚氣節故歷官九載致仕榮歸卒年七十三  
左敏字文聰新二鄉人由吏員先任陝西涼州衛廣儲  
倉大使轉任湖廣荊州府歸州牛口巡檢司巡檢及  
致仕家無儋石之儲晏如也今年八十四惟懇示兒  
孫勤苦攻書而已

朱能字時用舊二鄉人教諭興之孫也由吏員任直隸  
豹韜衛西倉副使以年老致仕性最靜默今年八十  
二猶精健好善人咸重之

劉琬字廷器南四鄉人清之子也由吏員銓陝西

倉副使已領憑因疾不赴任疾愈遂無意功名爲人有守見重於人

彭榮字景華南四鄉人由吏員先任直隸開平衛經歷以稱職陞直隸鳳陽府潁州州判爲人謙和至今年老不易

封贈

唐韓國昌以長子君雄爲魏博節度觀察處置等使檢校尚書右僕射兼御史大夫咸通二年贈散騎常侍

失載今錄之

元韓鵬以子權積官奉訓大夫成都路知州致仕延祐年

間加贈奉訓大夫冠州知州飛騎尉追封莘縣男舊志

錄之  
載今

元李希愈以子保拜西臺監察御史以奉直大夫濟南路

總管府判官致仕大定元年累贈奉直大夫冠州知

州飛騎尉追封莘縣男舊志失載  
今錄之

國朝

白圭以子本為江西布政司經歷司都事景泰年間特

贈為徵仕郎江西布政司經歷司都事有勅見  
襲詞下

章貢以子琬初任順天府通判景泰年間特封為承德

郎順天府通判陞任工部都水清吏司郎中天順年



間特進爲奉議大夫工部都水清吏司郎中

有勅見製詞下

教顯以子山爲翰林院編脩成化年間特贈文林郎翰

林院編脩

有勅見製詞下

李得賢以子芳宛平縣縣丞特贈爲文林郎宛平縣縣

丞

有勅見製詞下

隱逸

無

義士

李華字景新舊三鄉人由府掾丰安魁岸智力過人好

學奇術旣而學兵法正統年間報効征討沙漠流矢

中頰拔矢轉戰勦捕如法歷官靈寶縣縣丞致仕

勇士

**補**按張琪本宋金時人舊志既失載今考其爲人又難附於名臣類故錄之於此因上義士李華而類記之也

張琪慷慨有大志膂力過人武藝精熟宋靖康有賊掠村琪負母而逃遇賊衆欲害之賊謂此孝子也害之不祥遂得免其難後以有力充武選補校尉至金累減賊立功歷官聊城縣尉趙縣酒稅都監至顯武將軍騎都尉致仕卒年九十有四

孝子

**御叔**按孝乃百行之本人能孝則凡事皆可觀矣故窮則足以表範鄉閭達則足以化成天下其幽又足以感天地格鬼神微又足以動鳥獸孚草木夫豈細故也哉茲萃雖小邑而孝行有足徵者亦多故因舊志而表之以爲人子勸耳

元王德新字君實于父母憂廬墓七年不如葷酒諸道交章薦之其畧曰文足以黻黼呈猷孝足以羽翼治化又曰孝符曾閔學紹朱程後旌表其孝廉

韓權字公衡幼習儒奉親孝父鵬適遠方累歲不歸權晝夜哀思奮身涉險尋訪經年行次雲南得焉父子

哀戚有足感動人者行省嘉其孝行乃以茂異聞於  
朝授本省臨安府教授祿養其父後侍歸於華得便  
養授山東宣慰司照磨人皆仰慕擬之朱壽昌云

舊志

失載今  
錄之

### 國朝

李志北四鄉孫二庄人平日事母柳氏盡其孝養及母  
卒志不忍離親隨母之柩廬于塚旁三年兄弟四人  
在母墓前各栽栢樹一株三株俱枯惟志所栽一株  
攀號既死復榮因父早亡歸家刻木爲像每飲食必  
先獻之人皆以爲此漢之丁蘭也成化元年有司以

事

聞六年旌表其門

孔昭在城人自幼至孝家雖淡薄凡時新菜果飲食之類務必致之以奉親及母王氏卒無以備葬禮遂鬻女買棺木安葬于縣治西北三里許結草廬于墓側親負土成墳三年之間不飲酒茹葷手植栢樹千餘株烏兔交集不驚人皆以爲孝感所致成化五年有司以事

聞八年旌表其門

李忱字信卿志之子也自幼至孝事父凡飲食必親嘗

以奉及父成化二年卒遂隨父柩廬于墓側哀號不已因父平生好食梨遂于塚前手植梨樹數株內一  
株果成並生連理成化五年有司以實績奏

聞至成化十九年旌表其門

趙全二鄉人自幼喪父奉母丘氏至孝成化六年母病故全哀號過甚水漿不入口者七日既葬廬于墓側三年之間不飲酒不茹葷手植栢榆等樹三千餘株親自灌溉遂成茂林有司以事

聞弘治二年旌表其門

有詩贊見  
雜詠下

王淳字厚之天性純孝母安氏正統間双目翳蔽淳日

則爲母餽之夜則焚香告天率以爲常一日其母目  
復明人皆以爲孝感所致父贊任南京龍江提舉卒  
于官溥泣號不已幾至滅性諸官僚力勸其少哀不  
從扶襯歸葬遂廬于墓側蔬食水飲負土成墳植樹  
千株成化十年有司以事

聞旌詔未下

沈昱字文明西五鄉人自幼以孝聞母李氏成化九年  
以疾卒昱晝夜悲泣不思飲食及至葬遂廬于墓側  
朝暮哭奠事死如生植柏榆樹二千餘株三年之間  
茂盛殊常有司具實奏

閩旌詔未下

白溥字大濟工部主事本之子也天性純孝父成化間  
病故溥泣血號慟寢苦枕塊未嘗違禮及至葬遂廬  
于墓側手植栢樹千餘株三年之間朝暮哀奠未嘗  
少渝服闋孝養母晨昏定省順志承顏及母卒溥凡  
殯葬廬墓無異於前孝篤於親誠感乎物烏鴉巢林  
而助哀孤鳬眠塚而增悲有司述其事以

聞弘治四年旌表其門正德元年蒙

恩詔加冠帶榮身

任溫柳家屯人爲省祭官性朴實而孝弘治年間父母



繼亡皆躬負土成墳廬墓側六年如一人咸服之植  
栢榆樹千餘株其墳地低窪屢經橫水而水不至其  
墳人謂之孝感所致特載之以勵風俗

順孫

左師顏字有仁左氏巷人吉州學正達之子也天性仁  
孝早失父承母王氏教育業儒爲辛廩膳生祖敏生  
四子長達師顏之父次達次遠亦以功名早卒次暹  
落魄鄉里間師顏家雖淡薄孝養其祖極其滋味迨  
祖老年出入則扶持飲食則嘗視坐卧則侍省至於  
疾篤親自洗滌洒掃未嘗有厭色祖今享年八十有

四鄉人爲之語曰左氏無賢孫則敏翁一日不可活矣其孝行見信於人如此

義夫無

節婦

**補叙**

按貞節雖美名實人之大不幸而非人之所樂

居也然必守之常可以踰四時守之堅可以貫金石守之正又可以白天地質鬼神一節始終死而後已如白璧之完無瑕玷可議然後可以當之茲萃雖小邑而貞節有足徵者亦多故因舊志而表之以爲婦勸耳

國朝

崔氏舊一鄉教顯之妻

翰林院編脩教山之母也夫顯卒崔氏年方二十七舅姑  
憫其年少欲令再嫁崔氏涕泣不從誓以自守家貧  
晝夜紡績事舅姑以善終教幼子以學顯成化十一  
年有司以事

聞十二年旌表其門

楊氏南四鄉耿好古之妻也年二十三夫好古卒楊氏  
貞潔自持誓不再醮孝奉翁姑終身無玷有司以事

聞宣德年間旌表其門

郝氏訓導祝大用之妻也年二十八夫大用卒于官郝氏持節終身清白無玷有司以事

聞正統十二年旌表其門

趙氏四鄉劉傑之妻也年二十四夫傑卒趙氏奉事翁姑撫愛幼子孀居無玷有司以事

聞旌表未下

趙氏三鄉李英之妻也夫英卒趙氏家貧惟組紉紡績養舅姑撫孤子終身守節有司以事

聞旌表未下

陳氏在城民陳中女年十六配張睿克相以禮其夫睿

中成化庚子科鄉試赴禮闈卒于京邸陳氏迎覲哀毀截髮殉葬悲號過度尋損一目父母舅姑俱亡內外無托年二十八撫幼子鯨紡績度日教育成立清白無玷有司具實奏

聞正德五年旌表其門

王氏南四鄉王紳之女學正左達之妻也夫達卒于官王氏年方二十八子尚幼扶櫬東還葬于祖塋之次孀居澹泊惟勤織紉孝舅姑以成夫德訓幼子以繼父業終身無玷未經奏

聞而卒

李氏邑民李俊女國子生王昊之妻也夫卒李氏年方二十七貧而無貲寡而無子乃能卓然有見貞潔自守而冰蘖之操確乎其不可拔宜志之以勵風化未經奏

聞

丙氏致仕大使丙昭女儒學廩膳生員孫敬之妻也夫敬卒丙氏年方二十三誓不再嫁奉寡姑終身撫幼子成人志節無玷因志之以表其貞潔未經奏

聞

義民 附義官

**補敘**

按厚積而能樂施者謂之義蓋亦人所難也故

國朝屢頒

恩典或令民納米以備賑濟勅旌義民以表其門或令民納粟以備賑濟給與冠帶以榮其身茲華邑之士樂好善而捐所有者咸得耀門閭而膺冠帶何其幸與故今錄之於志亦以見一時之盛耳

沈英舊二鄉人質實無偽樂於施與

李義西五鄉人安於本分敦尚禮義

趙敬舊二鄉人好善惡惡雖嚴畢竟和易處人

張英舊三鄉人爲人寡默曉達時事

以上四人成化六年俱有勅旌爲義民

有勅見  
製詞下

### 義官

高祿舊三鄉人爲人秉性剛直樂於施與且雅愛文事精熟武藝成化二年納米二百五十石受七品散官承仕郎卒年六十二

高淸舊三鄉人爲人持身謹重敬慕士夫故當時名士多造其門成化二十一年納銀四十兩冠帶卒年六十四

王鉞東五鄉人好善樂施嚴於廷訓里閭士夫咸推重之成化十九年納粟冠帶



沈澤舊二鄉人質實好義賑濟貧乏成化十八年納粟  
冠帶

祝隆北四鄉人敦尚朴素親睦族黨成化十九年納粟  
冠帶

李文中西五鄉人朴實老成鄉閭重之成化二十一年  
納銀四十兩冠帶

尹霆舊三鄉人爲人鯁直人畏服之因父昭任浙江巡  
檢在任援例納銀冠帶

李端東五鄉人爲人倜儻本縣脩建多委任之見重於  
士夫

王福全西五鄉人篤尚朴素善承家業弘治年間納粟

冠帶

以上義官畧著其行其餘不及詳姑列名于後

王溥

舊三鄉人

王博

舊三鄉人

黃政

張翊

王宣

李義

趙旺

楊守傳

李源

舊一鄉人

鄒本

鄒賢

舊東屯一鄉人

楊汝楫

東五鄉人

沈翊

沈鸞

舊二鄉人

單廷譜

曲玉

曲山

舊中屯一鄉人

王俊

舊一鄉人

李聰

西五鄉人

宋時

壽官

**補叙**按壽爲諸福之先乃出於天而非人所能致者故

國朝屢頒

恩詔凡民年八十九十以上素爲鄉里所推重者給與冠帶以榮終身茲莘邑之民臨耄耄而躋上壽者咸得加烏帽以享餘年何其幸與故今錄之於志亦以見一時之盛耳

蔣忠舊一鄉蔣家庄人朴實至誠以勤儉立門戶以詩書教子孫弘治元年以老壽榮膺冠帶卒年九十有

八

楊時號介菴新三鄉人住孝義巷質實無偽恬淡寡欲  
不喜葷酒好講悟真篇正德元年以年高有德榮膺

冠帶爲鄉飲之賓卒年八十有六

葬城西南十五里墓志銘見碑志下

朱鐸西五鄉人天性朴實懿德俱有蒙例冠帶榮其餘  
年

于海新三鄉人貌古心純年高德邵蒙例冠帶優游晚  
景而卒

高忠舊三鄉人勤儉好義克振家業九子俱能成立鄉  
人美之正德七年蒙例冠帶

以上壽官畧著其行其餘不及詳姑列名于後

王宣舊三鄉人

馬雄舊一鄉人

鄒歡東屯一鄉人

虞讓在城人

王嵩新一鄉人

任文在城人

王彪舊一鄉人

趙雲西五鄉人

馬清二鄉人

名醫

王琳西五鄉人知縣王琮之弟精於醫術又淡其財利  
故人求請輒應而醫治多效

善畫

湯儉其先青州壽光縣人祖晟河南蔡政父貴以善書  
畫名至儉山水人物之畫有妙筆人不能及處畫法

亦不工而妙雖今年八十四猶好畫不倦人求之輒應

仙釋無

雜志

一甘泉嘗聞邑父老相傳昔有領命取東海水引藥以療疾者限期甚急道經本縣夜宿城東邸店愁懼不已夢寐間有神告以此處有甘泉其源通于海可取之以復命明旦果尋至井嘗其水味甘美殊常遂取之以歸後疾果愈

一靈廟嘗聞邑人相傳昔我

太宗文皇帝肅靖禍亂道經博聊關

即今時平都司鎮守關與東昌

帝抗敵帝之兵屢被其挫夜夢復與奮戰又敗急忽

見一長鬚大漢自西南騎白馬持大刀聲言救駕即

將平都司馬用刀斫倒帝得脫難問其姓氏曰臣華

縣城隍既覺帝深疑之至旦復與平都司戰其始末

果如夢中事後特加封焉

舊志有詩今錄雜詠類

一火災成化十一年二月十一日酉時月朗星輝人迹

未靜忽暴風怒發揚沙折木始自井堂寺側星火而

起既而前街後市官舍民房倉庫牌房相繼延燒煙

焰漲天迤竄者倉皇無措而搶奪者亡身殖貨至五

鼓風息火滅人心始定次日詢問有近於火而不被傷者有遠於火而反受其害者人皆以爲天之降災一時之數然也是豈人之所能測度預防也哉

一水災成化十四年六月連宵暴雨不止房屋傾圯田禾淹沒永清大有二門俱爲淹倒舟楫出入城中往張秋臨清者亦乘舟而去此亘古所無之事人所罕見者也故是歲大饑民甚苦焉

一荒旱成化二十一年亢陽不雨夏麥秋禾徧地赤野富者猶可庶幾貧者何以存活故是時民有殺人而食者嗚呼時之饑饉事之怪異有如是哉



一荒旱弘治五年山東大旱自春徂夏亢陽不雨焦禾  
殺稼井涸樹枯本縣是時逃竄他方者甚衆而父子  
兄弟有離散不能相保者是歲亦大饑斗米至百錢  
民不堪命焉

一賊寇正德六年楊虎劉六劉七齊彥名等各率衆寇  
山東至則攻城破縣剽掠鄉村若夫房屋之燒財帛  
之取此固貽禍於人甚而虜人子女有逼於不得已  
而受其辱者有不屈而自死無聞者其禍之慘孰甚  
焉華縣本年八月二十三日楊虎擁衆不下三千人  
來攻城之南門時方破陽穀乘勝而來民心蓋皇皇

焉知縣諸忠率民城上固守多備酒肉傳餐不息民  
心用奮矢石交下自朝至暮賊力不能支而退屯於  
城南二里許是夜二鼓忽雷大震而竟不雨楊虎遂  
震驚而去又次日獲俘虜問其敗北之故皆言昨日  
攻城遙見長鬚大漢騎白馬在城上往來督戰虎以  
爲知縣之不凡故退旣而乃知本縣城隍之神陰助  
兵勢者也蓋此言雖近於誕然城隍之神靈顯之驗  
常有之矣觀此則華民得以保全者是雖人力之至  
亦神功之助天意之所存也

有拒敵賊  
見雜錄類

一蝗災嘉靖庚寅夏五月蝗踊自交府境內而來飛空如雲行地如水過無遺稼至我華土知縣陳棟齋沐率合邑士夫人民親祀八蜡之神倏爾本境東北民人孫文瓊地內黑蜂滿野迎咬蝗項當時蝗死盡地繼而天雷雨交作蝗盡為泥塗田禾亦無損傷盡境人民咸以為陳侯所感云耳



莘縣志卷之七

莘縣知縣王琛新刊

儒學教諭吳宗器纂脩

後學蔣梅王室編

知縣楊鵠重脩

藝文

製詞

儒學卧碑

禮部欽依出榜曉示郡邑學校生員爲達言事理本部  
照得學校之設本欲教民爲善其良家子弟入學必志

在薰陶德性以成賢人近年以來諸府州縣生員父母  
有失家教之方不以尊師儒業爲重保身惜行爲失方  
知行文之意眇視師長把持有司恣行私事少有不從  
即以虛詞徑赴

京師以惑

聖聽或又暗地教唆他人爲詞者有之似此之徒縱使學成文  
章後將何用況爲人必不久同人世何也蓋先根殺身  
之禍於身豈有長生善終之道所以不得其善終者事  
不爲已而訐人過失代人報讐排陷有司此志一行不  
止於殺身未知止也出榜之後良家子弟歸受父母之

訓出聽師長之傳志在精通聖賢之道務必成賢外事雖入有干於己不爲大害亦置之不忿固性含情以拘其心待道成而行行豈不賢人者歟所有事理條列于後

一今後府州縣學生員若有大事干於家已者許父兄弟姪具狀入官辯別若非大事含情忍性毋輕至公門

一生員之家父母賢志者少愚癡者多其父母賢志者子自外入必有家教之方子當受而無違斯孝行矣何愁不賢者哉其父母愚癡者作爲多非子既讀書得聖賢知覺雖不精通實愚癡父母之幸獨生是子若父母欲

行非爲子自外入或就內知則當再三懇告雖父母不從致身將及死地必欲告之使不陷父母於危亡斯孝行矣

一軍民一切利病並不許生員建言果有一切軍民利病之事許當該有司在野賢人有志壯士質朴農夫商賈技藝皆可言之諸人無得阻當惟生員不許

一生員內有學優才膽深明治體果治何經精通透徹年及三十願出仕者許敷陳王道講論治化述作文詞呈稟本學教官考其所作果通性理連僉其名具呈提調正官然後親齎赴



京奏

聞再行面試如是真才實學不待選舉即時錄用

一爲學之道自當尊敬先生凡有疑問及聽講說皆須誠心聽受若先生講解未明亦當從容再問毋恃已長妄行辯難或置之不問有如此者終世不成

一爲師長者當體先賢之道竭忠教訓以導愚蒙勤考其課撫善懲惡毋致懈惰

一提調正官務在常加考較其有敦行勤敏撫以進學懈怠不律愚頑狡詐以罪斥去使在學者皆爲良善斯爲稱職矣

一在野賢人君子果能練達治體敷陳王道有關政治得失軍民利病者許赴所在有司告給文引親齎赴

京面

奏如果可采即便施行不許坐家實封入遞

一民間凡有冤抑干於自己及官員賣富差貧重科厚歛巧取民財等事許受害之人將實情自下而上陳告毋得越訴非干自己者不許及假以建言爲由坐家實封者前件如已依法陳告當該府州縣布政司按察司不爲受理及聽斷不公仍前冤枉者方許赴

京伸訴

一江西兩浙江東人民多有事不干己代人陳告者今後如有此等之人治以重罪若果隣近親戚人民全家被人殘害無人伸訴者方許

一各處斷發充軍及安置人數不許建言其所管衛所官員毋得容許

一若十惡之事有干朝政實迹可驗者許諸人密切赴

京面

奏

一前件事理仰一一講解遵守如有不遵並以違

制論

一欽奉

勅旨榜文到日所在有司即便命匠置立卧碑依式鐫勒於石  
永爲遵守

洪武 年 月 日

祭社稷祝文

維某年歲次

某月朔

某日某甲

某衙門某官某等敢昭告于

某社之神

某稷之神曰品物資生豎民乃粒養育之功司土是賴維

茲仲春禮宜告祀謹以牲帛醴齊樂盛庶品式陳明薦

尚

饗

祭風雲雷雨祝文

維

年歲次

月

朔

日某甲

某衙門某官某等敢昭告于

風雲雷雨之神

某縣境內山川之神

某縣城隍之神曰惟

神妙用神機生育萬物奠我民居是我民食某等欽承

上命忝職茲土今當仲秋

春

謹具牲醴用伸常祭尚

饗

封莘縣城隍誥

皇帝制曰帝王受天明命行政教於天下必有生聖瑞受命之符此天示不言之妙非人見聞所及者也神司淋厯爲天降祥亦必受天之命所以明有禮樂幽有鬼神天理人心其致一也朕君四方雖明智弗類代天理物之道實罄于衷思應天命此神所鑒而簡在

帝心者君道之大惟典神天有其舉之承事惟謹莘縣城隍聰明正直聖不可知固有起于高城深池之表者世之崇於神者則然神受於天者蓋不可知也茲以臨御之初

與天下更始凡城隍之神皆新其命睠此縣邑靈祇所  
司宜封曰監察司民城隍顯祐伯顯則威靈丕著祐則  
福澤溥施此固神之德而亦天之命也司于我民鑒于  
邑政享茲典祀悠久無彊主者施行

洪武二年正月 日

祭告城隍文

莘縣遵承

禮部劄付爲祭祀本縣無祀鬼神事該欽奉

皇帝聖旨普天之下后土之上無不有人無不有鬼神人鬼之  
道幽明雖殊其理則一今國家治民事神已有定制尚

念冥冥之中無祀鬼神其爲生民未知何故而歿其間  
有遭兵刃而橫傷者有死於水火盜賊者有被人取財  
而逼死者有被人強奪妻妾而死者有遭刑禍而負屈  
死者有天災流行而疫死者有爲猛獸毒蟲所害者有  
爲飢饉凍死者有因戰鬪而殞身者有因危急而自縊  
者有因墻屋傾頽而壓死者有死後無子孫者此等鬼  
魂或終於前代或歿於近世或兵戈擾攘流移於他鄉  
或人煙斷絕久缺其祭祀姓名泯沒於一時祀典無聞  
而不載此等孤魂死無所依精魄未散結爲陰靈或倚  
草附木或作爲妖怪悲號於星月之下呻吟於風雨之



中凡遇人間節令心思陽世冤者皆以無歸身墮沉淪  
意懸懸而望祭興言及此憐其慘悽故勅天下有司依  
時享祭命本處城隍以主此祭鎮控壇場鑒察諸鬼等  
類其中果有生爲良善誤遭刑禍死於無辜者神當達  
於所司使之還生中國來享太平之福如有素爲兇頑  
身死刑憲雖獲善終亦出僥倖者神當達於所司屏之  
四裔善惡之報神必無私欽奉如此今某等不敢有違  
謹於本年 月 日於城北設壇置備牲酒羹飯  
享祭本縣無祀鬼神等衆然幽明異境人力難爲必資  
神力庶得感通今特移文于神先期分遣諸將召集本

縣闔境鬼靈等衆至日悉赴壇所普享一祭

神當欽承

勅命鎮控壇場鑒察善惡無私昭報爲此合行移牒請照驗欽

依施行

祭無祀鬼神文

維

年 月

日 奉縣某官某導俸

禮部劄付爲祭祀本縣闔境無祀鬼神等衆事該欽奉  
皇帝聖旨普天之下后土之上無不有人無不有鬼神人鬼之  
道幽明雖殊其理則一故天下之廣兆民之衆必立君  
以主之君總其大又設官分職於府州縣以各長之各

府州縣又於每一百戶內設一里長以細領之上下之職紀綱不紊此治人之法如此

### 天子祭

天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚念冥冥之中無祀鬼神昔為生民未知何故而歿其間有遭兵力而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而歿死者有為猛獸毒蟲所害者有為飢餓凍死者有因戰鬪而殞

身者有因危急而自縊者有因墻屋傾頽而壓死者有  
死後無子孫者此等鬼魂或終於前代或歿於近世或  
兵戈擾攘流移於他鄉或人煙斷絕久缺其祭祀姓名  
泯沒於一時祀典無聞而不載此等孤魂死無所依精  
魄未散結為陰靈或倚草附木或作為妖怪悲號於星  
月之下呻吟於風雨之中凡遇人間節令心思陽世鬼  
杳杳以無歸身墮沉淪意懸懸而望祭興言及此憐其  
慘懷故勅天下有司依時享祭在京都有泰厲之祭在  
王國有國厲之祭在各府州有郡厲之祭在各縣有邑  
厲之祭在一里又各有鄉厲之祭期於神依人而血食

人敬神而知禮仍命本處城隍以主此祭欽奉如此今

某等不敢有違謹設壇於城北以

三月清明七月初一日十五日置

備牲醴羹飯專祭本縣闔境無祀鬼神等衆靈其不昧

來享此祭凡我一縣境內人民儻有忤逆不孝不敬六

親者有姦盜詐僞不畏公法者有拗曲作直欺壓良善

者有躲避差徭靠損貧戶者似此頑惡奸邪不良之徒

神必報於

城隍發露其事使遭官府輕則笞決杖斷不得號爲良

民重則徒流絞斬不得生還鄉里若事未發露必遭陰

譴使舉家並染瘟疫六畜田蚕不利如有孝順父母和

睦親族畏懼官府遵守禮法不作非為良善正直之人  
神必達之

城隍陰加護祐使其家道安和農事順序父母妻子保  
守鄉里我等闔縣官吏人等如有上欺

朝廷下枉良善貪財作弊害政害民者靈必無私一體昭報如  
此則鬼神有監察之明官府非諂諛之祭尚  
饗

祭鞭春祝文

華縣某官某等敢昭告于

勾芒氏之神 惟

神職司春令德應蒼龍生意誕敷品彙萌達某等忝牧  
是邑具禮迎新戴仰

神功宥我黎庶尚

饗

勅封順天府通判章琬并父母妻室共四道

奉

天承運

皇帝勅曰順天居輦轂之下列郡之首四方之表也爲尹者旣  
須擇賢而其副貳亦必得人乃克有濟尔順天府通判  
張琬發身胄監擢任斯職歷年旣久克舉其官是用進

卷之十  
尔階承德郎錫之勅命以示褒榮於乎朕於養民之意  
切矣况畿甸之內乎古之治京輔者其政績在焉不難  
及也尔益勉之光我寵命欽哉

皇帝勅曰朕惟人子之孝皆欲顯其親故群臣之任職者必有  
推恩之命所以體其心而勸孝也順天府通判章琬之  
父貢充成厥子用舉其官宜錫寵榮以示褒顯茲特封  
為承德郎順天府通判尔其祗承毋忝嘉命

皇帝勅曰國家於任職之臣必褒顯及其親者所以重源本也  
尔許氏子章琬為順天府通判克勤厥事皆尔善德所  
致茲特封為安人服此隆恩尚懋敬之



皇帝勅曰夫婦人之大倫故朝廷推恩群臣命必及之順天府  
通判章琬妻單氏克相其夫茲特封爲安人祇服榮恩  
永光閨閫

景泰七年八月二十九日

誥封工部都水清吏司郎中章貢并妻二道

奉

天承運

皇帝制曰國家推恩臣下既有申命之榮斯於其親亦有如焉  
蓋厚倫重本之道也爾封順天府通判章貢乃工部都  
水清吏司郎中琬之父晦迹丘園名聞鄉邑克成其子

効用於時嘗因子而受封矣今子叙陞亦宜進尔之秩  
特進尔爲奉議大夫工部都水清吏司郎中其益祗承  
用光寵命

皇帝制曰孝子被恩榮而必欲及其親者人情之所同也故朝  
廷於臣下有封父母及加封之制所以體其心而遂其  
孝焉尔封安人許氏乃工部都水清吏司郎中章琬之  
母端靜慈惠夙著閨門因子之貴嘗受封矣子今陞官  
亦宜進尔爲宜人服此茂恩益隆壽祉

天順八年十一月二十二日

誥封工部都水清吏司郎中章琬并妻共二道

奉

天承運

皇帝制曰工部掌天下百工山澤之政即古之冬官也其屬有四必得詳慎勤敏之士以任之庶克稱焉尔工部都水清吏司郎中章琬發身科目擢佐京府歷年滋久懋著才猷迨遷今官益慎厥績茲特進尔階奉政大夫錫之誥命以示褒榮其益盡乃心懋脩厥職稱朕任用之意尔惟欽哉

皇帝制曰妻與己齊人倫之正也肆朝廷推恩其夫命必及之尔工部都水清吏司郎中章琬妻安人單氏克勤婦道

允宜其家因夫之貴嘗受封矣夫今進官亦用加封尔  
爲宜人服此茂恩益崇祗慎

成化二年閏三月二十五日

勅封江西布政司經歷司都事白本并父母妻室

共四道

奉

天承運

皇帝勅曰布政司之有幕職固亦所以贊治者其簿書案牘之  
繁亦必得人乃克有濟尔徵仕郎江西布政司經歷司  
都事白本發身胄監擢任斯職歷年滋久式克慎勤是

用錫之勅命以示褒嘉夫人臣効用於時貴於能稱其職考其稱而進之國有常典在茲懋脩以俟顯陟欽哉

皇帝勅曰國家推恩臣下必及其親者所以重本而勸孝也而何間於存歿哉江西布政司經歷司都事白本父圭慶鍾厥子而祿養不逮揆其所自宜有顯褒今特贈爲徵仕郎江西布政司經歷司都事靈其不昧尚克承之

皇帝勅曰國家於任職之臣必褒顯及其親者所以重源本也尔柴氏子白本爲江西布政司經歷司都事克勤厥事皆尔善德所致茲特封爲太孺人服此隆恩尚懋敬之皇帝勅曰夫婦人之大倫故朝廷推恩群臣命必及之而於存

歿一也江西布政司經歷司都事白本妻劉氏克相其夫而已早歿今特贈爲孀人祇服榮恩永光泉壤

景泰二年六月十八日

勅封翰林院編脩敖山并父母妻室共四道

奉

天承運

皇帝勅曰翰林居禁密之地編修預國史之司所以備纂述而公記載明得失而示勸懲自非端慎明敏之士曷克稱焉爾翰林院編脩敖山發身賢科簡爲吉士列官史局纂述惟勤宜錫寵章以旌勞勩是用進尔階文林郎錫

之勅命以爲爾榮爾其益勵乃志益進乃學經明足以  
燭理道足以適用智足以周知文足以發隱如古之所  
謂良史者可也尚有顯陟需爾後効

勅曰朕於任職之臣推恩必及其配者所以明國典而厚人倫  
也爾翰林院編脩敖山妻歸氏恪循婦道善相其夫夫  
既顯榮爾宜偕貴茲特封爲孺人服此榮恩永光閨闈  
皇帝勅曰朝廷任賢才以爲近侍之臣施恩典以遂顯揚之孝  
故親雖不存而命必及焉爾教顯乃翰林院編脩山之  
父蚤遊郡庠潛心經史易探義文之奧學窮律曆之源  
積有遺澤發之於子推原所自卹典宜申茲特贈爾爲

文林郎翰林院編脩九原有知服斯寵命

勅曰母之慈恒篤於訓子子之孝必志於顯親肆朝廷推恩臣  
下必體其心而有褒榮之典焉爾崔氏乃翰林院編脩  
教山之母孀居守節旌勸已加訓子能官恩榮宜及茲  
特封爲太孺人服此茂恩永綏祿養

成化二十一年十二月二十一日

勅封順天府宛平縣丞李芳并父母妻室共四道  
奉

天承運

皇帝勅曰京縣諸縣之首也地大人衆其正佐之官必皆擇賢



然後足以致治尔順天府宛平縣丞李芳擢自上庠再  
貳京邑克勤厥職課績惟稱茲特錫之勅命授文林郎  
以爲尔榮於戲朕於養民之意切矣况畿內之邑乎尔  
其益勵厥職以副朕惠下之仁欽哉

皇帝勅曰國家推恩臣下爰及其親者所以勸孝也而何間於  
存歿哉宛平縣丞李芳故父得賢慶鍾厥子而祿養不  
逮揆其所自宜有顯褒今特贈爲文林郎宛平縣丞靈  
其不昧尚其承之

皇帝勅曰朝廷令典群臣能任國事者必推恩以及其親固以  
旌勞亦褒嘉其所生也宛平縣丞李芳母楊氏有子登

用宜錫茂恩茲贈爲孺人尚克承之永貴幽壤

皇帝勅曰夫婦人之大倫故朝廷推恩群臣命必及之尔宛平縣丞李芳妻鄭氏克相其夫茲特封爲孺人服茲榮恩

永光閨闈

宣德七年十二月二十一日

皇帝勅山東東昌府莘縣民沈英

國家先務養民爲急尔能出備糧米用助賑濟有司以聞朕甚嘉之今特賜勅將大諭旌爲義民尔尚益敦仁惠表勵鄉俗以副朝廷褒美之意故勅

成化六年五月十六日

皇帝勅山東東昌府莘縣民李義

皇帝勅山東東昌府莘縣民趙敬

皇帝勅山東東昌府莘縣民張英

右三義民勅旨與上沈英同年月日亦同



莘縣志卷之八

莘縣知縣王琛新刊

儒學教諭吳宗器纂脩

後學蔣梅王室編

知縣楊鵠重脩

縣治碑刻

重脩東昌莘縣記

令尹爲親民之職自古得人爲難得其人則六事舉而民受其福非其人則六事廢而民受其殃世之爲令尹者其未得之也莫不曰使我受斯職而蒞斯民也必欲

脩舉廢墜移風易俗使家給而人足及其既得之也專  
營家事剝民脂膏承奉上官求免鞭朴之不暇又烏能  
存夫向之所志哉所以自古難其人者正謂此也莘邑  
苟君珣家世漢中之儒族發身曹監出宰是邦以果敢  
之才施於有政朞月之間風行草偃變惡爲美三載之  
內政通民和百廢興舉哦松之暇廼嘆曰邑廳爲治民  
之處邑廳不整不足以起人之觀瞻城郭爲安民之所  
城郭不固不足以防民之外患二者皆吾職之所當務  
也於是謀諸同寅判簿彭君允連幕錢君秩各竭心思  
設法勸借木植磚瓦之類動以萬計二三載間不動聲

色正廳幕廳前堂後堂煥然一新增築城牆圍四門深  
溝高壘啓閉以時無鼠竊狗盜之憂有室家相慶之樂  
壇壝所以事神也必增脩而成之數年之間蝗不入境  
而五穀豐登野蚕成繭而倉廩充實人民之流離遷徙  
者皆聞風而至近悅遠來者千有餘家學校所以育才  
亦刻意而勉之是以賓興之歲科不乏人貢舉之年賢  
才輩出土之佩仁服義者皆摩肩接踵脫穎而出後先  
相望四民樂業而頑嚚之訟不煩於官府飽煖耕桑而  
盜賊之非不起於鄉村熙熙然無賦役不均之嘆皞皞  
乎遂仰事俯育之天是皆苟君存心行事之迹也比之

卓茂之令密邑魯恭之宰中牟政迹之稱先後一致也  
予忝職儒林而賓主日久相知頗深不容緘默故特序  
此以垂不朽繼苟君之後者誠能體苟君之心觀苟君  
之迹成其所未成績其所未就則非惟有光於前抑亦  
垂法於後矣苟或營家事而不知民瘼坐視民患而偏  
徇已私者則又苟君之罪人也詩云愷悌君子民之父母  
又曰高山仰止景行行止故特誦此爲後來者勸是  
爲記

成化四年歲次戊子冬華縣儒學教諭武林王綱撰

劉侯去思記



古之邑大夫去而有遺愛者蓋鮮且如田野賦役戶口盜賊詞訟五事咸治則爲惠政一有不治卽爲瘼官之病苟無卓然奇績浹於人心淪於骨髓者安得去久而愈思之哉莘邑令楚邱劉克敬仲禮去而民思所謂古之有遺愛者其庶幾乎侯自至大庚戌冬來蒞是邑首以正風俗爲急務輒取仙居令陳公條約教民爲禮義之俗時方有康子所患侯因循行封境凡遇遊惰賭博之徒嚴加禁約不施弓兵而獲強寇七人皆以次發姦摘伏如神自是兇徒屏迹惡類遠遁此所謂向者盜賊生而今則息矣又躬詣保社召集里胥鄉老之屬凡民

有貧富丁有多寡毫分縷析類爲成籍自顛而末次第  
科分咸稱其平此所謂向者賦役重而今則均也民有  
爭訟者必辯其情僞刑當其罪而民不怨門無私謁獄  
無滯囚吏散庭空晝長人靜此所謂向者詞訟繁而今  
則簡也方春勸耕集田父野老而開導之曰無失天時  
無廢地利當竭人力其無罪歲於是業農者自相訓誨  
畝畝日治此所謂向者田野荒而今則闢也曩歲大祲  
百姓流離散之四方者不下百餘家及侯至搜隱發藏  
得析居散浪釋老之子暨招誘復業者甚衆所謂向者  
戶口減而今則增也五事旣備百姓庶富人有禮義之

風靡然向化而可學乎聖賢矣學校之興實惟是時慨然以興脩廟學尊禮師儒爲任置學田三十畝學官居宅一區凡民之俊秀者舉令入學讀書皇慶癸丑自春徂夏不雨苗稼垂槁米價騰踴乏食之家十有八九侯乃遍歷富家諄諄然以周急之言勸之於是輕財重義倒廩傾囷者出而爭相賑濟民賴以安得以全活得免死溝壑爲幸侯以久旱方且齋戒自責聞里巷細民輦其諸祠神像暴露風日之下聚衆褻瀆大不敬喻之曰諸神有功於世者血食此方久矣牧民之官虔禱之則當應汝衆輩其像於市與戲無異亦奚益哉請復送神

像於廟俾安受香火之禱旣而雨遂大至人又以爲異  
歲乃有秋先是驛途經過之官員

朝廷往來之行李一切館穀咸取於民誠非便事乃謀及同僚  
各捐已俸買田一頃五十畝有畸以給公需不復擾民  
一方受賜爲多憲司聞其守節清苦聽斷明敏屢以難  
事委問侯皆以理決兩無異辭能吏之稱茲又可見交  
代及期家有餘粮若干石悉捨而爲官物比之捆載苞  
苴而歸者有間矣旋車言邁已南其轅士庶耆老相謂  
曰我劉侯爲政三年福我教我何以報德吾輩旣不能  
留鄧而借冠寧無山陰一錢爲贐邪侯知之獨騎由間

道以出追之不及衆皆垂泣而歸侯之廉誠愛感人之  
深也如此去之明年邑人思之不忘欲鑱其惠政於石  
乃屬晉國公之後王瑄狀侯之政迹偕前鄆城主簿張  
端本來謁予文於朝城之學館予聞之駭然而驚曰世  
之爲縣令如劉侯者幾人哉吾雖未嘗識面無乃爲平  
陵令劉寬之後人耶何其守家法之如是也噫侯之始  
去也人情不舍至於垂涕固有之矣旣去而明年人猶  
不忘難矣哉百姓思之於去後固難矣使新縣尹思之  
而亦與百姓同其倡率邑人同立其石豈不尤難矣乎  
自非負楮良之才遺惠愛之政得人懽心者疇能如是

也故按其行事而樂爲之記以來邑人之思也

汝陽野叟馬豫撰

黃用賓題碑陰云

令尹行仁政

自將俸買田

收租陪過客

免費部民錢

鐵畫銀鈎字

朝廷臺閣文

幾番因退食

讀罷憶劉君

譙樓記

蓋聞自古有國家者守城郭固湯池備奸邪之未然建  
譙樓鳴金革戒虛僞之欲發此防微杜漸之法其意尚  
矣莘邑昔乃伊尹耕隱之地土沃民淳風厚俗美歷代

以爲賓興之邑禮義之鄉也粵自數年屢罹兵燹樓館  
灰燼市井丘墟聲然一空方今海宇清寧庶民樂業法  
政寬平事務簡易而城郭譙樓之設蓋未及矣故我縣  
長司段公欽遵

聖朝國制於是率以隸卒之力而攻治之不餘月而功完矣  
誠爲一縣之壯觀四境之瞻仰居民之出入商旅之往  
來皆知禁令之嚴明時刻之早暮而動靜有則也子因  
觀其功蹟繕成而爲之記

洪武九年孟秋吉日立

漏澤園

漏澤園在莘縣之南南壇之西南北長二十五步東西闊五十四步繚以周垣歷以綽袂扁曰漏澤園仍舊名也成化壬寅二月望日莘縣令賈君克中代州人也由郡庠生陞太學而擢今官幾三載政理民安遺墨卿語曰使司大衆邢公表其名居正其字世爲文安之望族天順丁丑歲舉進士出令獲嘉陟守彰德衛輝二郡仁心仁政俱載不泯自是進參東藩首政體先王仁愛之心行慈祥豈弟之政奉宣

朝廷仁愛黎元之德意命創建漏澤園收瘞無主屍骸克中等奉行公命園已告成願求文登石垂不朽予忝典莘教



外城之下復鑿池焉命下而華尹王侯琛適至遂役民築城鑿池周圍環匝九里有奇其體勢高深翼乎可觀則外城外池於是乎設矣旣而王侯又以有城無門與無城一也復備木石磚瓦之費役民分工立門四座上各創樓命名於門東曰定海南曰阜民西曰通津北曰迎恩其規模嚴整煥然一新則外城四門於是乎設矣工旣訖功王侯偕予詣北登樓以望喜曰吾莘旣有城池四門壯之於內又有城池四門衛之於外設有外侮何患之有遂屬予文勒石以記予惟莘縣十八里民之少者也縣惟令與尉官之少者也民少則應之者或不

足於下官少則主之者或不足於上欲有興作蓋亦難  
矣然民所以聽於官官所以治平民殆不難於興作難  
於使民之樂從苟官非其人誠有病於斯者官得其人  
無難也茲王侯自蒞政以來二年矣於興作一事不要  
譽不急功凡其經費所出皆紆徐處置漸次備具寧緩  
其工程不嫌於瑣細而府庫之財秋毫無費也故雖役  
民之力而民不見其勞用民之財而民不見其擾民自  
樂從而不敢後竟至大事舉而功克成初何病於民少  
官少也哉予教於莘先王族而至者也備知其事故爲  
之記而不辭且使後之尹斯莘者觀此不惟知王侯之

有功於民且知王侯之善於使民亦知華民之易使也  
寧不有所興乎是爲記

正德九年歲次甲戌冬莘縣儒學教諭莆田吳宗器撰  
祠廟碑刻

重脩關王廟記

經云事君能致其身惟忠義之臣戰陣有勇臨難不避  
身雖云亡威名烜赫焜耀當世千載之下起敬慕加封  
謚廣廟食而爲明神者其義勇武安王之謂乎本傳載  
王河東人初先主合徒衆於涿郡王與張飛爲之禦侮  
寢則同床恩若兄弟隨先主同徒衆周旋不避艱險先

主襲殺車胄使王守下邳行太守事而還小沛建安五年曹公東征先主奔袁紹曹公獲王以歸拜爲偏將軍禮之甚厚紹遣大將軍顏良攻東郡太守劉延於白馬曹公以王爲先鋒擊之王見良麾蓋策馬刺良於萬衆之中斬其首以還紹諸將莫能當之遂解白馬圍曹公即表封王爲漢壽亭侯曹公壯王爲人而察其心無久留意謂張遼曰試以情問之旣而遼以問王王嘆曰吾素知曹公待我厚然吾受劉君厚恩誓以共死不可背之吾終不留吾曹豈効以報曹公乃去遼以王言報曹公義之王乃殺顏良曹公知其必去重加賞賜王盡封

其所賜拜書告辭而奔先主嗚呼王之言行可謂忠義  
者矣廟在莘之東百餘步始建歲月惜無碑考值延祐  
七年大水為患簷楹摧圯皆門傾側殆無以展邑人香  
火之敬監縣明初公至大三年來治莘邑與令劉克敬  
同心立政俱備五事境內之民家受其賜公性慷慨不  
拘細行志勇於義至若勸課農桑整齊人物與夫起墜  
舉廢者視他邑為最盛與人交愈久愈厚所以無貴賤  
皆得其歡心今雖代閑何所謂起墜舉廢者心無少也  
乃消吉倡首出橐金敬詣莘好事家以王廟損葺告之  
咸樂為助凡出木石瓦甃錢粟者無遠近悉至命工重

脩公親蒞之不兩閱月功畢廟貌復新築危堤臨大道  
三門卓然層臺巍然古柏森立實一方之壯觀今而後  
使拜其遺像想王之英風者勵忠全節不貳其心庶無  
愧焉非若巫覡徼福之禱也噫物之隆替誠自有數然  
必貞固明敏之士方見克完其明初公之謂乎公持薊  
州學正王恒狀堅請以文義不容辭因為之記  
有元進士託理忽都達兒撰

城隍廟記

廟神主莘之城隍神爵伯莘之顯祐神非封號無以隆  
子庶之尊廟非成脩無以妥威靈之著尊矣而著則深

者高幽者明晦者昭壅者通九屬諸陽者一顯設爲之  
綱維者矣而尊則願可索肯可熾杖可辟氛可掃九屬  
諸陰者一祐持爲之根柢予自正德三年孟夏二日位  
茲邑嘗誓於神善邪能不默相我邪惡邪能不棄絕我  
邪因姑以所嘗驗者復諸士民之請矧前三二年不雨  
民間折桑棗給饘殍疲病亦甚予憂之於月之中旬九  
日如法祈神越三日大雨枯槁賴以蘇而隍之中遂可  
通舫是舉莘之人以爲奇由是明年之祈不異今年之  
應者三顯於茲矣神之顯而官民獲三祐安知其不屢  
屢哉惟其著之也屢故其尊之也誠若陽穀民有負吾

莘馬價者匿其券投之司府無證焉來質於庭予嘗召  
其人而慰諭之以禍以福竟詞伏露藏券之由并其所  
予復諭曰券暴矣爾必復償價之言否則追陽刑領陰  
譴難避吾城隍之神其人俛首而去不數日携所負償  
馬主走拜吾前曰某自丐期而回雖寢食間若有人追  
者雖其妄誕之說訪予莘而自茲應者亦多矣是顯不  
徒顯而顯有以留乎坐明其綱維之張舉乎祐不徒祐  
而祐有以通乎遠近其根抵之敷暢乎由是廟祀之久  
封號之加尊崇之至肖像之嚴殿宇之構司從之設非  
諂也宜也噫人皆知起土增碑爲城隍地復池爲隍而



或未知吾所謂神者在乎保障生靈於悠久也已顧吾不能言而不謬言遂書以付諸碣者

正德六年歲次辛未冬知莘縣事姚江諸忠允中書

### 弇山泉廟碑

自古名山大川有爲生民靈驗於世者國家無不崇奉以爵號載於祀典歲時致祭華邑西北陬距縣四十里馬橋鎮右界南北古河之左壩自後魏孝昌二年忽湧一泉其瑣碎之石莫能知其所由俗呼爲弇山泉時或旱暵禱則輒應沿及宋徽宗崇寧二年詔天下長吏其山川能興雲布雨之地祈禱有應而不載祀典者各以

名聞朝廷特降睿旨褒崇禮命頒賜爵號以錫生民之  
福其時尚書禮部徧行所屬本縣往大名留府文字轉  
申上司爲斯泉祈禱感應有功於民本廟雖在祀典未  
經封爵未賜廟額再申留府乞朝旨敷奏茲縣申檢石  
刻存焉實崇寧二年也今稱顯仁王聖袞是諒是宋徽  
宗時封爵也有元皇慶元年夏旱莘縣尹劉承務克敬  
率僚吏六月八日寅初詣廟祈禱還轡半途已蒙雨降  
尺餘人皆云公能託神靈神不負公之德黎民乃歌之  
曰弁山靈號千古獨劉公德號達淵泉淵泉不涸德無  
泯濟民潤國成豐年公即謂泉廟靈驗天旱至禱屢應

與同僚議蠲一社雜役廟宇損壞垣墉倒塌本社脩葺  
依時預祭民咸樂從鄉士褚天麟壯其事來幸寓請余  
文義不復辭而謂之曰五嶽五鎮四瀆護國家福生靈  
所在致祭各有彝典其隨處郡邑山川靈驗者固多惟  
江河淮濟百川會通四海之經絡耳弁山泉乃黃河之  
故道而神之因地顯靈以祐斯民是宜可紀也噫凡祭  
神莫如誠誠則神感矣不誠則皆爲虛設矣孔子曰祭  
神如神在信斯言也公之致禱迴轡中道而雨降此誠  
敬之心憂民之憂託神之靈誠無不格故致禱遂應而  
神亦當自念生民福庇久永則幸之祀無窮焉

東昌路儒學教授審禎撰

弇山祈雨神應記

昔晉有東晉者嘗爲民請雨三日而注民有歌之曰請  
天三日甘雨零我黍以育我稷以生其人心之喜形於  
言也如此切見令尹何公廣威廉明正直常以撫字爲  
心自去歲五月旱躬禱于弇山神祠其雨遽應今六月  
載罹斯疾復詣祠下而祈焉其香始升沛然雨降感應  
之速曾不移刻公冒雨而歸了不加蓋自晡至旦殆及  
尺餘有秋之望田野交慶非誠意格於神明未易至是  
回視三日而後兩者何遲也稔等親覩其事書之東弇

壁

時歲在旃蒙大荒洛夏武略將軍飛騎尉師稔撰

脩建井堂寺碑記

莘東昌屬邑也東抵會通西帶渭川南枕濮水北接聊城其地廣其村落遼邇然民士往往敦釋教以故城之東北接連二寺其一應海其二井堂應海久廢池井堂僅存寺去市遠幽深僻寂樹林陰翳古禪林法會地也肇建於元年深事去基址荒蕪佛像剝落僧居其間者亦晨星然獨佛殿歸然久存時巢陵隆興寺上人戒性還釋氏之學僧中巨擘也永樂辛丑邑民董俊董嘉其

能請司井堂住持事上人嘆曰應海廢而井堂存則井  
堂邑之法會也匪宋其規匪復其故彼四方善信之來  
曷登觀瞻乃捐資鳩工重爲葺理作金剛于前立法堂  
于東西序僧舍數十楹周延四阿工成績三大士像十  
八羅漢鍾鼓繒蓋幢幡之屬靡不畢具談空味禪惟適  
所安今之造作較昔之施設霄壤不侔洪熙乙巳冬戒  
性以舉試于京僧錄錄其寂禮部歸于寺住持乃來謂  
余日記所以記事也蘭亭也不遭右軍則清湍脩竹蕪  
沒於山陰矣先生掌華之教敢以井堂廢興始末爲請  
余曰嗚呼住持之能宗其教而崇脩之功實可紀焉姑

述事廢興以刻于石是則不沒戒性重脩之善亦庶幾  
後人有所採擇云時

正統丙辰秋莘縣儒學教諭廬陵劉哲撰

重脩井堂禪碑記

天下之事有因而替者有革而興者要在人之損益何  
如耳益之損之與時宜之則生民之耳目廢不至乎塗  
塞矣吾治井堂寺其立基有誌其創建有人其飾地理  
廢有姓氏而皆有碣可稽數迄今爲

聖壽

千秋拜祝之所要之損益得中有其舉之莫敢廢也莘

之鄉士夫嘗以是記讓予爲微暇適濟南李秀才暹  
武胡秀才鏜法秀才中以予有丁巳之長偕來假寓井  
堂暹善書中善篆交相動予嘗爲文之懷遂商藁于坐  
間竊以釋有言異端若趙州之栢樹子楊岐之金剛圈  
蜜菴之破沙盆是也是釋之教外異端也予請以字義  
蓋之佛者人弗爲之稱僧者人曾爲之稱而佛之法僧  
則以爲寶而僧非佛則抑何所賴以爲宗倚式夫自漢  
葉中傳有想像於夢中者竟迎於西域旣而有因者焉  
尋至索密不得以餓而殂有撲滅其仙釋者遷觀毀寺  
皆匪時宜惟我



皇明建留都以報恩建

京都以大興隆去淫祠以齊俗損益之旨微矣乎吾固想其破  
愚蒙之壹慧燈也雖然淫聲易入耳彩色易奪目有志  
之士當自開闢其塗塞是爲重脩記

正德四年乙巳秋知莘縣事姚江諸忠允中書

重脩三教寺記

莘邑西南二十五里平壤肥沃林木翁鬱籬落簷樞交  
錯絡繹其居民好施予樂於爲善唐大中中名依仁里  
元改名俎家店今因之予世業於此宗黨族系咸在焉  
其東二里許舊有三教堂故老傳聞肇創於宋元經兵

焚傾毀徒餘瓦礫荆莽之場過者增慨弘治六年居士  
田巨川捨地一區以廣舊制狀聞于有司許之削堂名  
寺乃遴選僧道山卓錫於斯斬茅結菴堅節苦行銖積  
寸累構堂三楹肖三教像於中惜乎大功未就而卒其  
徒興東者克續其志用是益廣開拓鼎建大殿中塑如  
來羅漢等神左翼以伽藍右峙以鍾鼓樓功旣告成住  
持性剗偕巨川詣予請記蓋欲彰前功之不朽而亦示  
後人之守成勿替也予方應檄纂脩

孝宗皇帝實錄未暇于文柰事在同鄉矧巨川姑丈也且憶昔  
山師亦有方外之雅義不克辭勉應之曰工費經營常

事也弗容瑣瑣試演前人所以以三教額堂之義可焉  
三教者儒釋道也正岐反攻殆若薰猶何以混而一之  
邪蓋民彝既蔽之後偽誕日滋涉於岐者罔知反於正  
入於正者鮮克攻其岐於此可以勘破前人混一三教  
之微意且儒教胚胎於太極之先流行於萬化之內乃  
民生彝倫固有之常日用事物當然之理上而三皇五  
帝至仲尼集群聖之大成下而伊洛關閩至晦翁集群  
賢之大成聖賢相承著作六經四書百家諸史反覆發  
明儒教之與生俱生不可湏臾離者蓋性善是也若道  
教始於黃帝之先其書有黃帝力牧伊尹太公鬻子老

子文子蜎子闕尹子列子莊子老成子長盧子王狄子  
田子老萊子黔婁子宮孫子鵠冠子等凡三十七家共  
九百九十三篇蓋清虛自守卑約自持之術也後世循  
之析爲洞真洞玄洞神若魏伯陽參同契龍虎經等一  
皆言長生乂世丹煉內外神出陰陽紫陽朱子感興詩  
曰盜啓玄命秘竊當生死關正謂此也後世道士若吳  
之葛玄南朝之宋文同陸脩隋之劉進喜李仲卿唐之  
黎興方長劉無待之輩僞爲經傳曰雲笈曰黃庭曰寶  
文曰金科曰秘籙曰一篇皆涉於怪而反誣矣夫佛教  
始於漢明帝時西域僧人來訪於群臣曰西

域有神號曰佛乃遣蔡愔等往天竺訪其僧法圖其形  
像且邀摩騰竺法蘭以白馬馱經四十二章來止於鴻  
臚寺遂因寺爲名改曰白馬蓋佛生於西域五印土幅  
員三萬里東南際海西接剌賓波斯北距雪山雪山即  
佛修養之所也其域以國土爲天故名西天其土物奢  
麗人民富樂而崇尚幻術不率華禮佛知其不可以華  
語故設爲方便假天堂地獄之說蓋因其俗尚幻亦以  
幻化之而作是經焉後世因之翻譯成經若華嚴若光  
明若彌陀若佛頂若圓覺若連華若金剛若維摩多若  
涅槃至數千萬卷有以色身爲宅舍有以法身爲主人

公有欲斷輪迴之說者有曰業障慾障煩惱障者有曰  
智心戒心定慧心者亦陟於怪而反誣矣夫以儒者正  
大明白道者釋者邪媚惑人茲合而一之其意固欲使  
人爲善殊不知其道本不一焉可混而名之曰三教予  
儒者流也不得不詳其事以解後世昧道者之惑幸勿  
以予言爲迂是爲記

大明正德元年春邑人張鯨識

重修太尉廟記

功施社稷者必受褒封之典澤被生民者必享血食之祀理固然矣苟生不正直聰明沒而爲神爲聖者鮮矣是宜生受崇奉死享廟食吾於撫管太尉之神見之矣莘邑南門東南百餘步古蹟有太尉子孫廟二座建立年久歲月所損未有興作之人安其靈而安其神時有武城祖均誠來掾是邑東三房司典見其廟宇傾頽起於意未見行於事暗期保庇無虞願興脩葺六載之間果蒙神祐案牘清簡詞訟不沾上官嘉其勤慎下民喜其廉能人口安寧財帛足用是皆神明申錫之力也乃

於天順四年月日不等集義友劉康等捐資興工補葺  
廟宇既完且美粧塑神像煥然一新英靈儼存洋洋如  
在果遂初心之願於是希一言以紀其歲月予惟神明  
之在天地知日月之明晝夜神雖靈焉無廟貌以安之  
則民無以興起尊敬之心今也靈異兩全其保庇士庶  
福祐生靈亦無時無處而不顯厥聲厥靈不惟華邑之  
民有所依歸遠近咸有瞻仰矣神福於民如川之方至  
民敬於神如日升月恒將見神功廣大護國安邦固如  
磐石香火興隆福祥駢集家戶康寧五風十雨永錫  
康年子孫蟄繩綿振挽回太古之風普享雍熙



之治是爲記

大明天順四年冬致仕司汝庠鄉貢進士楊好智撰



莘縣志卷之九

范氏

莘縣知縣

儒學教諭吳

後學蔣梅王室編

知縣楊鵠重脩

墓道碑志

唐贈左散騎常侍汝南郡韓公國昌神道碑

長河北控粵有與壤厥爲全魏其中土宜耕俗最淳孝  
子忠臣義夫節婦觸類可覩比屋可封地勢自然物理  
斯在是以代有將軍稱義兵控北虜之咽喉扼南燕之

襟帶歲月鞏固朝野賴之至於命師臨戎非賢則德或  
失其統馭則禍必起於蕭牆昔廬江公承襲一方子孫  
三世逮及衰季始墮弓裘四人切弱苦之音六郡當舉  
羸之患乃著三軍之衆十萬同心英雄應選僉命我公  
雄仁蘊長者之譽德負不孤之聞語其力則五丁比肩  
較其藝則三傑齊價秉嘉落大度挺昂臧偉才河山之  
精貌貅之勇表率魏邦瀝懇魏人天道照臨宸衷慰悅  
輶使磨至軍務充諧不踰晷月爰登魏傳節度至三台  
之重公感嘆遥駐罔極之誠驟興追崇之寵天子乃嘉  
其大孝錫以珥貂用副孝思式贊幽壤公既獲拜今位

念衰榮乃常若不即以刊之貞石無以聞將門之業無以傳曠古之名因授以賓徒俾詳其事系吳畦序焉

公諱國昌世系汝南人也其先與周同姓姬氏其後苗裔事晉得姓於韓故曰韓武子武子世本云萬生趣伯趣伯生伯簡伯簡生子輿子輿生猷後四十世有韓厥從封為韓氏厥孫景公三年屠岸賈將作亂誅靈公之賊趙盾盾亡死矣欲誅其子趙朔韓厥止之告賈賈不聽厥告趙朔朔曰子必不能絕其事賈誅趙厥称疾不出卒全其孤春秋書之至於秦晉會盟楚漢龍服綽有勲烈犖然功庸迄于我唐不絕流派公累代魏將剖分符

三皇紀卷之六  
二  
節曾祖魏博節度押衙祖朝魏博節度押衙兼臨清鎮  
遏都知兵馬使檢校國子祭酒兼侍御史烈考魏博節  
度押衙充都知兵馬使檢校國子祭酒兼御史中丞公  
之為人也天假樹忠神符抗節好謀而斷知幾而明約  
言有常敏行無玷以孝弟成其身以文武全其才少節  
承祖宗之餘芳長最好孫吳術讀黃石書指力爭為末  
歟笑氣吞為細事常慕攝衣決勝坐籌出奇軍中少年  
靡不取則時值王室為難邊疆舉烽公乃拔自偏裨擢  
于列藩尋擊賊有功乃行賞酬庸論功載筆是時洋溢  
懋蹟充塞宇宙心服軍旅名垂竹帛藩翰可期芳訊繼

臨密詔垂下公個儻成癖優游素深時雖料敵推堅不  
廢吟風嘯月執堅守冑銳志難奪自思今若終天力絕  
不顧骨骸後時願乞陪臣不越吾土遂脫輻謝病掛冠  
養高縉紳有聞物論稱平尋以牽復舊位脫屣王畿監  
止於方鎮懋績崇榮其孰能宗歟公始及裨副載分劇  
職入奉訓齊之令出揚整肅之權推公而直若引繩行  
己而平若止水言不好弄服不好華卷舒自得於時宜  
喜怒不形於顏色崇善觸邪柯葉不移紫縣最冠於群  
公青眼靡遺於衆卒藹若聞望諠然令圖公非獨王事  
有作復乃闔門立成稜稜而廷訟惟嚴察察而鄉義尤

峻先教之以仁義後導之以詩書諭雍容禮讓之節示  
惻隱慈愛之心馳騁田獵雜服詭辭趨若仇讐屏如蝎  
螫肆我武勇平成以賴適方一箭發而號猿猱三尺舉  
而吼龍虎矛盾山立旌旗血戰言其壯則扛鼎拔山顧  
其勇則馮河逐日七十城而應敵下四十万而乘時抗  
此乃用武之克捷行師無不利者若以瞻雲望氣一否  
一臧辯成敗之機宜監吉凶之休咎則武非文而不備  
文非武而不揚實共濟而相恤無殊塗而別蹤矧予纔  
立名業仗弓劍者也予之身其爲不肖孜孜以未墜之  
緒力於命予者其庶幾乎議者乃赧赧絕詞唯唯而退



武宗泣祚年初逆賊拒命天討荐加常從廬江公以勦  
叛廬江公異公之英勇以前衝弦道係將累日公度其  
軍勢相以人心机上之可期若在鼓中耳廬江曰魏師  
以久不振旅時無恒心今乃越境而出若非肅齊則衝  
敗莫制若悅豫其情則前驅不踵公情其向背妙以機  
謀督餽餉之心敦戰伐之道在爪牙者却駢羅於後如  
市者皆跨列於前自然表裏相應實猛得中此勇之大  
勢也廬江乃俞良策卒成大功鎮山東壯武之聲擅日  
下勤王之效莫不由此言無謬歟公雖初心不求朝拜  
藩府所獎符竹爲先遂遷攝具州刺史兼本管劾奏御

史中丞公既解戎韜俄從郡政三尺之綱條不紊四知  
之敬慎惟敷瘡痍既起於沉滯勞逸復均於疴瘵雖黃  
伯行教藝遂立誠求之北方孰以優劣公忽不自憚嘆  
久從軍中心無逸冒馬勞金瘡之績竊蹈忠履信之名  
稼穡少知艱危歷試不縻好爵不伐殊勞避授鉞於他  
邦止建侯於我土今齒髮云邁桑榆足悲胡可尚存碌  
碌勞勞不知閑居適志遂乃命納軾旗終賁林野又言  
曰知進退存亡而不失其正者其惟聖人乎以大中六  
年七月十二日寢疾薨於魏州元城縣德教里之私第  
享年六十有六以大中八年二月二十五日殯於魏州

莘縣脩善鄉依仁里至咸通二年六月二十六日贈左  
散騎常侍夫人清河張氏同時月日贈清河郡太君有  
子三人長曰君雄魏博鄆度觀察處置等使檢校尚書  
右僕射兼御史大夫仲曰靖魏博鄆度押衙兼部從檢  
校太子賓客兼侍御史李曰楚魏博鄆度押衙兼刀斧  
匠檢校太子賓客兼監察御史噫公以德符陰陽慶延  
子孫世居封贈之尊胤極人臣之貴建碑道左顯褒冥  
途畦序說爲銘銘曰

堂堂聖朝

烈烈文明

仁以配天

德以延英

杜稷康乂

將帥惟精

欽我魏疆

爲河爲方

厥賦以上

厥土惟良

異物旣產

賢臣復彰

優以大韜

峻以五常

弧矢不幹

忠孝爲光

少齒得志

勵節勤王

扼腕不斷

歷膽可嘗

虬龍屈盤

鵬鷃翱翔

平寇計高

伐叛名揚

運籌畫帳

決勝砂場

功業有勛

朝廷議勤

加以羽纛

陟以親軍

賜以好爵

固以藩身

得路我土

保祀我極

糴糒曰統

畏敬無垠

符竹嘗剖

惠愛猶存

訓子文行

果極名臣

罔極知報

帝命爰臻

錫以峻職

飭以王綸

褒崇令嫡

激勵愚器

褒崇既尊

典禮斯陳

昭彼懿美

勒自貞珉

咸通十五年七月十五日

觀察判官將仕郎侍御史內供奉賜紫魚袋吳睦撰

唐魏博節度觀察處置第使韓公神道碑

即韓允中墓碑

先系名宦因食菜於韓國因以定氏在春秋時有韓厥  
事晉獻公能全趙氏之孤不忝上卿之位左氏書之在

羸秦有韓仰為太傅在東漢時有韓稜為尚書今清名  
直節獨立不黨在東晉時有韓康伯幼而聰悟早遇殷  
浩見知長負端方常為州郎延及我唐公乃擅文武之  
天才兼將相之重位藝通神化氣肅風雷建曠古之勲  
庸為一時之標表起惟命世生實為時挹江海之偉量  
挺個儻之奇資位尊鼎鼐寄重藩翰言之是非不出於  
口心之喜怒不形於色肅恭之貌若待嚴師敬厚之誠  
不欺暗室雷動五營義威六郡疲民歡舞老穉謳歌相  
與賀曰召父杜母復出於今日則人人皆得為赤子矣  
乾符元年十一月二十二日觀疾薨享年六十一傾都

罷市闔境生哀上命朝議大夫李景莊庫部員外郎陳  
翽備鼓吹升輅車由宣政正衙及公之靈座冊贈司徒  
謚曰某公前娶夫人劉氏追封彭城郡太君後娶夫人  
靳氏封清河郡太君以明年二月二十五日卜兆於魏  
州莘縣脩義鄉平原村爲之銘曰

元聖乘運

英賢應期

生爲邦傑

出作帝師

赫赫韓氏

徽猷早振

得姓於周

筮仕於晉

旣克咸寧

亦佩侯印

東漢尚書

淮陰封信

洪源懋緒

孤遠遺慶

功業丕著

克紹祖宗

量寬漠漲

威定山東

爰自壯年

誓志從戎

明經政術

靡有不通

凌雲直幹

襲物清風

鬼神肆狎

披猖不道

若刃自戕

若火自燎

太行天井

恃險設輿

逆浪晝翻

旄頭夜耀

天子問罪

楚公奉詔

公實爲副

順行天討

氣吞賊壘

義激群校

逆旅雷駟

邊塵電掃

冒矢犯石

執銳披堅

屠城擒將

所向無前

探雛捕卵



流血成川

妖孽既平

功成凱旋

勲高名显

時望赫然

鸞鶴騰空

蛟龍劈浪

雲天萬里

一日可企

齋壇受節

朝端宰相

位重廊廟

任尊師長

化洽令行

人歌惠養

天垂將星

公實秉之

神有兵符

公實受之

元凶巨滑

公實定之

帝謀王道

公實佐之

兩楹夢奠

夫子殆病

皇天匪信

倚杖無定

梁壞舟藏

孰爲龜鏡

魏國東墟

辛亭大原

川平環抱

馬獵新阡

松楸已列

體臯宜安

山河永固

基業常存

祖太夫人贈工部尚書

祖妣張氏贈清河郡太君

考贈左散騎常侍改贈兵部尚書

妣贈清河郡太君張氏改贈梁國太夫人并奉咸通十

五年七月十五日恩制

自祖太夫人恩制皆序中之文因剝落不全故補錄於此

門吏節度判官朝請郎檢校右庶子獻于濬刻石爲碑

金故顯武將軍張公墓表銘

世之懷才抱藝之士欲立功名於後世取富貴於當年者不繇文武兩科而進末由也已夫繇文而進者大則謨謀於廟堂之上次則優游於郡邑之間繇武而進者達則受斧鉞之寄窮則廁縉紳之列皆代不乏人吾鄉張公顯武者即繇武選而廁縉紳之列者公姓張名琪魏之莘人也胄出漢留侯之胤幼慷慨多大志身長七尺有奇膂力過人武藝精熟當宋靖康年間經河北東路提刑司試中保申大名府按試時武舉格式神臂弓七石五斗步弓兩石五斗弩弓四石五斗馬射弓一石五斗當時就試者八十餘人中選者止三人公中第一

人特補進義校尉即便差充統率莘縣應募強壯軍馬  
集備出戰至建炎元年八月內隨從統制官孟世寧解  
興仁府圍立功轉補進武校尉於天會七年六月內差  
權大名府第十五將隊至阜昌四年十月間差權耀州  
三原縣尉至阜昌七年八月內準大總西路留府劄子  
差充中軍將官前去廬氏縣破滅群賊立功第一八年  
七月中差充河南府翼縣巡檢至天眷二年正月內依  
往詔書經河南府告乞歸鄉別赴差遣於當年五月內  
奉宣命任博州聊城縣尉至七月中領在州人馬隨從  
都統觀察使副使領官破滅泰安軍叛賊張貴等於當

年七月二十二日見陣追殺至二十四日勦除無餘至  
天德二年四月內任平涼府瓦亭寨主簿任滿而歸閑  
居不仕至大定二年衆親勸令再試勉從衆議於當年  
十月內檄到平陽府趙縣酒稅都監以監部非所長乃  
秩滿歸家放浪鄉里晦迹不仕若無官爵者與村賔言  
勸以力農與市人言勸以勤儉與人子弟言勸以孝弟  
餘無所言終日獨立不脩威儀不事權貴恂恂然似不  
能言者有若太古遺民之風至明昌二年七月內乞致  
仕優游數歲至承安元年五月十七日終于家官至顯  
武將軍騎都尉清河縣開國卒享年九十有四葬於縣

之脩善鄉黃樓村之原從先塋之側公兄弟四人長曰  
瑜武舉及第次日瑋又次即公也季曰玠先娶陶氏生  
二女長適劉氏次適劉氏蚤卒繼娶文氏生一男曰孝  
榮亦早卒再娶生一男曰孝和皆以夫階五品而封清  
河郡君卒孫男六人長曰汝礪次汝楫業進仕舉有聲  
次汝霖汝賢汝翼汝爲公當宋靖康之亂有群賊楊大  
郎等入村抄略兇橫衆兄弟皆散走以避其鋒惟公趨  
家救母背負而逃賊衆追及欲害之其渠率楊大郎唱  
於衆曰此人乃孝子也害之不祥衆乃歛威公之母子  
果危扼其孝動於人有如此者公未中選時其母常

憂靖康之間飢餓之厄日夜悲惱不聊其生公乃告之  
曰無慮我去試武舉也須要必中若中選何憂乏食後  
果中魁選全家優食廩餼其志果於立身有如此者公  
嘗差往東路起鰥送長安至彼却起金還東路交納至  
河中府其府官等僞設筵待以阻其行有欲金之意公  
乃託故上馬便行至城門已懸釣橋已斷路矣公乃揮  
劍斷橋之鐵索縱騎而過行不三四里有軍追及公乃  
命金橐先行獨殿其後引弓反射衆不能進一卷而退  
遂完而納之其勇於濟事有如此者公嘗語親識曰我  
一世凡經大小戰無慮三五十陣不曾妄害一人以希

官賞天必報我公果享年九十有四若合符契然公之  
志行槩多類此不能縷數其子孝和以公五品官合立  
墳旌獎具其禮狀公遺行欲琢石表墓以圖不朽乃以  
文見屬柔中因懇辭曰乃公顯武雖爲右選其孝其仁  
有足称者仍官五品壽及百焉世所鮮儷盍求諸名卿  
才士以張顯之顧愚老謬田夫之學猶不迫人何敢拜  
辱恐不足以發潛德之輝光答應以公鄉曲老生宜知  
先考之詳公而固辭其誰宜爲柔中載其事實以其子  
孝於禮有可称者乃系之以辭曰

清河積慶

挺生偉人

孔武有功



既淑且純

幼負大志

銳於立身

武藝精熟

期聯縉紳

師府按試

憲司保申

弩開七石

弓挽六鈞

榮中魁選

武藝超倫

遂食天祿

以振吾貧

雄翼孟師

圍解興仁

三任仙尉

兩破賊群

存心不殺

其報如神

官階五品

壽踰九旬

翼翼二子

誥誥六孫

告老而退

以養天真

富壽康寧

五福存臻

天不熟遺

遽至凶屯

琢碑神道

立石旌墳

以告永世

用播芳塵

鄉貢進士聶柔中撰

大元大德十一年正月創建

贈冠州知州韓君墓誌銘并序

即韓鵬

朝廷以孝治天下特著封贈之典俾爲人子者知所激  
勸自流官七品以上咸得以崇其親若韓知州權是也  
子知州以承事郎仁壽縣尹既贈其父及母宜人至是  
復以致仕例加贈奉訓大夫冠州知州飛騎尉追封華  
縣男母追封華縣君爰念光膺綸誥榮洽幽明仰惟勤  
石丘墳庶彰久遠以文來謁弗獲固辭按韓氏汴梁人

曾顯祖始徙于華卒葬妯家東考諱煥潛德弗耀妣安氏有子四人長德次寬次鵬次清鵬字伯翔即奉訓也天資純直以孝弟聞家結四壁教諸子皆讀書克勤生理雖遠服賈亦終無倦兄寬年高子又天旦夕悲痛以後事爲憂奉訓以理慰釋且綱紀其家終其身不以力役及之鄉閭稱焉與人談論是非曲直明白而後已聞者悅服晚年浮沉里社精神強健耳目聰明如年壯人以延祐三年四月十七日以壽終享年八十有三葬于華西三里西廡保之先塋配王氏克全婦德即華君也後一年卒享年七十有七有子五人長權次信達寅

福諒權字公衡幼習儒奉親孝待諸弟克盡友愛以奉  
訓携達適遠方累歲不歸權乃獨奮身跣足備涉艱險  
尋訪經年行至雲南乃得見焉時達已歿父子哀慘有  
足感動人者行省嘉其孝行有志不遠萬里覓見其親  
乃以茂異聞于朝即授本省臨安路儒學教授祿養其  
父終更侍歸其家次除廣西路教授兩任雲南前後十  
年旣而以親老辭遂得便養授登仕佐郎山東宣慰司  
照磨次任即墨北海二縣尉兩淮臨洪鹽場司丞宜都  
縣尹所至有能聲以戶籍北軍隸左衛屯田歲費以錢  
計者千有餘緡弟姪俱貧莫能供乃以已之田三百畝

收其歲租獨給軍所需歲以爲常此亦人之難能者積  
官奉訓大夫成都路彭州知州致仕年今七十有八寅  
福淇州儒學正女二人長適楊信次適俎恒男孫八人  
克勤知州子承蔭京兆路同官縣尉余未名女孫四人  
并幼嗚呼奉訓樂於爲善勤於謀生常若弗及卒因教  
子爲學高大其門自知州尋父雲南以儒官起身進仕  
途將五十年累被寵章榮其存歿又蔭其子乃知天道  
無親常與善人何其厚哉因爲之銘曰

莘郊風土宜耕桑

禮俗元同齊魯鄉

韓氏始遷由汴梁

乃生奉訓資純良

怡然孝弟明綱常

教子仍知以義方

勞生不覺鬚眉蒼

身雖弗祿余慶長

幸哉有子儒業彰

尋親絕域可顯揚

宦途踐更兩鬢霜

永年有喜承恩光

五馬疏封綸誥香

樹碑昭然表玄堂

蓋由作善天降祥

子孫孝思當勿亡

子孫孝思當勿亡

朝列大夫僉河東山西道肅政廉訪司事馮惠撰

至正元年歲次辛巳三月十二日奉訓大夫成都路彭

州知州男權等立石

贈奉直大夫冠州知州飛騎尉追封莘縣男李侯墓碑銘

并序

侯諱希愈字才卿姓李氏其先沃州人祖端義始徙居  
莘侯凝重簡默言笑不妄讀書易田無意於宦達天性  
孝友樂施予而約以自奉親故賴以婚葬者卒歲者甚  
衆蔬果暨五穀熟薦之祖祢則以分故舊姻婭歲以爲  
常勇於爲義所守確不可移而氣和色溫人未嘗見其  
愠有所得則忻以及人或詢謀所疑懇切忠告曲盡其  
微與長幼言則導以所宜各有攸當鄉里化其德翕然  
以善人稱一旦呼奴輩告之曰若曹久服後吾家多賴

若力吾老矣吾爲若德於是債券而悉泯之至元癸未  
正月十有八日享年六十三而卒葬莘東北三里群賢  
保先塋之次薄而不侈從其遺命也泰定元年冬以子  
侃累贈奉直大夫冠州知州飛騎尉追封莘縣男配郝  
氏追封莘縣君自笄年至垂老鄰舍亦少識其面桑嘉  
貞順內助者多後君十年而卒四子長曰佃田御史臺  
掾歷襄陽淮安兩府經歷湏城縣尹同知濟州事拜西  
臺監察御史以奉直大夫濟南路總管府判官致仕所  
至清而有惠實慈敬法次曰仁曰備曰儼一女適武鄉  
縣尹良弼子瓊男孫八人長曰從善博平縣儒學教諭



次曰克中國學生早卒曰克謹曰克莊曰鹿兒曰十咬  
俱殤天女孫五人長擇監察御史吳舉子士貞爲婚次  
俱適人曾祖自牧業進士宋建炎初李易榜第九人登  
科入金積官承德郎萊州觀察判官子男三人端仁宣  
武將軍卒于方城主簿端義用父蔭荐歷監官終于冠  
氏賈鎮商酒都監端禮業進士父興祖潛德不耀務農  
以致饒時推所餘以濟不足全活者非一姓室張氏繼  
室王氏孫氏兄希顏博通群書個儻不凡兼酒稅亦非  
本志嗚呼自萊州府君積德儲休數世迨侯之子而後  
顯亦侯所以紹既往啓方來者得其道歟何其善人之

多也

銘曰

重厚而默

言動有則

爰修爰習

稼穡是力

爰禮爰詩

先訓是尊

儉以奉已

豐於及人

以婚以葬

惟群斯仰

歲施其餘

終焉不爽

行行其愉

止善弗渝

忠于所負

恩浹里閭

衆有畢萃

不祿以位

繁祉紛紛

在厥遺裔

遺裔堂堂

載翔載翔

天憲是將

凜其飛霜

歷百斯年

迺酬先德

牧彼中邦

男茲里邑

莘亭之墟

有勒其瑜

匪誕匪謏

伊俊之謨

前翰林直學士知制誥同修國史朝列大夫禮部尚書

曹元撰

泰定四年丁卯三月吉日奉直大夫濟南路總管府判

官致仕男倪立

明故中憲大夫山西按察司提學副使教公墓誌銘

予友教先生靜之既卒鄉進士溫璽於先生有師友之義持其郡太守金君天錫所為狀來以墓銘請予辭未

暇又過東昌先生之柩將就窆矣予既為文以哭之又將圖所以為銘者就其家索平生所著甚富皆散亂未經彙次惟詩一帙粲然集則已就編矣又有先天手冊者其近年所著祖邵學也邵堯夫作皇極經世書五十篇皆孔子所未言槩未有得其門者惟蔡西山推衍之為指要一書足盡了其義而世亦罔傳今觀先生手冊之著推究密矣昔年予與先生同舉進士見先生開口論道理根據經傳旁引曲證多人所不能到及先生官翰林篇章流布人家卷軸間峽駛川騰奔放恣橫不煩刻斲而自合準繩又竊慕其學之益進乎前然未知其

邃于理數如此蓋先生蚤年負氣自豪慨然欲獨立人  
表視世之所謂功名者有若不足爲遇人是是非非無  
所假借於是與世寡合殆後力學益篤玩心高明正大  
之域洞見天地陰陽萬事萬物變化消長之故乃怡然  
就順而始於邵學有契焉殆將駸駸未已而遽不可起  
矣惜哉方先生未死之前幾月嘗夜夢哦詩二句先天  
不肯留人在遺下三皇五帝春旣悟猶在口人謂其篤  
志先天之學寤寐不忘而不知竟爲不起之兆也先生  
諱山靜之其字別號石稜先生五歲而孤鞠于母太孺  
人七歲補郡庠弟子員敏誦捷記英采秀發旣長精于

易學省試同輩咸讓先登比揭曉果登首選五至禮部  
登進士選爲庶吉士得以遍讀中秘書授翰林院編脩  
江西缺提學難其人司衡者聞先生名遂擢江西按察  
司副使奉

璽書往蒞其事焉時翰林少外補或謂有人陰主之者  
先生視江西故多文學士克勤其職身教之餘采摭群  
經諸史百氏之疑及古今事勢變故之難處類爲問目  
鏤版以策諸生其說多先儒之所未及士皆仰服丁母  
憂服闋改山西山西士風亦爲之變科第得人倍前未  
幾疾作棄官歸歸甫旬日病亟召諸子曰吾平生事業

經史而已無厚畜以遺爾第當勤儉以守其家書籍好  
爲收拾有子孫則教之言既瞑目而逝時弘治丙辰八  
月二十七日也享年五十有五先世楊州江都人洪武  
初曾祖興始占籍東昌之莘野後入平山衛兵籍祖麟  
父顯以易學鳴郡庠早卒贈翰林院編修母崔氏有司  
奏表其門爲節婦之門封太孺人妻歸氏封孺人子四  
鯤鯨鯉鯉鯨輸粟補千戶女二長適東昌衛指揮陳鎮  
次適舍人劉廷臣孫男四孫女一卜以是年十月二十  
九日塋於郡城西庄之右嗚呼予辱先生同年先生在  
翰林時予爲部屬事又同朝先生視世人少當其意每

與子遇輒便傾倒退則延譽於所知一日朝罷並轡而行顧予曰大丈夫當力學修行使此中如青天白日居官要必行己志不可蹉跎苟同於人且曰此言惟可以告質夫也今先生不復見而相規之言猶在耳嗚呼尚忍銘銘曰

世所同尚

公或不然

世有未能

公獨能全

公實所爲

喜方惡圓

浩氣之充

奮行直前

大放厥詞

奔峽騰川

脫落其華

妙契先天

孰畀其厚

孰奪之驟

位不三事



年未下壽

理耶數耶

予將曷究

賜進士出身中順大夫山東按察司提學副使四明楊文卿撰

壽官楊公墓志銘

莘邑壽官楊公景中正德甲戌年十一月十一日卒以乙亥年三月十五日葬先期諸子濟等狀其事泣請志銘予按狀公諱時字景中別號介菴世居東昌之莘縣公之父振由曹監任陝右金邑貳尹母白氏公髫髻時從侍宦邸數年凡飲食必躬奉於親小心唯謹日無怠意金官僚咸異之此公少時之行如此及長好讀儒書

朝廷恩例冠帶榮身有司以公年老行篤歲請爲鄉三賓雖耄  
耄甫臨猶禮遜持身靜默養性居止有常處出入不苟  
行語言唯謹衣服唯飭宛然守禮之儒此公老時之行  
如此公天性純篤不事浮靡一生不喜葷酒人固擬公  
爲善人至於縣門咫尺公之足跡平生不履以是當時  
無賢不肖浩然歸重公子六人長濟任山西平陽府翼

城縣教諭次若灌若孔俱業儒補邑庠生以文學顯若  
澄若波若瀾俱克就家業以成公志孫男十人長桐亦  
業儒補邑庠生餘尚幼然皆斬斬頭角足以興門充閭  
者孫女十五人長適邑庠生李宗堯餘俱幼公正德壬  
申秋以子濟迎養翼城從之未一月謂濟曰我欲見汝  
心焉如渴我既見汝心焉以悅但我桑榆晚景不宜久  
處于外遂促裝歸華踰明年甲戌冬公疾作遂沉痾弗  
起人以爲公性之靜故見之明也臨終無他語唯反覆  
以天時不如地利地利不如人和爲言蓋公平日唯欲  
子孫和順故諄諄言此亦以見公平生之志也遂瞑目

公生於宣德己酉十月二十五日享年八十有六葬于  
莘之城西南十五里安周村嗚呼以公宅心之厚獲壽  
之高與夫子孫之盛亦可謂難得者矣故爲之銘銘曰

公德之純

良玉之粹

公性之和

春風之溫

公守之堅

歲寒之栢

公心之直

洞開之門

天實眷公

耄年旣貴

天又眷公

身後益敦

庭桂芬芬

六男之子

埝蘭郁郁

十男之孫

公自有生

實生無愧

公今旣沒

不沒者存

敬作銘章

旌公懿行

用勒珉石

貴公幽魂

鄉貢進士東昌府莘縣儒學教諭莆田吳宗器撰

正德十年三月十五日立



莘縣志卷之十

莘縣知縣王琛新刊

儒學教諭吳宗器纂脩

後學蔣梅王室編

知縣楊鵠重脩

十景

泮宮餘韻

古廟殊勲

城北伊廟

關口閃祠

市中心古塔

郊外名墳

附郭甘泉

臨衢冰井

三景志卷之一  
弁山靈異

井堂清幽

八景

上十景出舊志  
今改為八景

弁山藏秀

馬頰環流

氷井呈霞

甘泉漱玉

斗城捧月

古塔摩天

伊廟松風

枯堂槐影



事與運制及一二庠生相與題詠其下姑以記一時之事且以啓將來題詠之無窮也是爲識

莆田吳宗器序

弁山藏秀

何年星石墮淵泉開闢乾坤即隱然不與群山排翠戟却鍾英物作儒仙愚公那費推移力媧氏難將煉補天我歷名山應不少誰如掩秀抱龍眠

宜山王琛

翠石清泉劈地開應知一脉隱崔嵬時人莫道無山色俗眼何曾看得來

莆田吳宗器

弁山藏秀古相傳陵阜俱無揔曠然一脉清流從地湧  
應知麓底有淵泉

孝義吳從周

拳石深沉不露蹤翻花活水上溶溶圭峰厭與巒排戟  
靈穴能鍾鯉化龍雲影徘徊青黛鵲霞光蕩漾彩嵐封  
天工造就稀奇景縱使王維盡不同

宜山舉人邢國賓

水底崦巖不露形古莘獨此最鍾靈陽回地脉峯藏秀  
月點波心鑑徹疑有蛟龍潛巨峙端無虎豹覆清溟

良工縱巧丹青筆難寫山濤上畫屏

蔣梅

平蕪古樹曉烟寒地被清光氣最完石眼無雲藏岫嶂  
源頭有鑑逞波瀾泄開天地精靈穴透出山河鞏固端  
一覩襟懷俗慮豁浮生徒自老邯鄲

趙欽

弁山藏秀秀無窮不與尋常勝槩同玉有精神渾未露  
珠多彩色更何通崇峯掩秀雲吞氣急水潛流地壓洪  
一段風光難盡說弁山藏秀秀無窮

左師顏



馬頰環流

天潢流砥寄人間晝夜繁迴一帶灣雨洒波文添皺綠  
泉穿石眼弄潺湲碧連魚躍開仍合青荇風牽去復還  
好景滿懷吟不盡睚鳩開耳喚關關

宜山王琛

馬頰河通萬古流盤面風靜碧波浮人言故道今猶在  
雨後春深足勝遊

莆田吳宗器

馬頰河名屬兖州波濤曹頰禹功脩環流旋遶東歸海  
幾度觀瀾興滿眸

孝義吳從周

委曲清流勢何東  
春天浴日鏡光同  
冰消白玉環更綠  
花落青羅帶點紅  
魚躍江心三汲浪  
鸞飛雲外一番風  
眼前物理何昭著  
感我詩懷興不窮

宜山邢國賓

一派源分自九河  
禹王胼胝用功多  
往來應觸宣尼嘆  
清濁何勞孺子歌  
靜影壁沉涵曉色  
浮光金耀湛秋波  
臨流幾度追前哲  
勒馬斜陽興不磨

生負王室

河名馬頰水淪淪  
萬古迴流不記春  
波煖泥融魚亂躍

芹香萍綠燕來頻  
雨餘水漲披銀練  
日暮風吹起碧鱗  
如此物華如此景  
臨流不覺白來新

蔣梅

胼胝平成歲月多  
朝宗勢裏吸鯨波  
藍拖雲影浮千里  
練映天光壯九河  
過客每臨懷古蹟  
漁郎時傍起長歌  
嗟哉神禹當年績  
直到而今耿不磨

趙欽

洛水無涯漫縱橫  
天生神禹始脩平  
疏通順適原無意  
曲折流行似有情  
兩岸波翻來復續  
半天光映濁還清  
從來道体精微處  
只在吾人着意明

楊鳳



水井呈霞

拾却雕盤玩玉泉寒光皎皎映霞天紅綃蕩漾轆轤聲動  
綠綺沉浮鷺影聯三伏生涼堪盥濯四時清液任烹煎  
悠悠地脉流來遠遺愛人間不計年

宜山王琛

古甃寒泉石罅流凌晨彩色水中浮閑來一軟心如洗  
萬慮紛紛總放休

莆田吳宗器

井泉混混與水通止不盈兮汲不窮謂甚西風吹不凍  
寒光遙接錦霞紅

孝義吳從周

石甃深澄百尺泉逼人寒氣透心田  
雨晴霞錦呈青練日落冰壺見彩箋  
性冷應宜消渴暑體清能解別嫌妍  
俯看景色真稀異一水中分上下天

宜山邢國賓

石泉湧出古莘封一脉源頭勢欲松  
入口幾番生戰栗傾心半點透膺胸  
曉來綺散銀牀滿日落霞垂玉甃濃  
怪道寒光常徹夜應知底下有潛龍

王儒

冰井呈霞絕異常分明地氣接穹蒼  
低頭便覺寒侵目

入口難禁冷透腸水色仰含紅琬琰天光遙映赤琳琅  
凭欄幾度情懷爽水井呈霞絕異常

左師顏

涓涓遠脉接龍沙勢冷難容底下蛙數點寒泉凝翠影  
一團秋水沸清華半星到口風生腋六月行人涼沁牙  
料是老天憐凍合銀牀覆盡晚來霞

趙欽

浮氣疑成四季霜蒼然深穴墜天章海門秋色凝紅色  
龍窟寒光接碧光霞映臙脂搽玉井雲張錦綺蓋銀床  
臨觀便覺精神爽一吸能添六月涼

生負左師孟

誰鑿人間混沌穴石泉冷脉湧清沙地鬼推開冰霄窖  
蟄龍噴出雪霜華光搖玉井琉璃鏡霞映丹梧瑪瑙葩  
寄語仕途中熟者此兒持去好煎茶

甘泉漱玉

誰將蜂蜜釀成泉經歲潺潺漱玉煙自是天公神變化  
故教地脉日流連蘸波有月常沉鏡罅石無琴自奏絃  
每換丹青描不就謾將佳興寫詩篇

王琛

古甃潺潺萬玉聲可堪一味自天成海鹹河淡空流水  
爭似甘泉獨擅名

吳宗器

甘泉湧出味清涼一飲尤如飲蜜漿遙映日光生彩色  
隱然良玉響鏗鏘

吳從周

坤靈有竅水涓涓試飲餘甘潤我咽漱滌波光翻碧玉  
潺湲石隙漱瓊煙延年殊勝丹砂井愈疾渾如香醴泉  
遺愛人間無值價千金一飲不須言

邢國賓

一股清泉井底安別泉得似此泉難奈壚煮茗應除苦  
羨鼎和梅竟絕酸地脉剖開珠錯落水晶鑿破玉珊瑚

幾回渴飲東郊外笑立南薰勝一餐

生負王室

混混仙源映碧梧沉疴盡向渴烏蘇醴泉靜影涵金井  
甘露清光湛玉壺仙客每需烹粟粒牧童爭汲當醍醐  
想因一脉通瓊海湧出珍珠水面鋪

趙欽

一脉仙源湧道傍瑩然冰鑑燦清光釀成桑落呈醇美  
煮熟雲芽香誰引珍珠浮玉醴人吞甘旨厭膏粱  
只緣都自嘗滋味那肯和羹薦廟堂

蔣梅

甘泉漱玉最堪珍氣味非常意有神  
水鬼吐來蜂釀汁  
土龍噴出熬成津香美謾說瓊瑤瀉  
旨酒休誇琥珀陳  
不厭數番頻入口甘泉漱玉最堪珍

左師顏

誰將雨露沸香蓀清滿雲霞味最醇  
醴酒釀成靈鬼手  
瓊瑤撒向老龍門琉璃盞內聲如漏  
琥珀光中勢欲噴  
入口甘甜味不舍臨流坐對待黃昏

左師孟



斗城捧月

方隅形勝枕寒泉卜築功垂幾百年雲捲文牆盛皓月  
風生池水動青天朔歸斗角弓弦滿望到梅梢玉鏡圓  
自是人間行樂處何須更去覓桃源

王琛

聞說孤城四面寬  
巍巍空倚碧雲端  
可堪形勢方如斗  
遙捧天心玉鏡團

吳宗器

斗城形勢甚清微  
板築墻垣遶四圍  
不比樓臺隣水畔  
良宵長仰月光輝

吳從周

形勢嵯峨據一方  
雲連雉堞捧秋光  
良宵皎潔如長晝  
虛室生輝即洞房  
玉兔城巔搖藥杵  
嫦娥斗上舞霓裳  
遙觀夜色双眸豁  
信是辛郊景異常

邢國賓

三里方城形似斗斗方吞盡月輪圓銀蟾炫彩城頭照  
玉兔疑光斗角懸桃李黃昏聯古鏡梧桐踈影帶新絃  
幾回携酒中間樂不亞天台洞裏仙

楊淮

地下斗城天上月方宜清夜共團欒芙蓉有意窺銀甕  
闌苑無聲獻玉盤花縣虛涵丹桂影金臺光照錦宮寒  
憑誰有酒來携我醉卧城邊仔細看

張淮

古塔摩天

一峰聳秀碧雲中  
氣象崢嶸孰與同  
峭壁年深凝翠玉  
層簷烟藹接蒼空  
風敲鉄馬穹鳴籟  
日射丹梯石襯紅

往古來今堪眺望阿誰遺巧奪天工

王琛

峯律浮屠百尺竿層層勢入碧雲端高登絕頂渾無碍  
自覺乾坤眼界寬

吳宗器

古華古塔勢巍然聳出長空日月邊肇自大金脩建後  
世人瞻仰幾經年

吳從周

屹立中天幾百春穿梭日月任環循簷飛鳥翼騰晴漢  
窟遶蛇形鎖翠鱗風動金鈴鳴市井烟消鉄頂近星辰

雲梯萬丈登方暇又見龍頭向我吟

邢國賓

孤立原來據上風樓臺不敢與爭雄巍然只訝雲霄上  
峻矣尤疑霧靄中拭目平看侵日月回頭俯視小崆峒  
叮嚀莫發凭高興笑語曾驚太乙宮

蔣梅

巍巍孤柱立中天雄鎮華邦幾百年鈴何風吹聲更響  
籠經雨過色尤鮮升高紅日頭邊轉躡頂青雲眼底旋  
謾訝玉京樓十二登臨便是神仙

王室

幾度登臨奇絕處  
徘徊宇宙甚寬弘

楊鳳

伊廟松風

伊廟清幽歲月深  
儀容儼雅樹森森  
雨餘苔砌釀春色  
風過松琴奏好音  
三聘勤渠天下計  
兩朝輔相老臣心  
元勳燁燁銘商鼎  
日月爭光照古今

王琛

清陰古廟傍青松  
佳致幽然更覺濃  
況是當時耕讀地  
臨風幾度仰遺蹤

吳宗器

伊廟莘郊歷歲深  
青松鬱鬱布成林  
春風漫拂枝稍動  
宛似瑤琴弄好音



吳從周

喬松挺秀廟深幽先覺英靈可在不輔世忠貞人共仰  
格天功業孰能儔風清琴瑟聲和翕日煖龍蛇影動遊  
遺址萬年應不朽悠悠天地與同休

邢國賓

隱處耕莘起佐湯願將堯舜理綱常如存廟貌千年祀  
不朽忠魂萬代彰雲外鳥來啼晝靜砌傍風起引松香  
祠前若有奸雄過應是寒心默自惶

楊灌

世遠人亡幾百秋阿衡原自隱莘州誦詩樂處聲還在

耕野犁痕迹尚留風動松稍香漸遠雲閑枝底影偏稠  
祠前拜想當年事毛髮森然爽氣浮

王室

犁鋤畝畝身堯舜君民志愛稼數呼覺溝芋如已賓詩  
書鉤筌蹄取予惟道義感聘出莘郊伐暴佐天吏夏鼎  
沸巢臣商都定亳地除殘代至仁撥亂歸極治涵養嗣  
君賢靖共衡宰位天民生有期聖任元無媿匡業六百  
年配食萬千禩香瓣拜新祠徘徊無限意

嘉靖甲辰春二月之吉

魯滋陽王府教授臨淮馬升

嘉靖甲辰五月先覺書院告成移

聖容入祀而重繪之偶占一律以寓景仰之私耳  
詩云平哉觀者幸勿西馬

古云伊尹耕莘野今見莘田不見伊百代遺容存正氣  
一方血食重遐思匹夫匹婦沾餘澤先覺先知作後師  
我忝分符宰斯邑為陳當道啓新祠

知縣楊鵠

伊廟新遷文廟傍斯文旗幟更輝煌遙瞻莘野躬耕日  
想像唐虞事業光德感商君采幣聘心懷當世坐朝堂  
到今千載稱賢相留得芳名萬古揚

教諭賈標

廟貌鮮巍照眼傍文星相映更輝煌天民先覺乾坤久  
我代追崇日月光一德元來陳帝典高岳始可配明堂  
若無千載傳心會誰得新遷贊古芳

訓導戴大有

枯堂槐影

借問槐堂幾度春  
青陰猶盛篆猶深  
群公元氣流天地  
一種清風振古今  
先後香名昭宋史  
光明事業等商霖  
觀風何幸瞻遺址  
慰却生平斗仰心

王琛

鬱鬱三槐幾歲華  
繁陰漏日影橫斜  
問人遺迹今何在  
都說前村是舊家

吳宗器

三槐始植兆三公  
不與陶門五柳同  
宋祚已移元又滅

至今堂下播清風

吳從周

三槐培植向高堂  
預兆三公果異常  
奕葉傳芳當代盛  
仍雲繼業萬年揚  
黃花影弄千秋月  
綠樹陰移九夏陽  
人世不知經幾變  
至今後進仰餘光

邢國賓

古莘喬木仰三槐  
種德先人手自栽  
庭畔影搖風弄樹  
堂前陰靜月凝苔  
綿綿相業孫由子  
藹藹官封盛未衰  
可惜當年形勝地  
至今遺址望生哀

王空

枯堂槐影大根芽生意多歸積善家對日婆婆呈綠色  
當埧踈密印黃華子枝條達雲仍遠孫葉蒨蔥陰覆加  
都道流芳原有本枯堂槐影大根芽

左師顏

綠草紅花遶畫臺不中風月倍殊常三槐栽植經双手  
一脈芬芳蔭二郎雲護枝頭清影密日晴階下午陰涼  
無情最恨春來鳥啄得黃花滿地香

趙欽

喬木由來屬大家東皇有意厚生芽根枝洞兆三公象  
孫子綿延一脈華日煖清陰迷燕雀風搖綠影動龍蛇

多情只爲閑  
會景縱步歸來日已斜

孫求

槐堂景絕過蓬萊  
槐樹青青又異裁  
風動枝頭清影亂  
雨餘葉底翠雲堆  
太陽西墜剛收去  
明月東升又送來  
春半憑誰來拉我  
一觴一詠謾徘徊

張淮

三槐庭古無遺跡  
縱有三槐亦萎然  
物化人亡陰德在  
王門代代產多賢

中都揚鶴



雜詠

題古廟靈異

神威赫奕應無方  
功庇當時姓字香  
靈爽昭昭匡福地  
陰兵颯颯翊真王  
氛祲電掃民安樂  
風雨調和物阜康  
聖代只今封顯佑  
廟模翼翼倍增光

教諭李璞

當年氣槩本剛方  
義膽忠肝萬古香  
靈籥陰陽符大造  
扶持日月翊昭王  
禍淫福善群黎仰  
拯患攘灾庶物康  
顯佑褒崇昭古廟  
芳名耿耿有餘光

教諭薛端

造化運玄機陰陽相表裏洪範歛五福幽明洞然紀  
吾皇整六合陰兵賴神理氛祲一掃空衛翊功無比

訓導王鉞

運籌百戰奮孤忠破敵曾施汗馬功  
力捲殘雲歸海外手扶紅日到天中  
靈祠遺像今猶在清史芳名永不窮  
敬瀉椒漿陳一奠幾回嘆慕仰高風

訓導陳濟

題伊尹廟

堂堂伊廟登城陰血食於茲歲月深  
只道一犁終樂隱豈期三聘便爲霖  
乾坤再造開商室日月重輝簡帝心

下馬臨風追往事一回瞻企一沉吟

教諭李璞

莘城北去樹陰陰誰建伊祠用意深  
生長空桑符吉夢調和商鼎作甘霖  
隱耕此地追前聖著業當時竭寸心  
千古輝光千古慕令人賦盡短長吟

教諭薛端

商鼎卜六百宗社享恬熙變調應聘起  
大寶有所歸風雲適然會功業無盡期  
我瞻賢相廟佇立空徘徊

訓導王鉞

扶輿清淑孕空桑奪却山川草木光  
三聘佐湯遵顧命

四朝輔治法震唐煙籠野樹鶻聲切雲鎖荒祠鶴夢長  
五訓至今垂竹帛巍巍功業格穹蒼

訓導陳濟

題古塔

古塔差我輦石攢登臨不覺在雲端轉身愁說心田穩  
展步欣逢眼界寬撲地人家迷遠近撐空樹木矮團栾  
堪誇飽歷風霜久勢壓塵心聳巨觀

教諭李璞

怪石岩堯聳一攢直侵霄漢迥無端疑眸眺望乾坤大  
絕頂登臨宇宙寬形勝不殊雖倒插勢高還有影團圞

墨心久鎮堪題字萬古莘亭起壯觀

教諭薛端

古塔鎮城市岩堯倚空碧幾度欲攀登其奈星辰逼  
創建自古始到今留勝跡車馬日駢羅過者恒歎息

訓導王鉞

誰建浮屠玉一簪孑然卓立鎮墨心遙瞻勝跡風霜古  
倒插雲霄歲月深晴影入池如竦欽風鈴和雨似龍吟  
自從武帝仙遊去留得遺蹤直到今

訓導陳濟

市心古塔與雲齊中有盤旋百尺梯眼底風霜時下已

人間雨露歲無迷  
升高不覺星辰近  
視下寧知泰華低  
他日揣逢金榜客  
也應高把姓名題

致仕知縣李清

題名墳

古塚荒涼此處遺  
當時相業更推誰  
曾藏萬頃汪洋量  
謀協千年遠大規  
花落玄堂春寂寂  
草生閑野晝遲遲  
斷碑零落斜陽裏  
回首令人益愴悲

教諭李璞

淒淒荒塚古來遺  
姓字曾知更問誰  
卓躍才華膺大州  
經綸事業有成規  
庭槐影亂風來疾  
杜宇聲殘月落遲

倪想當年扶宋室一堆黃土總堪悲

教諭薛端

佳城何鬱鬱云是王旦墓蜿蜒龍勢蟠多年適茲土野  
鳥向我啼留情日卓午惜哉蓋世功誰能歷談吐

訓導王鉞

穹碑剝落蘚苔鋪水色山光入畫圖尚想衣冠壇感慨  
敢論事業久荒蕪三槐令譽依時在百代文章與道俱  
多少往來經緯客下車曾酌一觴無

訓導陳濟

題井泉

一泓澄澈近城隅傳說香甜味更殊曾許浮瓜同作伴  
可容沉李共爲徒常思美澤枯還潤素感陰功有若無  
炎月倘逢豪俠飲也應携取貯水壺

教諭李璞

步入城東古路隅清冷一脉獨何殊不容巢父來消耳  
可許姜公作釣徒冷比雪霜天上有甜如甘露世間無  
吟餘渴想呼童僕頓向寒潭瀉玉壺

教諭薛端

大匠自鼓鑄孰測玄妙機匪芻亦匪豢至味人罕知一  
壺直千金夏月止渴飢借使夷齊飲留連亦忘疲



訓導王鉞

莘郊古井有遺踪  
靈穴流來一脉通  
濯濯清泉甘似蜜  
涓涓雲液潔如虹  
轉影三更月  
咿聲傳午夜風  
商鼎休誇滋味美  
自然甜淡許誰同

訓導陳濟

近郭瓊漿味最奇  
清香端得濟當時  
涓涓暗接江河脉  
細細潛通溪澗支  
旱歲有時消客悶  
炎天長日動人思  
踈才愧乏金聲振  
不似當年吳隱之

致仕知縣李清

題水井

麓石清泉出道傍天生滋味勝尋常細者不必求水蔭  
乍得何由索蔗漿色浸玻璃疑石髓光浮瑪瑙發天章  
紅塵多少經過客止渴消煩賴爾嘗

教諭李璞

一脉幽泉湧道傍也應天意匪尋常涓涓無異瑤池瀝  
瀝還同玉液漿冷擬秋霜拖練色寒欺冬雪噴珠香地  
靈水秀堪何用沉李浮瓜奉帝嘗

教諭薛端

我愛衢邊井清涼百倍饒乍看忘燠熱忽見滌煩暑對  
樹如飴化迎風似雪消楊羅逢此處給賞肯辭勞

訓導王鉞

何人鑿井在城隈六月寒水凍不開吟比雪霜偏沁齒  
瑩如瓊玉可清埃無窮石髓滔滔出不盡源泉滾滾來  
幾度臨流思獻賦愧予獨少子雲才

訓導陳濟

西郊佳境有水光允矣遊觀興趣長古道迢迢環玉甃  
幽泉湛湛浸星芒長堤草色三春綠塵世風光六月涼  
遠到行人逢邂逅一斟消渴頓然忘

致仕知縣李清

題弁山

坦他何由號弁山井中碎石湧潺湲若無靈物蜿蜒蟄  
那得青霄發健看彷彿陽明留勝跡依稀太液傍仙壇  
幾番願盡留連興只恐龍來問大還

教諭李璞

後魏年來有此山奔石碎響潺湲靈祠兩旱偏宜禱古  
碣功勲尚可看輕死聲名垂汗史顯仁封號著幽壇百  
年勝跡渾如昨幾度追思去復還

教諭薛端

勝地留奇蹟非山號弁山地無形翠律井有水潺湲歲  
長異人往多年靈物蟠官遊聊寓此舒情暫盤桓

訓導主鉞

百里卽官善政多只因海眼湧成河自輕一命甘沉溺  
却重三農患疾疴汜濫不除蒙惠澤褒彰加贈沐恩波  
於今廟享王侯祀功勒穹碑亘不磨

訓導陳濟

莘亭郊外水潏潏喜得威靈鎮弁山千載有人傷往事  
三春死地不生湍傍衢楊柳森森綠圍壁松楸挺挺寒  
明到重陽追祀早顯仁臺上好觀瀾

致仕知縣李清

題井堂

三  
集  
卷  
之  
二  
二  
一  
一  
酷愛招提分外幽雨餘忽訝似新煠寶幢搖動清風細  
珠樹深沉夕照收鳥弄花前吟愜趣僧敲月下坐忘憂  
不知喚醒家山思橫笛唢鳴起寺樓

教諭李璞

堪羨禪林境界幽年光不計幾春秋石岩虎卧春烟繞  
鐵鉞龍歸暮雨收入定老僧瞑不語御苑野鹿縱無憂  
大顛更有留連意幾欲邀登百尺樓

教諭薛端

一日乘閑過三生石上吟筆牀臨寶樹琴几對珠林掃  
地看花雨推窓見鳥臨鯨音方響罷因此契禪心

訓導王鉞

古寺清幽掩翠微  
淡烟輕靄映朝曦  
風翻錦幢應難辯  
日過茅簷尚未知  
入定老禪塵可避  
閒經童子靜偏宜  
不勝佳趣多吟賞  
擲立蒼苔自詠詩

訓導陳濟

喜遊名刹不成眠  
爲愛清幽在眼前  
僧室談經應有味  
佛堂說法豈無緣  
鳥啼綠樹人欣賞  
鼎煮黃茅客解懸  
遍歷沙門多勝跡  
坐談不覺到吟邊

致仕知縣李清

題閔王

祠古傾欹歷歲多  
閃王遺跡半消磨  
碑殘刻蝕經兵火  
壁朽墻傾長薜蘿  
風景依稀留舊迹  
人煙叢雜自經過  
當年勲業無由考  
佇立其如感慨何

教諭李璞

經過見古祠  
下馬詢故老  
問之何代神  
云是閃王廟  
功崇錫爵隆  
世遠傳名竊  
碑刻值兵燹  
茫然竟難曉

訓導王鉞

闕口祠堂幾百秋  
清香允矣藹光浮  
功成前代褒封重  
跡著當時德範優  
綠樹陰中啼好鳥  
青松影裏喚名鳩  
滄桑更變須臾事  
忍看斜陽斷碣留



致仕知縣李清

題泮宮

時覺芹香薦地聞前賢餘韻至今存家傳忠孝風希古  
士慕弦歌俗尚敦堪羨三槐留著姓曾誇一鶚薦名門  
持竿亦有任公侶竟問東溟釣巨鯢

教諭李璞

千載文明千載聞而今芹泮豈無存人希孔孟詩書樂  
士祖程朱禮義敦接踵芳塵沾化雨繼聞遺響振儒門  
聖朝雨露垂千古莘野年年起巨鯢

教諭薛端

宣尼振木鐸餘響被八紘三綱既不斁九法孰云崩偉  
哉瑚璉器懿矣絃歌生濟濟踵芳躅笑傲登云程

訓導王鉞

天厚斯文氣味新流風餘韻幾千春纔聞士作瀛洲客  
又見人充閭苑賓姓字豈無留盛蹟聲名亦有踵芳塵  
明年誰顯屠龍手笑藉風雲釣巨鱗

致仕知縣李清

題邢叅政建漏澤園

一視同仁大造恩肯將枯骨棄荒村園名漏澤遵成憲  
地葬孤寒贊化元死骨尚然蒙渥惠生民胡不荷餘暄

陰功異行當年少慶衍侯門蔭子孫

教諭薛端

曆數欣逢太運期名藩方伯播皇威融融和氣調元鼎  
耿耿丹忠接太微六郡疲癯歸壽域百年枯朽被春暉  
斯民祝頌酬恩德與國咸休百代宜

訓導陳濟

清和時節柳陰濃億萬松楸漏澤中貧賔長途沾雨露  
孤眠郊埜際仁風無塵秋月光騰遠有脚春陽惠愛同  
異政當年無棄物香名大振達宸楓

致仕知縣李清

方岳重脩漏澤園淡烟荒草摠凄然孤寒朽骨沾春雨  
無後遺骸葬墓田環塚松楸悲夜月勒碑文字鎮長年  
仁心仁政從來鮮姓字湏勞太史編

後學王端

近郭園中有義田碑文燁燁傍衢邊一天風景青陰盛  
萬塚新煙白晝眠賸貧孤寒恩尚在惠頒路葦政尤先  
名留鄒魯而今燁萬古清風兩字懸

後學李宗儀

仁風滿眼自天真敷政

堂高萬事陳貧困均沾夜室煖孤寒咸慕化臺春萃州

燁燁連州景惠澤優優漏澤新千載芳聲勞撫字東蕩  
霖雨濟斯民

後學李宗侃

漏澤名園惠愛周陰功無限被明幽文章蓋世稱三絕  
人物當時第一流殘魄有歸沾厚德枯骸得所沐洪休  
許多盛事斯民仰耿耿清風太史修

致仕知縣丙右

題趙全孝子廬墓

溫清無綠色養遠臨風長詠蓼我詩誅茅結構祇連掌  
攀樹哀號血滿衰飛鶴來巢還作伴啼鳥繞墓亦從悲

如何父老空惆悵太史無文爲勒碑

教諭李璞

誰似趙君全至行三年曾築墓前廬心馳午夜腸堪斷  
淚洒西風眼欲枯萃律孤墳馴狡免蕭森萬木泣慈烏  
一誠自足孚群類行見

天書表里間

訓導王鉞

烝民孰不秉此彝紛紛斲喪多使虧私妻溺子縱所欲  
愛親敬長奚有之嗟哉趙君出群類既能孝親仍克弟  
執親之喪動踰禮哀毀骨立成嗟異迺何墳前結草廬

三年不歸田與閭畫焉負土築丘隴夜則追慕多號呼  
寢苦枕塊恒啜粥見者深憐面深墨手植松楸千萬株  
望中陰鬱遮雲日今年終喪覩妻兒猶自含悲兩淚垂  
中制有窮情莫盡昊天罔極將何爲予忝司教來莘邑  
聞君志行常嘖嘖乃持尊酒慰所思要使邦人是矜式  
聖明以孝治九州恩褒有典垂嘉猷封章上報誰敢後會教孝  
行聞宸旒

紹興府教授戴魯

題王淳孝子廬墓

面垢頭髻跣足行晨昏泣血淚如傾茅廬結束依丘隴

松柏栽培遶墓城一念格天瓜並蒂三週來物鳥巢堂  
無求今日旌門第萬古相傳孝子名

訓導陳濟

老年大孝壯年行風木思親一座傾茅底時時常讀禮  
雪中日日傍佳城三秋不易丹心孝萬事靡閑綠樹榮  
聖主旌書來俄尔古人風景燁香名

後學李宗儀

題伊尹祠

土沃民淳 俗尚簡朴 堯舜之道  
隱耕是樂 於萬斯年 景仰先覺



巡按監察御史鄭一贊

三聘臨門一欠伸格天功業在君民誰言太甲初年黜  
摠已猶能聽老臣

能令萬乘住桐鄉君意臣心日月光有此君臣行此事  
後來誰敢更承當

巡河都御史劉愷

王仁裕賀王溥拜相詩

一戰文場拔趙旗  
便携金鼎贊無爲  
白麻驟降何恩厚  
黃閣初開喜可知  
跋敕案前人  
到少築沙堤  
上馬行遲  
押班長得遙相見  
親狎爭如未貴時

雜錄

伊尹論

辨天下之大事者有天下之大節者也立天下之大節者挾天下者也夫以天下之大而不足以動其心則天下之大節有不足立而大事有不足辦者矣今夫匹夫匹婦亦知潔廉忠信之為美也使其果潔廉而忠信則其智慮未始不如王公大人之能也唯其所爭者止於簞食豆羹焉而簞食豆羹足以動其心則宜其智慮之不出乎此也簞食豆羹非其道不取則一鄉之人莫敢以不正犯之矣一鄉之人莫敢以不正犯之而不能辦一鄉之事者未之有也推此而上其不取者愈大則其

所辦者愈遠矣讓天下與讓簞食豆羹無以異也治天下與治一鄉亦無以異也然而不能者有所蔽也天下之富是簞食豆羹之積也天下之大是一鄉之推也非千金之子不能達千金之資販夫夫婦得一金而不知其所措非智不若所居之卑也孟子曰伊尹耕於有莘之野非其義也非其道也雖祿之天下弗受也夫天下不能動其心是故其才全以其全才而制天下是故臨大事而不亂古之君子必有高世之行非苟求為異而已卿相之位千金之富有所不屑將以自廣其心使窮達利害不能為之芥蒂以全其才而欲有所為耳後之

君子蓋亦嘗有其志矣得失亂其中而榮辱奪其外是以役役至於老死而不暇亦足悲矣孔子刪書至於舜禹皋陶相讓之際蓋未嘗不太息也夫以朝廷之尊而行匹夫之讓孔子安取哉取其不汲汲於富貴有以大服天下之心焉耳夫太甲之廢天下未嘗有是而伊尹始行之天下不以爲驚以臣放君天下不以爲僭既放而復立太甲不以爲專何則其素所不屑者足以取信於天下也彼其視天下眇然不足以動其心而豈忍以廢放其君求利也哉後之君子蹈常而習故惴惴焉懼不免於天下一爲希濶之行則天下羣起而誚之不知

求其素而以爲古今之變時有所不可者亦已過矣夫

蘇東坡先生

### 三槐堂序

天可必乎賢者不必貴仁者不必壽天不可必乎賢者  
必有位仁者必有後二者將安取衷哉吾聞之申包胥  
曰人衆者勝天天定亦能勝人世之論天者皆不待其  
定而求之故以天爲茫茫善者以怠惡者以肆盜蹠之  
壽孔顏之厄此皆天之未定者也松栢生於山林其始  
也困於蓬蒿厄於牛羊而其終也貫四時閱千歲而不  
改者皆天定也善惡之報至於子孫而其定也久矣吾

以所見所聞所傳聞考之而其可必也審矣國之將興  
必有世德之臣厚施而不食其報然後其子孫能與守  
文太平之主共天下之福故兵部侍郎晉國王公顯於  
漢周之際歷事太祖太宗文武忠孝天下望以爲相而  
公卒以直道不容於時蓋嘗手植三槐於庭曰吾子孫  
必有爲三公者已而其子魏國文正公相貞宗皇帝於  
景德祥符之間朝廷清明天下無事之時享其福祿榮  
名者十有八年今夫寓物於人明日而取之有得有否  
而晉公脩德於身責報於天取必於數十年之後如持  
左契交手相付吾是以知天之果可必也吾不及見魏

公而見其子懿敏公以直諫事仁宗皇帝出入侍從將帥三十餘年位不滿其德天將復興王氏也歟何其子孫之多賢也世有以晉公比李栖筠者其雄才直氣貞不相上下而栖筠之子吉甫其孫德裕功名富貴略與王氏等而忠信仁厚不及魏公父子由此觀之王氏之福蓋未艾也懿敏公之子輩與吾遊好德而又以世其家吾是以錄之

蘇東坡先生



拒賊賦

維仲秋當辛未之歲兮謀毛鷁於張秋密我城之防閑  
兮阻旗纛於崇樓急梁算之繁三千兮尺三橫而直六  
聚一鏡以間一稍兮邏灰瓶之與滾木刀珊兮而門據  
兮矛緝兮而如蓬鞭揚兮而地震兮人矯兮而如熊時  
師儒之亦偕坐兮遞散核以相從且雅歌而又投壺兮  
適擒奸細於寰中予深料其爲雛黨兮且淺貌待其羽  
客乃令其遊吾之官道兮得遍觀予之區畫舉老幼以  
束火牛兮林器械之與矢石耀糖鑼之兵於南門兮雲  
奕奕整金牌之隊於東園兮聲赫赫白虎之爲圓陣兮

張羽翼玄武之爲遊兵兮純騎射出我庫之筐篚兮多  
巴豈之與漏蘆奸潛詢夫此物何庸兮知者答云下井  
中以瀉毛鷁遂佯傳令於四門兮暫放守塼之丁夫故  
逾宵而始出黃冠兮果投之乎張秋之途予始實其爲  
奸兮速將塼夫之復拘方蹠兮而入夫四門兮路通兮  
而來探馬鷁猶兮而復張秋兮果啾兮而掠吾莘野自  
如戰而午攻兮雨如南門之箭灑立紅旗於正中兮列  
黃旗於西左亦銃砲之謹謹兮隆金鼓以誇我實繡錦  
之蔽充兮終跋亂乎豺狼之夥喜我矢之無遺兮抑砲  
石之不空或碎首而僵屍兮其所畏者吾九條之龍時

天象之亦為怒兮直西南而垂二虹雖正氣之足矣天  
兮實鬼神有呵護之功顧脯陽而群猶過兮獨憐四境  
之殘毀倏油然以布雲兮轟晴雷於百里予酷憂黎卒  
之淋漓兮畢竟無一星之雨且飲恨而立待夫旦兮人  
報兩電之盈界土疑疑其有神助兮愧何德以為補予  
將卜其為偶逢兮得非數盡於楊虎予因索筆以識天  
時兮定二十而有五日方叙公事之未遑兮又驚餘雛  
之犯紀律急令人登市塔之頂層兮果哨亮鷄之出沒  
先數騎而來揚言兮後盡攻城之健卒予故微咲而且  
呿言兮何懼鷄百萬之衝突羗拍馬而復南馳逐兮

亂甲隊以風行子固知其無後援兮連發矢四門之兵  
紅正字於其左頰兮纔得出乎吾城先百騎而召亡命  
兮逐一騎而五人與并審鈎鎗稍刀之及銳兮各得全  
吾步騎之精甫五里而速敵兮剛一戰而吾兵告羸或  
透患於腹脅兮或剉傷乎腰領或洞隄於心脅兮或深  
躡於機井俄傳擒斬計三十七名兮喜吾網羅之無一  
梗錢之箇踰萬計兮帛之木百整段之裁亦多兮馬之  
數人等予既覈其鄉貫兮復三究其本根對日斬於某  
地兮并劫之與藏也忽怒髮之衝冠兮咤提劍而追  
鬼既誅盡而瘞夫難軀兮謀幽首而欲上聞竢翌辰之

答有功兮自一兩以及百文并帛之與馬疋兮盡時  
 估而與平分方交；以集公庭兮忽頂層又報夫塵氛  
 速收貯而促人馬兮仍前發之如征軍再一戰於東郊  
 之南兮未敢自擬其策勲寔自始吾大壯之占兮果得  
 旋凱而走夫狐羣乃擒七以斬三兮復懸十雛之首級  
 也是豈予之薄能兮實則民之和一也暨彼銀帛之有  
 加兮并馬之數四十而有七也答既行而復相爲歲兮  
 須原籍下之有火實也由是立木寨以衛南關兮坑馬  
 塹於平堤分梁夫之班次兮額半月以爲期均五十步  
 而築臺構屋兮聊足以遂夫寒夜之資每一梁以設一

三才圖會卷之二十一  
十七  
析弓盡百析而一鈴與隨先一夫而籠一燈弓後號聲  
之有疾徐共八燈以周遊弓直達旦而方改移由是塞  
棘把於梁口弓粉梁身而爲一色統棘中以綴一鈴弓  
連長繩以占警息倘風路之來倉卒弓亟呼梁長之兵  
疾擊時惟稍棍之奮楊弓餘兵器之且隱匿彼如赤手  
以空行立弓人々自辯其爲賊由是日揚兵於城之外  
弓或結陣而按圖假攻圍以衝斥弓或力闢而生俘復  
整隊而交接弓或變合以示其難趨或分旗以當路弓  
試奮勇者之馳驅或指揮以夾攻弓定出馬者之精粗  
或列幟以設疑弓使敵者之不敢入弓或得走以必夫

追兮務致其落吾之陷虛是則守城之大戰兮若夫委  
致其身臣之事也臨敵不回臣之志也夕惕朝營臣之  
利也必死宅心臣之備也求四者之不負兮吾恐利之  
未至求四者之必勝兮吾恐勢之不易苟以一備而爲  
心兮又奚毫髮之將驚悼自鍊額之徒爲霧兮見滅於  
車之指南自東方之瀛稱僭兮實空乎耀德之談自縱  
橫自變法自自立自矯殺爲恬兮始兆治於澤中之斬  
蚺自七國反自蠱獄興自九錫進自絲林新市爲萐兮  
始誅莽而復威儀是瞻自埋輪自餅毒自鈎黨自符水  
協立爲兼兮始國土鼎峙而爲三自面縛降自青衣酒

自犯闕入自草木爲銛兮始不恒代禪而無慙自酣歌  
自清夜自浪語自淫雲擁衆爲貪兮始挾父臣虜而無  
嫌自嫁文成自養奸枉自服丹石自入寇召讐楚相亟  
兮始得陳橋推戴之簪纓小人用兮多悞國馬渡江兮  
生羽翼開錢塘兮走二亮從茲望兮殊反側遼金亾于  
兮吞蝕蒙古何人兮御極構末百年兮亂生天厭腥羶  
兮永比祚歸真兮我

大明紅巾倡兮諸僞平起降附兮騰海宇廟順帝兮崇禮成山  
河莫安兮值此萬年千秋兮無已蛆蠓小寇兮何傷擾  
我生靈兮不究我卜城兮守之彌堅何當天兵兮肆



發以駢聞最虞糧草兮積之弗全荷當內帑兮輸運之  
如泉熟思吾儕兮孰敢不盡供餉殫心力圖報稱祗憑  
空言以圖傳

知莘縣事諸忠著



華縣志後序

正德壬申夏予忝宦于華因公  
餘課諸生而閑誌以觀風物之  
何如愈謂原書刊板缺典久矣  
予嘆曰世之宦門巨族尚刻譜  
以為家傳之寶矧一邑古今人  
才凡僉孝行與友世代之流華

疆域之隆積戶口稅糧製作官  
蹟之類紛紜不一殆耶家可比  
也相為反缺其誌耶是誠大可  
憾也茲來昌府貳守楊公奉  
康克道憲憲蔡公命纂脩郡  
誌移文下縣夫予素有志於此  
二公為先得我心之同然者即

後訪尋舊誌於民間幸獲草錄  
一帙事雖訛謬庶猶可稽述謀  
諸儒學教諭吳君宗器所脩纂  
云又得庠生馬梅玉室相與采  
補缺畧雖校差訛朔晦未周而  
是誌告成予及後搜閱見其補  
叙詳明考證切實其事不越乎

縣志  
縣志云所有而又足以發之其  
義類則宗我

大明一統志之成規左今事蹟備  
載孔悉燦若草木之敷榮回視  
夫舊志之承訛習舛因陋就弊  
者相去何什百哉美固可尚矣  
不壽諸梓久或流於湮沒仍復

典缺也必矣故命工鉅梓以畢  
吾志俾為華邑公共之具世守  
之典傳諸永久而不泯也刻成  
吳君宗器既為首序然而末簡  
未備或不免為全書病是以忘  
其固陋竊序于後予惟誌之為  
書所以紀事上有資於治道下

有關於世化

徒為侈肆之文具俾以便其觀  
覽而已哉若夫將來之賢宦暨  
有華之士民誠能鄭重乎此相  
因而觀感興起以求益美於前  
脩則治隆俗美而是德未必無  
補云者



正德乙亥春三月去旦東昌府  
莘縣知縣宜山王琛改鑒撰

跋縣志後

余始至莘之三月求舊志而閱  
之見其字畫磨滅人物闕畧欲  
大新之懼工力之不迨也爰輯  
未備於各條之下以便觀覽云

耳若夫全書

卷之七

